

فضول القطة

غادة عبد العال

المصري للنشر والتوزيع



فضول القطة

غادة عبد العال

تصميم الغلاف

سيمون سمير

المراجعة اللغوية

إيمان الدواخلي

الطبعة الأولى يناير 2016

رقم الإيداع: 27182/2015


ISBN:978-977-770-041-2

المصري
للنشر
والتوزيع

المدير العام: يوسف ناصف

عمارات العرائس

المعادي الجديدة - القاهرة

+2 01146335098 

info@elmasrypublishing.com 

www.elmasrypublishing.com 

جميع الحقوق محفوظة للناشر وأي اقتباس أو إعادة طبع أو نشر في أي صورة كانت ورقية أو إلكترونية أو في وسيلة سمعية أو بصرية دون موافقة كتابية، يعرض صاحبه للمساءلة القانونية.

مكتبة عابث الإلكترونية

غادة عبد العال

فضول القطة

دار المصري للنشر والتوزيع

قلوب

دلع عيني دلع

دلع عيني دلع، دلع روحي دلع، أغنية كاظم الساهر اللي
تتحق تكون النشيد الوطني لحياتنا كلنا. إحنا شعوب عندها
حساسية المفرطة تجاه مفهوم «المسئولية» وبتهرب منها بخليط
من «الطناش» و«الدلع». فحياتك كمواطن عربي، تعيش في
هذه البقعة المثيرة للدهشة من العالم، تبدأ بالسيادة والدتك
وهي بتلمس لك العذر عن كل الجرائم اللي يسمح لك سنك
انك ترتكبها في العمر ده. كسرت لعبتك، ده عيل ويلاعب،
رزعت سلطانية الكومسة في الحيطه، عيل ويلاعب، روحت عند
حد وقعدت تنططع الكنب وتشد في الثاير وكسرت نص
الأنثيكات اللي في النيش اللي العريس هيفضل يدد في تمنها
لحد العقد الخامس من عمره، عيل ويلاعب.. حتى لما تفتت
على عمرو. هم اللي علموك، أنا فاهمة إن دي مش ذنبك، بس
يتنصلوا برضه من المسئولية، ويقولوا عيل ويلاعب. بمزيج من
التقريرية والدلع، بتفلت من أي عقاب وانت عيل وبتلاعب،
وبتنقل معاك الأعذار لمستوى جديد، زي ما بتنقل جرائمك
لمستوى جديد.

بتنقل بقى لمرحلة: «ده شاب وكل الشباب كده» المجيدة.
تعمل في مذاكرتك، تشرب سجائر، تقف جنب الكشك اللي على
ناصية شارعكم تخمس مع صحابك في مقاطع بلوتوث ساخنة،

تعاكس بنت الجيران.. كلها جرايم بتفلت منها بمزيد من دلح
الست والدتك واليد والدك وبقية أفراد العيلة والجيران لك
واحتساء بالجملة السحرية: «ده شاب وكل الشباب كده».

بتدخل بعد كده لمرحلة «ه راجل برضه، وفي رقبته كوم
عيال» الذهبية. تختلس من عهدتك أو تاخذ رشوة، ماحدث
يفضحك، عشان انت راجل وفي رقبته كوم عيال.. تضرب
رسالة دكتوراة مزورة، يتكسفوا يواجهوك عشان انت راجل
وفي رقبته كوم عيال.. تتحرش بواحدة في أتوبيس تيجي ترفع
صوتها تلاقي الكل سكها: «خلاص يا آنة ما توديهوش في
داهية، ده راجل وفي رقبته كوم عيال».

ولو ربنا كرمك ومسكت منصب مهم أو مش مهم قوي،
تبتدي أعذار تانية من عينة «وهو هيعمل إيه يعني وهو ده
مرتب؟ ماهو لازم يعمل كده» و «علي قد فلوسهم» وهو
هيقطع نفسه يعني. أو «وهو يعني هو لو حده اللي يسرق، ما
كلهم يسرقوا»، أو «خلاص بقى ما تقلبوش في الماضي، ارحموا
عزيز قوم ذل»، أو «وهو مال؟ دي التركة القديمة»، أو «يا سلام؟
ويعني هو اللي مامك مكيه الكهريا يعني والا هو اللي نزل
السيول والا هو اللي كان سابق القطر؟»، أو «حرام عليكم
هيجيلكم منين؟ هو مش قادر مش مش عايز، تاكلوا البلد
يعني؟ ما يصحش كده»

و تفضل سيادتك متدلح ومتغدد، ولا يمكن تشيل مسئولية
أي خطأ من أخطائك، ولا يمكن تشيل هم أي من تقصيرك أو
مقطاتك، طول ما انت مشرفنا ومأنسنا وعايش معانا هنا،
بالذمة فيه دلح أكثر من كده في أي حنة في العالم؟، وعيني في
عينك كده، حد يلاقي الدلع ده كله وما يتدلحش؟

اللعبة

لو كنت من الجيل اللي قضى طفولته في الثمانينات والتسعينات، إذا فأنت إنسان محظوظ. الحياة كانت أبسط بكثير، لكن في نفس الوقت كانت بتدعونا للعبادة لأسباب كثير. حاجات دلوقتي تبان قليلة، لكن أيامها كنا بنعرف نستمتع بالقليل. كان مسموح لنا نلعب في الشارع.. كان له فيه مكان لركوب العجل وللعب ماتشات الكورة.. كانت حلقتين من توم وجيري وحلقة من مازينجر يرسموا ابتامة على وشوشنا أسبوع بحاله.. كنا بنستمتع بقناتين بس في التلفزيون، رغم انهم ما كانواش يعرضوا غير مسلسلات تير فهمي أو أحمد عبد العزيز. وأيامها، ورغم فقر الإمكانيات، كان فيه أوبريتات وبرامج بتتج مخصوص للأطفال، مش بس كارتون مدبلج أو أغاني لنجمات إغراء. صحيح معظم برامج الأطفال كان هدفها المباشر نشر الغباء، والقضاء على أسطورة الطفل المصري اللي هو أذكى طفل في العالم، زي ما سهر شلبي كانت بتقول في اليوم المفتوح.. لكن الشهادة لله، الأوبريتات والأعمال الغنائية كان بيقي فيها هدف ولها معنى، وعشان كده لسه عايشة في ذكرياتنا بعد سنين وسنين. حد فيكم فاكر أوبريت اللعبة؟.. أفكركم به..

يفتح الأوبريت، ونشرف أخ وأخت يلعبوا في أوزتهم
بألعاب مختلفة. يلعب الولد بالقطر، تلعب الفتاة بالدبوب،
وبعدها تروح البنت تشيل العروسة، إلا أن الولد يجري يشدها
ناحيته بعنف «إوعي سيبي اللعبة بتاعتي، لأدي بتاعتي، يا سلام
يا اختي، ما تشدش ما تشدش إنتي».. لحد ما تقطع اللعبة،
وتخرج من جواها «نيلي». بالتأكيد أنت حافظ الأوبريت، أو
فاكر كلمات صلاح جاهين الجميلة، ومشهد الأخ والأخت اللي
يشدوا اللعبة لحد ما اتقطعت، وهو المشهد اللي ينط قدام
عيني كل ما تابع اللي يحصل على الساحة الكام سنة اللي
فاتوا، اللي بيسميه البعض ترتيب أوراق وتصحيح مسار وطن.
باشوفه أنا بوضوح، في صورة عدد من الأطفال اللي يشدوا في
العروسة من اتجاهات مختلفة، وكل واحد فيهم شايف انه هو
الأحق بيها، وإن الباقين ما هم إلا مجرد خونة وأندال.. بس يا
ليبرالي يا عدو الله، إخرس يا إسلامي يا متخلف، يا يساري يا
اللي عايز تعيش على عرق الأغنياء، يا سلفي يا اللي بتلعب من
تحت التراييزة، وله انت شكلك فلول، ده عيل سيس من بتوع
الثورة، يا سساوية يا اللي بعنو بالرخيص، موتوا يا إخوان
يا اللي خربتوها. وكل الأطراف بتحكم على بعضها بطريقة
أبيض واسود، ملايكة وشياطين، إحنا والناس التانيين. فكرة
إن آه ممكن يكون ليك خصم سياسي، بتختلف مع كل مبادؤه
لكنك متفهم انه لازم يكون جزء من الصورة، عشان مافيش
صورة من لون واحد.. قد يكون بينكم خلافات جذرية، أو
حتى مصادمات وأحياناً دم، لكن فين بلد في الدنيا ما حصلش
فيها كده بين أطرافها المختلفة؟ آه لازم يكون فيه محاسبة عل

الأخطاء، لكن التفكير في محو خصمك السياسي من الوجود نهائيا تفكير أظن انه أثبت فشله.. مش بس في مصر، لا في بلدان كثيرة. لعبة الشد والجذب والكراسي الموسيقية السنين اللي فاتت أثبتت إن كل من نتاح له الفرصة في السيطرة على كرسي السلطة في مصر يتفنن في التكيل بالأطراف الباقية، ظنا منه إن هي دي الطريقة المثلى للفوز في معركة سياسية، بتدار بطريقة أقل ما يقال عنها إنها مؤسفة. دي مش خناقة، دي بلد.. فيها اتجاهات كثيرة، بعد ما ينفض المولد هتبقى مضطرة تتعايش تاني مع بعضها. لو استمرت المعركة بنفس الطريقة، لو استمرت الكراهية في التنامي والتجذر في نفوسنا كلنا، ممكن يحصل ما لا تحمد عقباه.. ممكن اللعبة اللي بتخانق عليها تتحول لأجزاء مهلهلة، لأشلاء تفضل دايا مبتعرة، ولا يمكن تتجمع في كيان واحد متناسك، يقدر يعدي مرحلة حرجة، بتراقبنا فيها أطراف كثيرة عشان تاخذنا قدوة.. وأطراف تانية متيانا نقع.

في مسألة (النيش)!

النيش لمن لا يعرفه (لو متجاوز أكيد تعرفه ويتبص له بحقد طول النهار. لو لسه عالبر قلبي عندك هتعرفه قريب قوي، يا عيني ربنا يقويك) هو نسخة مصغرة من متحف الأواني الزجاجية والخزفية القائم بميدان باب الخلق، أو دولا ب الفضية والأدوات المنزلية الموجود في قصر باكنجهام، والذي تستخدمه ملكة إنجلترا في حفلاتها الملكية والدبلوماسية. هذا الصندوق الخشبي الغبي، الذي يكلف أي عروسين هو ومحتوياته آلاف الجنيهات، يحتوي في الغالب على النسخة عالية الثمن من أطقم الكامات والأكواب، التي يشتريها أي عروسين لغرض وحيد وهو أن «تفشخ» عروس الربيع بها أمام زوارها في أول أسابيع الزواج. وبعد مرور هذا الأسبوع، تتقل كل تلك الأطقم إلي متقرها الأخير خلف زجاج (النيش)، ولا يتم التفكير مرة أخرى في استعمالها أو الاقتراب منها أو حتى لمسها، إلا فقط حين يتطلب الأمر تنظيفها في الأعياد، وهو شيء آخر من تلك الأشياء غير المنطقية في حياتنا، التي نقوم بها تطبيقا للقاعدة الشهيرة: «هذا ما وجدنا عليه آباءنا».

في سفريات القصيرة لأوروبا وأمريكا والدول المتقدمة،

هالني الفرق بين تعاملهم مع الأزمة الاقتصادية العالمية الطارئة
وتعاملنا مع الأزمة الاقتصادية التي نعيش في كنفها منذ آلاف
السنين. كل فرد فيهم يشعر بالمشكلة، ويتعامل معها بمنطق. أما
نحن فقد أدمنا رفع شعار «أقرع ونزهي». في هولندا، حضرت
مهرجان لتبادل الملابس المستعملة، رواده بعيدين كل البعد عن
الفقر وحوجته، لكن المنطق يقول إن الأوقات الصعبة تستدعي
أفكارا مبتكرة من أجل التوفير. في النمسا، دعيت للعشاء في بيت
أستاذة جامعية، شقتها لا تزيد مساحتها بأي حال من الأحوال
عن ٤٠ مترا، خصصت جزء منها ليصبح حديقة صغيرة مليئة
بالزهور. حكيت لها عن منازلنا و(كراكيها) وقانون الصالون
المذهب والصيني والقايممة والنيش، فانهالت عليّ بأسئلتها، في
محاولة بائسة لفهم سبب إصرارنا على تحميل أنفسنا ما يزيد
مطافئها هذا الشكل في أمريكا، شاهدت ٣ حفلات زفاف في
متزّه عام، كل ما تكلفته هو ثمن إيجار فتان العروسة وبدلة
العريس وبقاوة ورد صغيرة وشكرا، ومع ذلك كانت وجوه
الكل تفيض بالسعادة.

يخيل إليّ أحيانا أننا شعوب مرفهة، رغم كل ما نعيشه من
أزمات، إلا أننا مصرون على التعامل معها بأسلوب طفولي يثير
الدهشة، نحمل أنفسنا أطنانا من الأعباء تحت شعار (الأصول)
و(المتبع) و(المفروض)، ونعكس صفو حياتنا المشتركة من بدايتها،
ونثقل على أنفسنا وأنفس شركائنا بإصرارنا على عادات وتقاليد
بالية وطريقة حياة أثبتت فشلها، فقط لأننا نتبع ما وجدنا عليه
آباءنا، ونعيش مصريين على طقم الصيني وعلى النيش وعلى

مليون شيء آخر يمكن الاستغناء عنه بسهولة، إن طبقنا قواعد العقل والمنطق.

لكن يبدو أن العقل والمنطق حالياً أشياء موجودة أيضاً داخل (النيش)، ليست للاستعمال، وإنما فقط للمشاهدة تحت شعار ممنوع الاستعمال أو اللمس!

أحفاد رفاعة وييرم

أول ما ترجع من الخارج، من أي زيارة قصيرة كانت أو طويلة، أول حاجة يقولوها لك كل اللي حواليك بتكون: «حمد الله عالسلامة»، يتبعها على طول قولهم باستنكار: «إيه اللي طحك في دماغك ورجعك؟»، حد يبب هناك ويرجع هنا؟ بتسمعها من كل اللي بتقابله، وأجلا أو عاجلا بتأثر فيك، وبتبتدي تقعد مع نفسك وتفكر بهلع: هو أنا علمت في نفسي إيه؟ أنا إيه اللي رجعتني بصحيح؟، ولولا إن انت متربي في حضن أصوات مصرية عذبة حفظتك: «مصريتنا وطيننا حماها الله»، وكنت كل ما تسمع عابدة الأيوبي بتقول: «لا يا مصري لا، تهجر بلدك وتسيينا.. بلدك بيك أولى»، تفتح في العياط، وكل ما بتسمع نادبة مصطفى بتؤكد «إن لقيت في الغربية المال فين هتلقى راحة البال»، تصرخ بعلو صوتك: عظمة على عظمة يا ست.. كنت صدقتهم وقضيت أيامك ولياليك تلوم نفسك على المصيبة اللي عملتها ودمرت بيها مستقبلك.

هو انت صحيح من صغرك ماكتش فاهم إيه اللي كان مزعل عابدة من الناس اللي بتغرب عشان تشوف أكل عيشها مادام مش لاقينه هنا.. ولا إيه اللي كانت تقصده نادبة بها إن كل اللي حواليك لا باهم مرتاح ولا يجزنون.. لكن كنت مصدق

وأمّن، لحد ما سافرت ورجعت، وكل اللي حواليك قالوا لك ياريتك ما رجعت. فيه ناس يقولوا لك كده بس عشان الجانب المادي، حالة البلد الاقتصادية ونسب البطالة والتضخم وكل الكلام اللي كنا بنسمعه وإحنا صغيرين في نشرة الأخبار هو غالباً السبب الرئيسي لطوابير الانتظار قدام معظم السفارات الأجنبية ولرواج رحلات قوارب الموت المنطلقة للأخرة مرورا بإيطاليا.. لكن برضه أسباب محاولات السفر والهجرة مش بس مادية، فيه ناس دوافعهم بتكون مجرد رغبة في الإحساس بآدميتهم، بيحكوا لك إزاي بره مافيش زبالة في الشارع، الكل يلتزم بقواعد المرور، الكل يقف في الطابور، الكل ياخذ حقه ويحاول ما يجيش على حق غيره، مافيش تمحش بأثنى لمجرد انها أثنى، ما حدش بيرص قاموس شتايم نايبة لأي حد لمجرد انه داس على ضله في الشارع.. الناس اللي يسافروا أو يهاجروا للأسباب دي هم أحفاد رفاة الطهطاوي وبيرم التونسي اللي سافروا وانخضوا من الفرق بين هنا وهناك، وكان نفهم ومنى عنهم ينقلوا اللي هناك هنا. لكن لأنهم عارفين إن ده شبه متحيل، فضلوا يتقلوا هم هناك ويسيروا هنا. طبعاً فيه استثناءات، وأكد هناك مش جنة ربنا على الأرض، لكن لازم نعترف ان فيه عندنا مشكلة، بتناق وتترشي وتكاسل وتساوكل ونكذب ونغتاب ومؤمنين إننا من شعوب الله المختارة.. بتحايل على كل قاعدة وكل قانون، عايزين ناخذ حقنا وحق غيرنا.. بنعتبر أكوام الزبالة حوالين بيوتنا «نايس فيو» ولسه بنمي نفسنا بلد الحضارة.. لا يمكن حد منا يمشي في شارع إلا ويواجه ألفاظ بذيئة وتمحشات وفضاظة في التعامل وتلاكيك

بتقدم لحناقات، مع إنا كلنا لسه حافظين وبشردد «تسمك في وجه أخيك صدقة».

مش محاولة لجلد الذات، ولا دعوة للهجرة، لكن لازم نعرف ان فيه مشكلة ومظاهر سلبية واضحة تغلغلت في الشارع المصري، ومش ضروري يكون سبب وجودها هو بس الفقر أو الفساد.. المشكلة موجودة من زمان وتجاهلنا لها هو اللي بيخليها تفاقم. موجودة من أيام رفاة ما رجع من أوروبا يقول «وجدت إسلاما بلا ملعين»، من أيام ما بيرم التونسي كتب «دي بلاد تمدين ولطافة وذوق ونضافة وحاجة تفيظ». سمعنا كلامهم وابتسمنا واستمرينا زي ما احنا نرمي كيس الزبالة جنب العمود، ونعمل خنافة لرب السما مع الجيران عشان مش عاجبنا اعتراضهم على غسيلنا اللي بينقط على غسيلهم، ونزق وندوس ع الناس في أقراح الأوبن بوفيه عشان نلحق حنة لحمة وشوية جمبري، وننزل في المترو من باب الطلوع ونطلع من باب النزول، ونبص لأي بنت في الشارع من فوقها تحتها بصة تحرمها تنزل الشارع تاني. المشكلة موجودة، وفي طريقنا كل يوم، لكن لازم نطل نتعamy عنها عشان نحاول نحلها، وإلا فعلينا السلام. أحمد شوقي زمان قال «إنما الأمم الأخلاق ما بقيت فإن هم ذهبت أخلاقهم ذهبوا»، وبيرم يقول في آخر قصيدته «دول ناس كنا أحسن منهم قول وميرنا بإذن الله، نبقى أحسن منهم برضك بعد الدرس اللي أخذناه، والله ده عيب نتهجى دروس يا أساتذة على التلاميذ»، وأدينا له بتهجى، يا ترى فيه أمل نفهم الدرس؟

ابن موت

من مدة قصيرة، قمت بتنظيم ورشة عمل خاصة بالكتابة الإبداعية في إحدى الجامعات المصرية. كان من ضمن التدريبات -التي اقتبستها من كتاب أمريكي عن كتابة الرواية والقصص القصيرة- تدريب يشجع كل مشارك على الكتابة عن حادثة مؤثرة مري بها.

التايج اللي حققها التعرّين مع المشاركين الأمريكان، كانت قصص بتدور حوالين حوادث طفولية زي: أطفال بتسوه، وصف للقاء مع حيوان في سيرك، محاولة السيطرة على كرة أيس كريم فوق بكوتتها بدون ما تسيحها شمس الصيف الحارة، أو حكاية عن محاولات الوصول للطريقة الصحيحة لقيادة عجلة بعد مرات عديدة من السقوط. التايج الأمريكية، حتى لو كانت بتكلم عن حوادث بدنية، إلا إنها كانت دايمًا مغلقة بغلاف ملون من النهايات السعيدة أو الدروس المستفادة، أو بتدور تحت شعار «الضربة اللي ما تقتلكش تقويك».

أما في الورشة المصرية، فكانت كل الحكايات عن الموت، عن عذابات وآلام اللحظات الأخيرة، عن الإحساس بالفقد والضياع، عن الحزن العميق الذي ليس له قاع، عن الظلم الذي أدى

للموت أو ترتب عليه. ولما سألت مستغربة عن السبب اللي خلى كل المشتركين بدون أي استثناءات يتكلموا عن الموت، اكتشفت ان فكرة الموت بتحتل فعلا جزء كبير من تفكيرهم. ولما حاولت في جلسة تانية أجس نبضهم عن الموضوع، اكتشفت ان كل واحد فيهم قضى أوقات كتيرة يفكر في الموضوع ده لدرجة إن كل واحد فيهم كان محدد بالظبط موته المفضلة. أكثرهم كان نفسه يموت وهو نايم، يحاولوا أهله الصبح يصحوه ما يصحاش ويرحل في هدوء، وهي دي الموتة اللي اتفق عليها معظم الموجودين. لكن البعض الآخر فضل إنه يموت بعد مرض طويل، عشان تتاح له الفرصة بودع اللي بيحبوه ويتوب عن ذنوبه اللي هو متأكد انها كتيرة. شخص تاني قرر إن الموت غريب هيقى موتة مناسبة له، مريعة ومث هتاخذ غير دقائق معدودة، وفي النهاية هيقى آخر مشهد هيشوفه مشهد جميل. انبرى آخر يدافع عن موته المفضلة وهي إنه يموت عن طريق حادثة، على الأقل ممكن يصرف لأهله تعويض وما يقاش موت وخراب ديار. وتكلم آخرهم عن الانتحار.. إن ازاى هيقى شيء عظيم إنه يختار نهايته بنفسه، وفي الوقت المحدد له، وكان واثق إن ربنا هيفر له لأن هو عارف ومطلع.

تابعت الحوار مذهولة، وأنا مش متخيلة إن على الرغم إن الفارق العمري بيني وبينهم مش كثير، إن الفروق هتبقى كبيرة كده. في منهم، كنت أنا وزملائي كل اللي شاغل دماغنا البدايات.. الشغل، الزواج، الخلفة.. الحياة بمعنى أصح. بينما الظروف اللي بنعيشها حوالينا بتدفع العقول الشابة الموهوبة

أقلية

قضاء آخر أيام رمضان وأيام العيد وحيدا، في دولة لا تحتفل به، شيء قد يشير الحزن والشعور بالوحدة والرغبة في العودة للوطن، للتمتع ببهجة مفتقدة، ودفء لا وجود له في الغربة، وإن حاول الآخرون إقناعك بالعكس. أما قضاء آخر أيام رمضان وأيام العيد وحيدا في أمريكا، حيث تتوافق تلك الأيام مع ذكرى الحادي عشر من سبتمبر، فهي قصة مختلفة تماما.

أتجول بين قنوات التلفزيون، فلا أسمع سوى الحديث عن الإسلام والمسلمين. لكنه حديث يختلف تماما عما اعتدت على سماعه في مثل تلك الأيام.. فلا هو الاحتفال بليلة القدر، ولا هو الاحتفال برؤية هلال شوال.. لا أغاني دينية، ولا فيلم «رابعة العدوية» أو «الشيء» أو «هجرة الرسول».. بل هي حوارات تدور ليلا ونهارا، لا يصل أحدها إلى نتيجة أو نهاية، لكن يظل الجدل مستمرا: هل نسمح ببناء مسجد بقرب موقع مبنى التجارة العالمي؟ هل في الموافقة على ذلك إهانة للذكرى ضحايا الحادي عشر من سبتمبر؟ هل في معارضة ذلك خيانة لمبادئ أمريكا؟ هل سنقف متفرجين على دعوات حرق القرآن؟ هل نعارض، فنكون معادين لحرية الرأي؟ هل نقف مكتوفي الأيدي، فتعرض قواتنا في الخارج للخطر؟ هل الإسلام

مرادف للإرهاب؟ هل يجب علينا طرد كل المسلمين من أمريكا؟ هل يجب علينا الترحيب بقدوم المسلمين لأمريكا؟ هل تحارب قواتنا في العراق وأفغانستان الإرهاب، أم تراها تحارب الإسلام؟ هذا بالإضافة لأكثر الأسئلة إثارة للجدل: «هو أوباما مسلم والالآ؟» حيث يؤمن ٢٠٪ من الأمريكيين أن أوباما مسلم، وهو الشيء الذي يجلبهم يبصواله كمتهم بتهمة ما، حيث يظل الإسلام في رأي بعض الأمريكان، هو بيساطة تهمة!

عن الإسلام والمسلمين تتحدث نشرات الأخبار، وبرامج «التوك شو»، بل وحتى الأعمال الدرامية. متهاً لي أني تفرجت على برامج وحوارات عن الإسلام في القنوات الأمريكية هذين الأسبوعين أكثر مما تفرجت عليه في عمري كله في تليفزيوننا المتواجد في دولة إسلامية! وكثرة التركيز تربي الهواجس أحياناً.. أحلامي التي تتواجد فيها مروة الشريفي رحمها الله بصفة مستمرة، السير في الشارع الذي أصبح بالنسبة لي مشكلة، رغم تأكيد الجميع بأن أهل الولاية التي أتواجد فيها مسالمين، وبالتعبير الأمريكي عندهم «عمى ألوان»، بمعنى أنهم لا ينظرون للون بشرة الإنسان، وإنما ينظرون للإنسان ذاته. لكن «الامر ما بيلمش» من نظرة هنا ونظرة هناك.. تعامل قد يبدو ألطف من اللازم.. ابتامة ثابتة المحيط وحديث سريع، وكان من يكلمك لا يريدك واقفاً قدامه أكثر من ذلك، لأن وقوفك قدامه مسبب له شعوراً بعدم الراحة.. أسئلة نجولة عن الإسلام، ووضع الناء والحجاب، واستفسارات عن أمور قد تبدو مضحكة، ولكنها استفسارات تشعرك أنها تحمل في طياتها تحاملاً ما على

الصيام والصلاة والحجاب والشريعة وحكم الرجم وحد الزنا وحرية العقيدة وحرية الرأي.. ومن ناحية أخرى، قد لا تحمل تلك الأسئلة في طياتها التحامل الذي أتخيله، فقد تنم فقط عن الفضول، وعن ناس يريدون حقًا أن يفهموا، فالأغلبية هنا في حالهم، لا أحد يسأل ولا يهتم، وجائز جدا إن من يسأل يعوزه ان يزود معرفته، ويفهمك بشكل أصح. لكن ربما تركيز وسائل الإعلام هو الذي محسني بشعور الأقلية المضطهدة، حتى وإن لم أتعرض لموقف واضح يدعم هذا الإحساس.

إحساس أن أي مكان أدخله، فيه أصابع اتهام موجهة ضدي، وشعور بعدم الراحة لوجودي ممن حولي، وتحفز من الكل أن «ياخذ سائرا»، لو ضغطت زر حاجة في يدي، متظرين صرختي الله أكبر قبل أن أفجر نفسي وأفجرهم معي. يظل مجرد إحساس يجعلني أتعاطف مع كل الأقليات في بلدنا، الذين لبالأكيد- أحيانا يحسون بنفس الإحساس. ليس ضروريا أن يوجه لهم أذى ماديا محسوسا كي يحسوا هذا الإحساس، تكفي التلميحات والنظرات والتأفف في المعاملة والشك الدائم في النوايا.

عزيزي المضطهد والمتأفف والمتعامل بتعالٍ وتحامل مع من يعتبرون أقليات في مجتمعنا، ما الحياة إلا لعبة للكراسي الموسيقية، اليوم أنت من الأغلبية القاعدين مستريحين.. من يعرف، بكرة أكيد سيجيئ يوم ونحس أنك من الأقلية، الواقفة وحاسة أنها برة اللعبة.

ما تستبدها ش وتقول مش هيحصل.. كل واحد له يوم يا صاحبي.

قضاء وقدر

فيه ثقافة متشرة في العالم العربي والإسلامي بتعلي من
شعارات زي «العضو عند المقدرة»، و«يا بخت من قدر وعفي»
و«يا بخت من بات مظلوم ولا باتش ظالم»، الشعارات دي اللي
ظاهريا يبدو إنها بتشجع على التسامح والتعاطف.. بتلوي إحنا
معانيها عثمان ندعم بيها ثقافتنا اللي بنعتز بيها، اللي بتمنع بقدر
الإمكان إن أي حد يرتكب خطأ يمكن محاسبته على هذا الخطأ
بنرمي كل الحوادث والأخطاء والجرائم أحياننا تحت بند
القضاء والقدر، لأننا بنخاف خوف عظيم من كلمة «محاسبة»،
حتى لو كنا إحنا الضحايا

كل شيء بيحصل في الدنيا بقضاء الله وقدره طبعاً. لكن هو
إحنا مش متفقين إن كل إنسان له إرادة ويمكن يرتكب أخطاء؟،
وإلا فها معنى حساب الآخرة

فلنفترض إن انت ماشي في الشارع في أمان الله مثلاً، وفجأة
رقت فوق دماغك قصرية زرع جرحتك؟

معظم الناس هيحاولوا يقنعوك إن الحادثة دي قضاء وقدر
على الرغم إن ما فيش قصاري زرع شقية بتأخذ قرار عشوائي

إنها تنط فوق دماغك، فيه حد حاطط القصاري في مكان غلط سهل الوقوع منه، ومن المفترض إنه يتحمل مسئولية غلطته!
فرضنا إنك ماشي بأمان الله في طريقك بعربيتك وفجأة عربية ثانية خبطتك،! أظن برضه إن ما فيش عربيات بتبقي واحشة بعضها وبتأخذ بعض بالحضن. فيه واحد سايق العربية وبكده من المفترض إنه يتحمل مسئولية الحادث. ولو صاحب العربية الثانية ضرب فرامله وما اشتغلش يقى إهمال من الميكانيكي اللي ظبطله الفرامل، أو يمكن الشركة المنتجة للفرامل هي اللي مش قد كده.. المهم إن فيه سبب للحادث، وفيه مذنب، ولازم يدفع التمن!

ولأننا ما عندناش منظمات جاهزة للتحقيق، ولأننا ما عندناش نُخْلِق ندور ورا الاحتمالات دي كلها، ولأننا مش مؤمنين أصلاً بقيم، بندعي قيم غريبة جايلنا من مجتمعات كافرة، زي العدالة والمحاسبة، بنفضل دايمًا إننا نحط الموضوع في إطار ديني ونسميه «قضاء الله وقدره» ونلم الموضوع ونروح بيوتنا ناكل وننام وخلص بقى.

بنهرب إحنا كعرب دايمًا.. مش بس من مواجهة أخطائنا؛ لأنه إحنا كمان بنلتمس العذر للي غلط فينا.. هل عشان كل واحد فينا يتمنى إنه يلاقي يوم ما يغلط هو كمان، ناس تفوت له وتطلع له من الموقف كما الشعرة من العجين؟.. هل بيضغط جمهور مشاهدي الحوادث على الضحية عشان يسب حقه، لأنهم هم كمان في يوم من الأيام سابوا حقهم، ولو هو

أخذ حقه دلوقتي هيبقي شكلهم وحش قدام نفهم؟!١

الدفاع المتتبع اللي شفناه من البعض، بخصوص حادث سقوط رافعة الحرم مثلاً، وموت أكثر من ١٠٠ بني آدم تحتها، فديكون له تفسير من التفسيرين دول. الدفع بتبريرات زي إن: يا جماعة ما الجوكان وحش، يا جماعة الناس ماتوا موتة حلوة في مكان مقدس يا ريتنا زيمهم.. الدفع بأي من التبريرات دي، والضغط على مفاتيح المشاعر الدينية، وأي شيء غير المطالبة بالتحقيق ومحاسبة المهمل لو أثبتت التحقيقات إن فيه مهمل.. شيء يقول إن للأسف الثقافة دي هتتمر معانا كتير، ومش هتغير طول ما احنا مش بس مش مؤمنين بقيمة العدالة في مجتمعاتنا، لأ ده احنا كمان بنشيطنها ونكفر المطالبين بيها وبنخاف منها!

الجيل القديم

من مدة قريبة، قامت إحدى شركات المحمول في مصر ببدء حملة إعلانية، للإعلان عن خط تليفون مخصص للشباب.. اختارت الشركة -أو وكيلها الإعلاني- «ثيم» للحملة الإعلانية، يمكن تلخيصه في جملة «شكرا، كفاية عليكم كده، اركنوا على جنب اتم بقى» يوجهها بعض المطربين الشباب لثلاثة فنانين كان يعتبرهم جيلي فنانيه. وبالتالي، أنا وكثير من أصدقائي، والناس الذين أعرفهم في سني، أحسنا بإهانة شديدة ونحن نفرج على هذه الإعلانات.

يمكن الإهانة ما كاتش لانا صعبان علينا فنانينا يتعمل فيهم كده زي ما كلنا قلنا، يمكن حيننا بالإهانة لانا بدأنا ناخذ بالنا اتنا بقينا جيل في طريقة أنه يقى جيل قديم.

أثناء ثورة ٢٥ يناير مثلا، كان الكل يبطلق عليها ثورة الشباب. كان كثير من مواليد الثمانينات في قلبها ومقدمتها، والجزء الأكبر من اعتراضات المعارضين ليها كان على صغر سنهم، وابتدئنا نسمع اتهامات زي: هو احنا يعني مش هنلاقي غير شوية الأطفال دول يحكمونا والا إيه؟. وهي نفس الاتهامات اللي كنا احنا بنحتمني بيها ونرددها ونعتبرها مبرر عشان نستمر

في طريقنا، لأننا شباب ودم جديد والبلد محتاجة تغيير على أيدينا
ناس في سننا.

وبعد استمتاعنا لفترة طويلة بحالة المعيلة أو الشباب دي،
وافتخارنا بيها، واعتبارها خط دفاعنا الأول. تبجي لحظة
صدق، في شكل حاجة يمكن تبدو تافهة زي إعلان تليفزيوني،
أو إعلان عن احتلال لكتاب موجه للشباب فئة ١٦ سنة لقايمة
الـ «بيت سيلرز»، أو نوع جديد من الموسيقى بيحتفي بيه جيل
التسعينات، وعلى الرغم من إننا كجيل ثمانينات لا نتسيفه،
بنلاقه يتشر ويتوسع كدليل على ان الصغار هم اللي يرجحوا
الكفة دلوقتى، والصفار دول يا للأسف، ما بقوش إحنا!

من أيام قليلة، كنت أتكلم مع شاب عشريني، وطاف بيتنا
الكلام جوانب متعددة. من معادنة ربع ساعة، أحست أن
الفجوة بين الأجيال بيتنا عميقة، حتى لو لم يكن عدد السنين
التي بيننا كبير لهذه الدرجة، وفوجئت أن تفضيلاته مختلفة كليا
عن تفضيلاتي. كدت أنزلق لمزاج النصح والإرشاد، ثم تذكرت
حواراتي مع والدي ووالدتي في أمور مشابهة، لما كنت حاسة
وقتها أنهم مجرد ناس كبار، فاتهم قطار التقدم، و.. عمرهم ما
هيفهموا عظمة الأشياء اللي أنا باحيتها!

المؤلم، إن أنا لما كبرت شوية لقيت إن جيل الكبار وقتها كان
عنده حق في حاجات كتير.. اكتشفت ان فعلا «لولاكي» مثلا
ما كانتش أجمل أغنية في الوجود، وعمرو خالد بالتأكيد مش
أفضل من الشيخ الشعراوي، وكب رجل المتحيل مش أحلى

من كتب نجيب محفوظ .. وإن امشي جنب المحيط خطة حياة ما
نحرش المائة!

وهنا تتجلى المأساة اللي بيحس بيها الطفل اللي في النص
بين جيلين إتضح لك دلوقتي ان أكبرهم كان فاهم أكثر منك
وأصغرهم مؤمن إيمان تام إن انت ما بتفهمش. اكتشاف أكثر
إيلاما من اكتشاف شعراية يضا، أو تجميعة في بداية استقرارها
جنب عينيك، أو حساب عدد السنين اللي مرت بعد تخرجك.
اكتشاف إن انت بقيت الجيل اللي في الوسط اللي بيعافر عثمان
بمافظ على احترامه لنفسه واحترام الآخرين له، حتى لو تمثل ده
في اعتراضه على دعاية تليفزيون لشركة محمول قررت انها تفوقه
اصمدوا أبناء جيلي، إحنا صحيح دلوقتي في جيل «الإن
-بتويين»، لكن ده لا يعني غير اننا في طريقنا لاننا نحتل مكاننا
ك«جيل قديم»، كبير، عاقل وفاهم أو على الأقل عنده أدوات
يفهر الأجيال الأصغر، ويقعد هو على رأس كل شيء ويفرض
آراءه بدون نقاش من الآخرين.. مع فاصل من الضحكات
المتقطعة الشريرة!

الأخبار

خدعوك فقالوا أن الشعب المصري متدين بطبعه. في الحقيقة وفي الواقع، إن كانت هناك صفة ما يمكن أن تكون معجونة بالجينات المصرية، فإن تلك الصفة مش هتكون التدين، وإنما هي العاطفية. فالشعب المصري شعب «عاطفي» بطبعه، والكل يحاول يستفيد من النقطة دي.. الجمعيات الخيرية اللي طول النهار والليل تمطره بإعلانات أبطالها أطفال فقرا أو مرضي أو يتامى الدموع في عيونهم، في ابتزاز واضح لمشاعره وأمواله.. مع إن فيه مليون طريقه يشجعوه على الانخراط في العمل الخيري بدون طريقة «تخريط البصل على قلبه» الشهيرة، يستغلها صناع الدراما لما يجوا يعلون نسبة المشاهدة، فيدغدغوا مشاعره بالشفقة على البنت الجميلة المظلومة، أو الولد الوسيم أبو حظ قليل اللي الدنيا معانداه، وهو استغلال زي الفل لا هو عيب ولا حرام. لكن الميدان اللي بيعتمد بشكل أساسي مؤخرا على استغلال حية الشعب المصري، والتي اللعبة فيه أخطر من أي ميدان تاني، هو ميدان السياسة. خلال الـ ٣ سنين اللي فاتوا، مشاعر الشعب المصري فيما يخص السياسة وأحوالها وأهم الشخصيات على ساحتها كانت راكبة مرجيحة.. رولر كوستر زي ما يقولوا الأجانِب.

أول الثورة، كانت مشاعر الكل ضد مبارك، وبعد خطابه
العاطفي، بقت مع مبارك..

ويوم ١١ فبراير، نفس الناس اللي تعاطفت مع مبارك نزلت
تحتفل للخلاص من مبارك!

بعد مبارك، تملك مشاعر الشعب المصري المجلس العسكري،
ثم بعد كام شهر أصبحت نسبة كبيرة منه ضد المجلس
العسكري.

أثناء الانتخابات الرئاسية، كانت مع مرسي، بعد ١٠٠ يوم
أصبحت ضد مرسي.

طول فترة حكم مرسي، كانت مشاعر الشعب المصري ضد
الإخوان، ثم مؤخرا بعد الأحداث الأخيرة وجد بعض الشعب
المصري مشاعره تميل تعاطفا مع قتل الإخوان.

في كل الرحلة المركزة دي، كان الشعب المصري على قلب
شاب مراهق واحد، أو على قلب مريض نفسي واحد، أو
كانت بالظبط هي التطبيق العملي للأغنية الوطنية العظيمة، «أنا
مش عارفي، أنا تهت مني، أنا مش أنا». كل يوم مع حد،
وكل ساعة بحال، والشعب المصري هنا أعني بيه الكتلة الغير
مسيمة، اللي بتعتبرهم الكتل السياسية التقليدية: حزب كنية، أو
الأغلبية الصامتة، أو الأغيار، على حسب انتهاء الكتلة السياسية،
اللي لسبب ما ينجو أعضاءها من مرجحة الشاعر دي، ويظلوا
دايما على رأيهم.

أعضاء والمستفيدين من الحزب الوطني - الله يحرقه كمان
وكمان - يظلوا على ولاءات ثابتة للحزب وللجيش ولرجال
الأعمال وللفساد. المؤسسة العسكرية تظل على ولاءها لقوانينها
وقواعدها والكود الأخلاقي بتاعها، والحزب والشدة وإطاعة
الأوامر لا بتعاطف مع حد ولا مع حاجة ولا ليها في شغل بنات
نانوي ده. الإخوان إخوان، هقول إيه تاني يعني؟! ... بيعتبروا
نفسهم أصلاً شعب الله المختار، وبقية الشعب بكل طوائفه هم
«الأغيار»، وتلاقي في قواميهم تعبيرات ثابتة للتعبير عن ده، زي
وصف غيرهم بـ «الأدنى» ونفسهم بـ «الذي هو خير» .. زي جملة
الكيد الشهيرة «موتوا بغيظكم»، وزي دعاءهم الموحد الأخير
«ربنا أخرجنا من هذه القرية الظالم أهلها» والتي يمكن حالياً
هي الحاجة الوحيدة اللي بندعيها معاهم.

ويظل الشعب المصري (الكتلة الغير مية - حزب الكنية -
الناس المضحوك عليهم - المواطنون الشرفاء) أو أيا كانت التسمية،
دائماً وأبداً، محل سخرية وتفخيم واستهزاء ودعاء ولوم وتشجيع
ونجريح واستمالة واستجداع واستنقاص واستكراد الجميع ..
وتظل مشاعرهم وليمه يتقاسمها الكل، وكل كتلة تاخذ دورها،
وكل جبهة في يوم من أيام الأسبوع.

وحتى يخرج الشعب المصري من مرحلة مراهقته العاطفية
والياسية، هيفضل راكب المرجحة، ويفضل شخشيخة في أيادي
الجميع. ولغاية ما يبجي الوقت وتبدأ المؤسسات الحكومية
والمدينة والأهلية تشتغل على وعي الناس، وتبهم للكتلة اللي
شايلينها فوق أكتافهم بشبر، ويعلموهم إنها بتشتغل ويشرحوهم

بتشتغل إزاي، هيفضل حكم المصريين ومشاركاتهم الياسية (في انتخابات واستفتاءات ومظاهرات وإضرابات) خاضع بشكل أساسي وفي المقام الأول لعواطفهم، وهو الشيء اللي ممكن يودي البلد دي في داهية الله أعلم هترجع تاني منها إزاي

برجل حمار

يجلس الشاب الأخرق أمام الفتاة الجميلة، في إحدى الحانات المتواجدة داخل حرم جامعة هارفارد (آه فيه حانات جوة الجامعة؛ سلو بلدهم مالناش دعوة بيه)، يتحدث في سرعة تشي بعدم الثقة بالنفس، عن حلمه بالالتحاق بإحدى المجموعات التي تتشر داخل الجامعة، والتي تقتصر اختيارات رؤسائها غالبا على الطلاب «الكول» اللي مقطعين السمكة وديلها، حيث لا تشمل مؤهلات الالتحاق بهذه المجموعات على عامل الذكاء ولا التفوق الدراسي. الشاب تعتصره الرغبة في أن يكون شاب «كول»، ويحلم بأن ينتمي لإحدى تلك المجموعات، لكنه لا يمتلك الميزات الاجتماعية اللازمة. تمل الفتاة من سماع حديثه، الذي يبدو وكأنه قد أعاده على مسامعها مئات المرات، وتقرر الانفصال عنه، رغم محاولاته البائسة للتمسك بها. يعود إلى حجرته بالجامعة سكيروا ومقهورا، فيستخدم مهاراته في ال«هاكينج»، للحصول على معلومات وصور طلبة الجامعة «الكول»، وينشيء موقعا اجتماعيا صغيرا على الإنترنت، بهدف جذب اهتمام صديقه السابقة (بالذمة مش حاجة تقطع القلب؟)، لكن هل يا ترى توقع «مارك زوكربيرج» في تلك

الليلة، التي وضع فيها بذرة العملاق المسمى «فيسبوك»، أن هذا الموقع الذي بدأه كموقع اجتماعي بحث، سيتحول لتلك الأداة التي تقض سرير حكومات العالم الثالث، وتمنع شبابه صوتا كانوا في أمس الحاجة إليه؟

في هذه المنطقة من العالم، لا يجب الكبار أن يستمعوا لأصوات الصغار. والكبار قد يكونوا كبارا سنا، أو مقاما، أو فقط كبارا لأنهم يحتلون مناصب حكومية كبيرة. بينما الصغار في أنظار هؤلاء الكبار - هم كل من يقفون على الجانب الآخر، ويتحشون الفرصة لتعلوا أصواتهم في اعتراض. ولأن الكبار ما يبجوش وجع الدماغ، ولا فاضين للعب العيال ده، تجدهم يستخدمون كل ما يجدونه من وسائل، لإخراص كل الأصوات المعارضة، بل وفي وأد الرغبة في الاعتراض عند عامة الشعب، عن طريق تضيق الخناق على حريتهم في التعبير منذ نعومة أظافرهم. خذ عندك بقى.. من الرقابة على الصحافة، لإلغاء البرامج الحوارية، لإغلاق القنوات التلفزيونية، لتزييف الانتخابات الجامعية، لتحرير مجلات الحائط، وحتى مراقبة مواضيع التعبير التي يكتبها تلاميذ الكي جي تو. من الآخر، ما يبغلبوش، ثم يعود الكبير منهم إلى سريره، وينام ملء عينيه، ظانا أنهم بفعلهم كل هذا قد قاموا بالواجب وعملوا اللي عليهم وعداهم العيب وأزح.

لكن يتيقظ هذا الكبير يوما ما من النوم، على دوشة إسعها المدونات، أو صداع اسمه الفيسبوك، أو صفاقة اسمها التويتر، يستخدمها العيال ليلتقوا ويتناقشوا ويعترضوا وينقلوا أحداثا على الهواء، فيبدأ القلق وتبدأ المباحثات، حتى يفيض

الكيل، فيقترح أخونا غلق مصدر الإزعاج بالضربة والمفتاح ويا دار ما دخلك شر، أويبت حد يللم العيال اللي عامله دوثة دي فيكتم أصواتهم المعترضة، ويرهب أي حد يفكر يكرر غلظتهم بأحكام سجن لا يعلم مبرر صدورها وعدد سنواتها إلا الله. لكن هل يظن هؤلاء أن عجلة التقدم ستوقف يوماً ما؟ هل يجهلون أن العالم، الذي صار بحق قرية صغيرة، قادر على الإتيان كل يوم بوسيلة جديدة تجعل من التواصل والتلاقي وحرية إبداء الرأي أشياء تقع على بعد لمسة الإصبع من أي إنسان؟. لا يعني إلا أن أبدي اندهاشي من استخدام الكبار لتلك الوسائل الفجة التي عفا عليها الزمن. متى سيدركون أن الأصوات المعارضة ليس هدفها بالضرورة إقصائهم عن كراسيهم العالية؟، ألا يمكن أن يضموا في الاعتبار أن من يعترض إنما يعترض على وضع سيء، لرغبته في تحسنه للأفضل؟.. ألا يلعبون بين طيات الأصوات المعارضة نبرة حسرة على حال البلد وما آلت إليه؟ الأيرون أن تضيق الخناق على الوسائل الشرعية للاعتراض إنما سيدفع بالكثيرين للانخراط في كيانات أخرى غير شرعية، فقط لأنها الساحة الوحيدة المتاحة لتطلق منها أصوات الاعتراض؟.. على كل، فالعجلة لن تتوقف، وكما لم يتخيل «مارك زوكربيرج» أن يتحول موقعه الاجتماعي إلى تلك الأداة السياسية المؤثرة المخيفة للكبار، فتظهر مواقع أخرى وأدوات جديدة يستخدمها «العيال» استخدامات لم تخطر على بال مخترعيها، ولا على بال الكبار، فالشائرة يمكنها دائماً أن تغزل برجل حمار.

صورة للقضية

في أحد الأيام، استيقظ العالم علي وجع القلب. صفة قوية
زلت على وشوشنا، في شكل صورة لطفل صغير نائم على
شاطيء غريب، وشه مواجه لموج البحر، الي كان أعند من إنه
بسمحله هو وعيلته بالعبور لأرض يحسوا فيها بالأمان، ونعل
حذائه موجه لنا ولتخاذلنا عن الشعور به وبمأساته، إلا بعد
موته.

صورة الطفل أيلان، زي ما كانت بتعبر عن واقع بشع،
كانت كيان فيها جمال. الطفل وملاحه البريثة، هدومه الي
أمه اعتنت باختيارها له، نائم في وضع طفولي ملائكي وكأن
أحدهم يادوب له حاكيه حدوتة قبل النوم. أيلان مش
أول طفل سوري بتصور وهو مفارق الحياة.. كان فيه صور
لأطفال غرقوا بعد ما حاولوا مع أهاليهم يعبروا البحر الواسع
بنفس الطريقة. وكان فيه صور لأطفال اتخنقوا بعد ما حاولوا
يعبروا وهم في أحضان أمهاتهم داخل عربية محكمة الإغلاق.
وفيه صور لأطفال يموتوا كل يوم تحت القصف. لكن الكل
اجتمع إن أشد تلك الصور إيلا ما هي صورة أيلان.. صورة لو
شفناها للوهلة الأولى بدون تركيز كان ممكن نظنها صورة طفل

نايم على الشاطيء وبس.. كان ممكن نشوف انها صورة كيوت
لطفل كيوت.. صورة مماثلة لصورة أي طفل من أطفال أسرنا،
ملاحه تشبه ملاعهم ولبسه يشبه لبهم.. وهو ده بالظبط اللي
مخلي الصورة دي الأكر تأثيرا.. صورة بتقول إن طفلك أو طفلك
ممكن في يوم يكونوا مكانه هنا،

نفس الشيء تقريبا حصل قبل ثورة ٢٥ يناير، اللي كانت
شرارتها الأولى صورة لشاب مصري اسمه خالد سعيد، صورته
بعد وفاته أثناء القبض عليه أظهرت إصابات كثير، فخن معظم
الناس انها كانت بسبب التعذيب. كانت صورة بشعة، استفزت
ناس كثير ودعتهم للخروج في الشوارع يطالبوا بحقوق طال
انتظارها. لكن بشاعة الصورة ما كانتش السبب الوحيد، ما احنا
ياما شوفنا صور لناس ماتوا بنفس الطريقة وما تُرناش. الأكر
استفزازا المرة دي، كان الفرق بين الصورة دي وصورته الخاصة
بياسجوره، اللي كانت صورة لشاب شكله «ابن ناس». أو كما
وصفها أحد السياسيين: «صورة لشاب جميل لو اتقدم لبتى
أجوز هاله». صورة كيوت، بتفكرنا بنفسنا، وبين الدور ممكن
في أي لحظة يجي علينا، وده هو التأثير الأكبر للصورة الأيقونية
لأي قضية دلوقت، في زمن اتعودنا على الصور البشعة، اللي
بتوالى قدام عينينا في نشرات الأخبار مرة بعد الثانية، لحد ما
فقدت تأثيرها بعد ما الكل جلدته فخن وقلبه قوي، وما عاdash
يأثر فيه صور الدم والأشلاء. ما عادتش بشاعة الصورة هي
اللي بتخوف الناس، لكن طبيعتها وقربها منهم ومن الناس
اللي يعرفوهم.. لأن ما فيش حاجة أكثر رعبا من صورة بتقول:

«أهو ده واحد شبهك بالظبط وجراله كده، ما تستبعدش تكون
مكانه بكرة أو بعده أو في يوم قريب»

ولا يعني في آخر الأمر إلا أن نتمنى أننا لو حكمت علينا
الأقدار نكون ضحايا لقضية في العالم ده، اللي يشترط اللي
عايشين فيه أنك تكون شبههم عشان يتعاطفوا معاك، إن رينا
يرزقنا الحظ إننا نكون سايين ورائنا أحياء أو أموات صورة
لطيفة، تخلي العالم بحس ويتعاطف، ومش ضروري يقوم عشاننا
بشورة، بس على الأقل يفتكرنا وينزل عشاننا دمتين

عيتن، حرية، طبق مهلبية

من حسن حظي (أو من سوائه) إني باعيش في مدينة لازالت تحتفظ بأصول وتقاليد مصرية عتيقة. له لما يبقى عند حد مناسبة سعيدة، زي خطوبة أو فرح، يعلقوا أنوار على البلونات، ويسبوا للمنطقة كلها صداع نصفي بدي جي مزود ب ٨-٩ ساعات.. له لما ينجح حد في ثانوية عامة أهله يسبقوا الشارع كله حاجة ساقعة أو يوزعوا شكولاتات.. له لما يتولد مولود بيخبوا جنبه إذا كان ولد عشان الحد، ويقولوا عليه ولد إذا كان بنت عشان يكيّدوا الأعادي.. له بيعتوا لبعض أطباق الكحك في العيد الصغير ويأدوا بعض باللحمة في العيد الكبير.. وله لما حد يعمل حاجة حلوة يحب يدوق منها الجيران. أطباق «الكيك» و«المربى» وأحياناً «المحشي» و«المكرونات» تلف عمارتنا في الشهر مرات ومرات، وكل طبق زي ما جه مليات، لازم طبعا يرجع مليات. وعلى الرغم من أن الموضوع متعب جداً واقتصادياً، لكن الدفء اللي بيحتل خلاياك مع كل قزمة من كل طبق، ليس له أي مثل.

كل ده تغير طبعا بعد الثورة. في أول أيام ثورة ٢٥ يناير، حركة الأطباق الطائرة كانت بتفادي بحرص طنط «سهير» و«طنط «جيهان»، اللي من المعروف في المنطقة أنهم ضد الثورة ومن

أبناء «مبارك». على يوم ٢٨ خرجت طنط «فاطمة» من خريطة هبوط الأطباق لأن ولادها الاثنين ظباط شرطة. أيام محمد محمود، حرمت طنط «سعاد» من تذوق خيرات بقية العبارة عشان ابن عمها من قناصي الداخلية. أما حاليا، فالمقاطعة هي السلاح الرادع اللي بيمنع أطباق المهلبية تهوب ناحية باب شقة طنط «أمينة» اللي لازقة صورة صواب رابعة على باب شقتها، واللي خلت العتبة اللي قدامها منطقة حظر تجول لأي من الطنطيات وأطباقهم العامرة.

النظام الغذائي لعبارتنا اتمدر، وكذلك علاقات كثير في طول البلاد وعرضها.. صداقة وارتباط وعمل وود وحب، علاقات كلها اترخت بسبب انتهاء سيامي، أصلا ما حدش فاهم قوي معناه إيه. قد إيه احنا بتأكد كل يوم مقولة عمر سليمان الله يرحمه ويديه الصحة «بط هوبين but when?». قد إيه إحنا لسه بدري علينا قوي لما نحترم بعض رغم اختلافاتنا السياسية. كنت ومازلت من المؤمنين بالثورة، الرغبة في غد أفضل، حلم التغيير.. صوت الجماهير اللي لازم يسمعه من أدمنا الجلوس في بلكونات أبراجهم العاجية يصوا علينا من فوق وكأننا حفنة من النمل، بدون ما يشغلوا بالهم بمتاعنا وآلامنا وحقوقنا الضائعة. لكن بيني وبينك، كنت أتمنى ان ثورة ٢٥ يناير تحصل عام ٢٠٢١ بدلا من ٢٠١١، وإننا نستغل ال ١٠ سنين اللي بين التاريخين للتوعية والتأسيس لشعب لا يفسد الرود ما بين أفراده اختلاف في انتهاء سيامي أو رأي، ولا يدمر عاداته وتقاليده الدافية ثورة ولا مظاهرة ولا اعتصام، ويفهم أن كل دي مظاهر طارئة، ويظل الباقي دايبا هو احنا، هو الإنسان

فضول القطعة

تكلف ضابطة الإف بي آي الثابة بقضية جديدة ذات تفاصيل مثيرة.. قاتل متسلسل متخصص في قتل ضحاياه أمام كاميرات، ويبث أحداث القتل مباشرة على شبكة الإنترنت، وعلى الرغم إنه هو اللي بيختار الضحية وطريقة قتلها، لكن اللي بيختار التوقيت وطول فترة عذاب الضحية هم متابعين موقعه الإلكتروني. ببساطة، يعلن عن الضحية، ويمشطها قدام الكاميرا. ويتعدد وسایل القتل، بين الحرق عن طريق لمبات كبيرة بتصدر عنها كمية هائلة من الحرارة، اللي بيحدد عددها ودرجة حرارتها هو عداد مرتبط بعدد المتابعين للحدث على الموقع الإلكتروني. أو عن طريق الإذابة في سائل كاوي يتحدد تركيزه بنفس الطريقة؛ كل ما عدد المشاهدين والمتابعين زاد، كل ما زاد تركيز السائل الكاوي وأذاب الضحية قدام عيون الجميع.

القاتل كان يعتمد على صفة إنسانية طبيعية، لكنها في الحالة دي بتحول لأداة شريرة قاتلة، ألا وهي صفة الفضول. ده باختصار ملخص أحداث فيلم أمريكي حديث. ورغم إن الفيلم خيالي، وغير مبني على أحداث حقيقية، لكن أظن ان أنا وانت متأكدين إن السيناريو ده قابل جدا للحدث دلوقت، بل ويحصل كل

يوم، حتى لو ما كانش بنفس هذه المباشرة. فيديوهات الذبح والحرق حيا، وصور الجثث والضحايا والمصابين، أنهار وبحار الدم اللي بتخلي المشاهدين متسمرين قدام الشاشات وأصابعهم بتضغط على زر الـ «ريلاي» مرة واثنين وتلاتة عشان ما تفوتهم مش تفصلة من التفاصيل، نظرة عين الضحية، توسله، دموعه، سقوطه، أنفاسه الأخيرة ثم رحيله عن الحياة. أحيانا أتساءل إيه اللي بيدفعنا نعمل كده؟، إيه اللي بيثدنا قوي في جمل زي «شاهد اللحظات الأخيرة»، أو «شاهد كيف يتم ذبح» أو، «شاهد المذبحة أو المجزرة»، إيه اللي بتستفده لما بتطفل على اللحظات الأخيرة لحد يموت بأبشع طريقة، إيه اللي بتحس بيه وانت بتابع جريمة مكتملة الأركان؟، هل هو نوع من أنواع طماننة النفس، الحمد لله إن أنا مش مكانه دلوقت؟، هل هو نوع من أنواع التفاخر بأن ظروف الحياة ما حولتكش لقاتل أو لضحية؟، هل هي محاولة منك لتحريك مشاعرك اللي أحيانا كبير بتحس انها تجمدت في العالم المادي اللي احنا بنحياه؟، هل هي فرصة عشان تعيط بدون ما يكون السبب نابع من حياتك، اللي انت مش عايز تعترف انها فعلا كنية وتستاهل العياط؟

نشر فيديوهات القتل والذبح تضمن لأي موقع إخباري عدد مهول من المتابعين، اللي بيترتب عليه اشتهاار المرقع، وبالتالي زيادة نصيه من حصة الإعلانات. انتشار فيديوهات الحرق والسحل بتضمن للقاتل هدفه المنشود، وهو انه يقى القاتل الجبار، اللي يشير في الكل الخوف والفرع، وبيضمن سيطرته على منطقة أو مجموعة من الناس. بيحقق له انتصار معنوي، انت اللي بتعمله

بمشاهداتك للفيدويوهات اللي بتخضع بعد فترة لطريقة العرض
والطلب، طالما يتفرجوا، يقى ندبح ونصور كمان. لكن انت
بقى بتستفيد إيه؟، إيه بتصمم تمتهن جلال لحظات أخيرة في
حياة بني آدم ما تعرفوش؟، إيه بتزيد في عذاب أهله اللي بيبقى
الفيديو موجود أمام عيونهم في كل مكان؟، إيه بتزود قوة عدو
مش بعيد عنك وممكن تقع رقبتك تحت سكيته في يوم من
الأيام؟، إيه بتقتل كل يوم جزء من آدميتك؟، مش حاسس انك
خلاص اتعودت على رؤية الدم والجثث والأشلاء؟، قلبك جمد
وقسي، وأصبت بحالة من اللامبالاة قريت تخليك تعامل النبي
آدمين، كل النبي آدمين كأشياء؟ زمان كانوا البشر يتريقوا على
الحيوانات اللي بتصرف بدون عقل، ويحكوا مثلاً حكاية
الفضول اللي قتل القطعة أدلوقتي فضولنا بالفعل بيقتلنا واحد
ورا واحد، ويوم ورا يوم!

في مدرسة سايكو

من سنة تقريبا، قررت أني اشترى قط، يمكن لأنى مؤمنة بالمقولة اللي بتقول إن البنت الجميلة بيخطفها الفارس الوسيم على حصانه ويعشوا في سعادة حتى آخر عمرهم وهم ييموتوا في أحضان بعض، بينما البنت الذكية غالبا بتعيش وحيدة وتموت هي وقططها في أحضان بعض. وعلى الرغم من إني ما كترش من محبي الحيوانات الأليفة، وكنت زي ناس كثير شايفة إن الواحد يتبنى له عيل يريه أفيد له وللمجتمع، لكن لأن القوانين تمنع تبني غير المتزوجات لأطفال، قلت أتبنى سايكو.. قطي اللي سميت كده لأن فيه في عينيه نظرة جنون بتحسني إنه هيقتلنا في ليلة من الليالي واحنا نايمين؛ لكن قلت أجرب لمجرد التجربة.

وبالفعل، كانت تجربة غنية وثرية، وفهمت ليه تربية القطط سلوك في الغالب أتشوي. مثل بس عشان كيت وشكلها لطيف، لكن لأن البنات والسيدات ممكن يتعلموا من قططهم، زي ما انا اتعلمت من سايكو حاجات كثير قوي. أولا: سايكو غير مهتم نهائيا بأراء الآخرين، ما يبذلش أي مجهود عشان بحوز إعجابهم، شايف إن وجوده في الدنيا كفاية، يعمل اللي هو عايزه في الوقت اللي يريجه وما بيطلعش قواعد حد تاني حاظتهاله، لا

ياكل وقت ما انت تحب تأكله ولا يشرب الي تحب تشربه،
وعمره ما هيعمل ريجيم، ولا يكره جسمه عشان المجتمع الي
حواليه حط له قواعد تقول مين هي القطط الجميلة الرشيقه
ومين هي القطط الوحشة المتخخته. سايكو واثق في نفسه وفي
قدراته، حتى لو العالم كله شككه فيها. يوم ما أقف، وأصرخ
فيه عشان ما ينطش من فوق الدولاب للأرض، بيصلي بنظرة
احتقار حارقة وينط نطة يحسده عليها كل لاعبي (سيرك دي
سولي) خاصة مع شقلباته العظيمة في الهواء. كام مرة الواحد
بيقى نفسه ينط نطة زي دي في حياته، وما يبقاش عنده ثقة
سايكو في نفسه انه ينطها؟ سايكو واضح وصريح، مالوش في
اللوع، لو حيك هيتمح فيك، لو مش طايقك هيعد ولو
صممت تقرب بالعافية هيهريك بخ وخربشة.. مش أفضل
كثير من المليون ماسك الي لابينهم فوق وشوشنا والي
بيخلونا نضغط على أعصابنا ونبين لبعض شاعر مزيفة؟

وأخيرا، فايكو حاطط راحته وسعادته رقم واحد، وبعدها
أي حد تاني. ممكن يطردك من فوق سريرك عشان ينام هو
وانت تطلع بره الأوضة خالص زي المنودين.. ممكن يصحيك
من أحلى نومة، لكن يصب عليك لعنة أجداده الفراعنة لو
فكرت للحظة انك تصحيه.. يطالب بأوقات لعبه كأوقات
مقدسة، وانت عليك الامثال لرغباته الملكية. بالذمة مش
أحسن ما احنا طول عمرنا عابشين تعاء عشان بنحاول نسعد
كل الي حوالينا على حسابنا، مع إن التجربة بتقول إن الأنانيين
هم الأطول عمرا؟.. قليل من الأنانية بالتأكيد مكن يظبط

حياتنا كثير.

بعد تجربة قصيرة مع سايكو، اللي فصيلته كلها بتوصف
بالندالة أو الغدر أو الأنانية أو عدم الاكتراث، اكتشفت اني كل
يوم باتعلم حاجة جديدة، وإن القلط عندها كثير تعلمهولنا
على مدار سنين، ويانصح كل شخص عنده مشاكل نفسية بأنه
يتبنى قطة؛ فعلا هتغير له حياته كثير.

وعشان كده، سأظل دائما تلميذة في مدرسة سايكو، وباريت
اتم كمان تدخلوا مدرسة سايكو، هتفعلكم قوي!

الزعيم

شعوبنا العربية، التي تقطن هذه المنطقة المحسودة من العالم، شعوب حنونة، يغلب عليها الطابع الأبوي ومشاعر الأمومة، فالأسرة هي عماد المجتمع، والتسلل الأسري معروف، نحترم كبيرنا ونعطف على صغيرنا، ونربي أبناءنا ونطيع آباءنا، وكل منا يعتبر بلده بأكملها أسرة، نحن أعضاؤها وبقية مواطنيها إخوتنا، وزعيمها رب الأسرة وكبيرها. وكما يشعر الأبناء أحيانا بمشاكل أبيهم، فيبدأون في التعاطف معه ومحاولة دعمه واحتوائه، حتى يوفروا له المناخ المناسب ليقوم بمهامه الصعبة على أكمل وجه، كذلك تفعل شعوبنا مع الزعيم.

تعدد الطرق الداعمة وأساليب الاحتضان، لكن أشهرها على الإطلاق هي التصفيق، أو التسقيف. أحيانا، الأمر يتطلب أن يصاحب التصفيق ده الهتاف، وأحيانا يبقى الأمر أخطر، ويكون الزعيم في حاجة ماسة لـ **higher level** من الدعم، ألا وهو التظليل. لكن يظل التصفيق هو الحظن الأول، اللي يقدمه كل شعب لزعيمه!

نقف لزعيمنا على الفاضية والمليانة، نسقف في أوقات لا ينفع فيها التسقيف، نسقف في أحلك الأوقات وأكثرها بؤسا،

نصف داخل وخارج الوطن، فيتشي الزعيم ويتفخ وبقى
ملو هدومه كده ويقدر يشوف شغله في تركيز؛ فكما يحدثنا
علماء النبات والحيوان عن بعض الفصائل اللي بتزيد إنتاجها
بالتشجيع، فقد يزهر شجر الطهاطم مثلا بمحصول مضاعف
لو طبطب الفلاح عليه، وتدي الجهايس لبن أكثر وأحلى زبدة
كما يقول أصحابنا الهولنديين كلما زادت درجة التدليل.. فكذلك
زعمائنا.

دلل الزعيم وسقف له، تاخذ منه أحلى شغل. ضع فوق
التقيف هتاف مالوش معنى ويعتبره البعض دليل عبودية
وأموا ما تفتق عنه العقل الجمعي العالمي من هتافات كـ
«بالروح بالدم نفديك يا زعيم» يفوت بيك هذا الزعيم في
الحديد. زود العيار شوية وابدأ في مرحلة التطيل.. التطيل
لزعيم أمر بعلاج طفل - هو المعني أصلا بعلاجه - على نفقة
الدولة، وكان الأمر تفضلا منه، فقيم الأفراح والليالي الملاح في
الصحف أربعين يوم. التطيل لزعيم آخر يتدخل بأبوه حانية
لإنجاح طالبة كتبت موضوع تعبير تتقدمه فيه، فأمرت إدارة
مدرستها بأن تعتبر راسبة. نقطع نفسنا من التطيل، مع عدم
الالتفات لأنها مش شغلته، وإن فيه وزير مختص، وإن إدارة
المدرسة المختلة ما اتحاشت.. يكفي أن نزيد من تطيلنا لحد
الجنون.

زعيم آخر كاريزمته بعافيه شوية، نروح وراه مطرح ما يروح،
نصف ونهلل ونطبل له في كل مكان على وجه الأرض، ولا نلتفت
أبدا لأن تصرفاتنا تؤدي لاندھاش، بل وامتعاض الآخرين. ده

رعيما برضه ولازم نحفضه وقت ضيقته، اعتبره أبوك يا أخي،
لو أبوك مش محتضنه يعني والا إيه؟

ننظر لرؤسائنا كأنهم اثروننا، لا كأننا نوظفهم ومنتظر
منهم هم أن يكونوا على قدر المسئولية. نعيش في غيبة كون
الزعيم «أب» لا يمكن المساس بكرامته، ولا يمكن مراجعته في
قراراته، ولا يمكن نشر لأي خطأ ارتكبه، أو أي صفة سلبية
تفشى في تصرفاته وأحكامه.

نصفق ونهلل ونطبل ونخلق ديكتاتوراً، نسلمه سلاسل
فبردنا ونحن نلهث له بالدعاء والشكر والثناء، وبعدها
نستغرب قوي أننا نقبع باستمرار في ذيل قائمة الأمم الناجحة،
فنحن قوم لا يهمننا النجاح، كل ما يهمننا أن يعيش الزعيم وتعيش
كاريزمته الطاغية، التي تصنعها أوهامنا ورؤوسنا المحنية وأيادينا
المصفقة له على قفانا لأبد الأبدین!

إعادة تصنيع

بينما الحياة في بلدنا تسير بسرعة السلحفاة، اللي بنقنع نفسنا دايمًا إنها هي اللي هتوصل خط النهاية الأول، وتكيد الأعادي وأولهم الأرنب اللي عمال يتنطط في كل حنة ده ما تعرفش ليه، نسير الحياة حولنا مش بسرعة الأرنب ويس، لكن أحيانا بسرعة الصاروخ. ولو عايز تحاول تقيس الفرق، مش لازم تكون متعمق علميا أو متابع لآخر التطورات التكنولوجية باستمرار، بالعكس يمكنك بسهولة قياس سرعة تقدم العالم عن طريق تجربتين شديدتي الخصوصية بالنسبة لك، ومث محتاجين شهادة علمية معلقة على جدار حجرة الصالون. التجربة الأولى استخدام حنفية حمام أي مطار أو فندق بتزوره، ورمي القمامة في الصندوق الخاص بيها، وانت متواجد في إحدى دول العالم الأول أو الثاني أو الثاني بشرطين.

من فضلك، إوعى تستهون باللي باقوله. بجهد الحاجتين دول من أكثر الحاجات الي بتوريك الدنيا من حولنا بتجري إزاي. حنفية الحمام اللي غالبا بتقف قدامها مدة تفكر، دي بقى بتفتح إزاي إن شاء الله. حاجة تكف لما تحس انك واقف تتفاوض مع الحنفية عشان تكرم تنزلك شوية مائة تغسل وشك من تعب السفر. ما هي برضه حاجة تلخبط يا جدعان، يوم

تلاقيها بتفتح بتحريك مقبض، والمرة اللي بعدها تلاقيها بقت
بضغطة زرار.. مرة هتفتحها عن طريق دوايه في الأرض، واللي
بعدها هتلاقيها بتشتغل أوتوماتك بمجرد ما تحط إيدك تحتها
على طول.. مرة هتلاقيها بتشتغل لما تحرك إيدك قدامها، وبعدها
بأيام هتكتشف إنها بقت بتشتغل بمجرد ما تقف قدام الحوض.
آخر مرتين سافرت فيهم، اكتشفت إن الحفريات بتشتغل دلوقتي
بالصوت. يا تصقف قدامهم يا تقول «ووتر» وهم يشتغلوا
على طول. بالذمة مش حاجة تجن يا أخي؟، العالم دي فاضية
والا إيه؟

تاني مشكلة بتقابلك هي صندوق القمامة، وتاني تبدي تحتل
مقعدك على طاولة المفاوضات.. بيتفتح ده من فوق والا من تحت
والا من الجنب.. بدواسة والاياب تزقه والا مقبض تحبه؟..
ده غير الاختراع التاني بتاع «صندوق القمامة متعدد الاختيارات»،
تقف قدام صندوق القمامة كأنك في امتحان تفاضل وتكامل،
وتحس بحاجة ماسة إنك تغش من اللي جنبك، وتلوم نفسك
إنك ماجبتش معاك برشام. كل صندوق قمامة دلوقت بره فيه
من ٤-٦ فتحات، واحدة للبلاستيك مش للزجاج، واحدة
للزجاج مش للورق، واحدة للورق مش للبلاستيك ولا
الزجاج، وواحدة مكتوب عليها «قمامة بشكل عام». وبما إنك
أساسا متربي في بلد يعتبر معظم أفرادهم «صندوق القمامة» ده
أحد الكماليات، وبالتالي كل مرة بتتعلمه بتحس إنك عملت
إنجاز وطني وبستنى حد من «مصر النهارده» يطلب يعمل
معاك حوار، تيجي بقى تقف قدام الصندوق بتاعهم ده وتتوه.
صندوق ب٤ فتحات، ما فيش أسهل من كده، وبرضه ما فيش

أهم من كده. مين الأهم؟ يكون عنده صندوق زي ده هدفه الأساسي «الريسايكلينج» أو «إعادة التصنيع»؟، دول بتأخذ الطبق البلاستيك المكسور وتعيد تصنيعه لطبق أو كرسي أو لعبة أطفال، بدل ما تفضل تحب في موارد في يوم من الأيام أكيد هتخلص، لأنها لا تتولد من العدم (و هو برضه نفس منطق توفير المياه اللي يتطلب البحث دايمًا عن طريقة لفتح الحنفية لا تسبب في ضياع المياه بدون داعي)، ده غير إنك بتفعيل «إعادة التصنيع» بتقلل كمية القمامة الناتجة عنك، وهو شيء مهم لدول -عن طريق تطبيقه- أصبحت نظيفة بشكل يفيظ، بينما بنعيش إحنا في سلام شامل مع أكوام القمامة في بلدنا، اللي في يوم من الأيام هتتحرف وتغطينا وإحنا له نبص عليهم ونضحك ونستهزئ ونساءل: فاضين دول والايه؟

عشان تتقدم خطوة، اكتشفت إنك مش لام تكون مخترع عبقرى ولا لازم تكون مفكر جبار، يجب عليك بس إنك تحدد المشكلة وتشوف لها أسهل الحلول. ومن بين مشاكلنا الكثيرة، ما حدش يقدر ينكر إن عندنا مشكلة متعلقة بالقمامة، جاية وراها في الأتوبيس الجاي مشكلة كبيرة متعلقة بالمياه. يمكن صعب نعمم موضوع الحنفية اللي بتشتغل بالصوت، لكن ليه ما نجربش الصندوق أبو؟ فتحات؟، على الأقل في المدارس، يمكن الجيل الجاي يقى عنده فرصة يعيش من غير ما يصاحب كوم زبالة، ومن غير ما يضطر يشرب م البحر. الأمل في الجيل الجاي بالتأكيد، لأن الكلام ده ما اعتقدش ممكن يحصل بين الناس دلوقت، لأن المشكلة مش بس حنفية ولا صندوق، العقول والسلوكيات نفسها هي اللي محتاجة إعادة تصنيع

الحب في أرض الفرنجة

حين يسعدك الحظ، وتسمح لك الظروف وتسافر خارج حدود الوطن العربي لأرض الفرنجة، وبما أنك تتمي تاريخيا واجتماعيا لشعوب يملوها أن تطلق على نفسها لقب «شعوب متدينة بطبعها»، فأول ما سيلفت نظرك غالبا هو تصالح تلك المجتمعات مع إظهار المحبين لعواطفهم على الملأ. من أول لحظة تخطو فيها أقدام أحدنا تراب دولة لا ينطق سكانها بلان العرب، نصينا صدمة ثقافية كبرى، على أثر متابعتنا لتباين سلوك البشر في تلك المجتمعات المفتوحة، مع سلوك البشر في مجتمعاتنا المحافظة. حين تسوقك الصدفة للتواجد في مكان عام، لا تمنع عموميتة اثنين من المحبين من التعبير عن حبهم بشكل مادي منظور من الجميع، (قد يكون شكل التعبير متمثلا في قلة جريشة أو حضن طويل أو مجرد همسات رومانسية ملفتة)، يدفعك الأمر للتصرف بطريقة من ثلاث: إما التحديق مفتوح الفم في انبهار يشوبه عدم التصديق.. وإما استراق النظرات في خجل يشوبه الغبطة والحد.. وإما إشاحة الوجه في اعتراض، داعيا عليهم بالويل والشور وبأن تشق الأرض وتبتلعهم، جزاء لما يارسونه من قلة حياء أصابتك بجرح نفسي لن يندمل.

لكن ربها لن يطرق باب عقلك سؤال هام: ولماذا لا نكون مثلهم؟

قبل أن تهتم بالاعتراض أو التوقف عن قراءة المقال، دعني أشرح لك وضع مجتمعاتنا الملتبس. فنحن نحيا في عالم تتحدث كل أغانيه وكل أفلامه وكل رواياته وتراثه عن الحب، ولكننا لا نزال ننظر للحب على أنه قلة حياء، وللتعبير عنه وكأنه فضيحة مدوية. في البدء ينجل أبائنا من أن يعبروا لأمهاتنا عن مشاعرهم أمامنا، خوفا من أن يفسد ذلك أخلاقنا. أنا مثلا، عشت قرابة ٢٥ عاما بين أمي وأمي لم أره يوما يقل لها كلمة «أحبك»، وأنا الآن أعجز عن مجرد التفكير في النطق بها حين أجد نصفي الآخر، فما بالك بالتعبير عنها بشكل دوري يحفظ للحب رونقه وللحياة جمالها.

الحب كالنبته الصغيرة، التي تحتاج للارتواء بالكلمات، ولنور الشمس حتى تبت وترعرع، أو على الأقل لكيلا تموت وتختفي. وأيامنا القاسية تحتاج أن تقلل من قسوتها كلمة حب هنا، أو تصرف نلمحه هناك، فيغير قليلا نفيتنا البائسة. بالطبع مجتمعاتنا مختلفة، وطرق التعبير عن مشاعرنا لا يمكن أن تتطابق معها في الغرب، لكننا نفتقد الحب في شوارعنا، حتى كدنا أن ننساه. أتمنى أن أمر يوما في الشارع بجوار زوج وزوجة، مر على زواجهما ١٠ سنوات، لأستمع لهمسات حب يهمسها هو في أذنها.. أمل أن أرى زوجين في الستين يتعانق كفيهما، في لمحة تكسر قسوة الحياة حولنا.. أحلم بأن أرى زوج يقف ليناع هدية عيد زواجه الأربعين، صحبة من الورد، ويخبر البائع بصوت مرتفع

رسمه الجميع أن يكتب على البطاقة أنها هدية لحبيته.. أتمنى أن
أحدثني إحداهن عن زوجها مطلقاً عليه لقب «حبيبي»، بعد أن
تمر على زواجهما سنوات طويلة، دون أن يتحول لقبه مع الوقت
إلى «أبو العبال» أو «بابا» أو «يمهل ولا يهمل».

نحن نعيش في عالم تحفه الظروف القاسية، وهو ما يجب أن
يدفعنا لأن نكسر حدتها، بأن نغدق على بعضنا البعض مشاعرنا
المباشرة، ونشيع في شوارعنا وقلوبنا أنغام وروائح وألوان الحب
الزاهية. نستحق أن نشعر بالحب، ونشعر أحباءنا به، طالما كان
الأمر في حدود تقاليدنا، بلا خوف ولا تجمل ولا نظر للأمر كله
على أنه تصرف تافه أو فضيحة مدوية.

العاصمة

في بلدنا الحبيب الكبير المترامي الأطراف، نلتزم جميعا بالقاعدة الشهيرة التي أرسيت في الفصل الثاني من مرحلة شاهد ما نأفش حاجة، فنتمر في التكديس في حجرة واحدة، تاركين بقية الشقة خاوية على عروشها. هذا التكديس اللي تسبب في إن الحياة في مصر بتعتبر تحدي في حد ذاتها.. حياة بتصينا بالملل اللي بتعايش معاه لأن كل منا مصمم ما يعدش أكثر من ٢ كيلومتر من المكان اللي اتولد فيه.. بتصينا بضيق الأفق، لأننا زي الشجر المكان اللي تولد فيه نموت فيه.. بتجينا في الفشل، لأننا ما عندناش أي استعداد نسعى خلف أحلامنا أو طموحتنا طالما هذه الأحلام والطموحات هتبعدنا عن الحبي اللي تقطنه الست الوالدة ورضعها وحنيتها وحلة المحشي التينة عمابل إيديها.

إنك تعيش في مصر وتثأ إنان سوي، دي نعمة لازم تشكر ربنا عليها ليل ونهار، خاصة إذا كنت من سكان الصعيد والأقاليم، فحن نعيش يا صديقي في عالم تسيطر على كل مقاديره العاصمة. في السنة الأولى اللي بدأت فيها أتردد باستمرار على القاهرة، كان فيه دايم سؤال دائم التردد على السنة أصدقائي

القاهريين، «وانتي هتتقلي إمتي للقاهرة؟»، كنت بالتفت
حواليا أبص للزحمة وأخذ نفس عميق من عوادم العريبات/
وأسمع لجزء من سينفونية التلوث السمعي اللي بتشتهر بيها
شوارع العاصمة، وأسألهم باستغراب: «رايه اللي يخيلني أنقل
حياتي هنا؟». كان صديقي أو صديقتي يهزوا أكتافهم في بساطة
و يجاوبوني: «شان تبقي من مكان القاهرة!»

في مدينتي الصغيرة في قلب الدلتا، تعتبرني صديقاتي «سوبر
وومن»، فقط لأنني باعرف خط مترو إيه يودي فين، ولأنني عارفة
فين ساقية الصاوي، وباحضر عروض في الأوبرا كل فين وفين.
مجرد زياراتي للقاهرة جعلتني بالنسبة لهم نخبة؛ ما بالك لما
أبقى من سكانها بقى، ياهووه الثقافة هنا، وفرص العمل هنا،
والحكومة هنا، والإعلام هنا، الحاضر والماضي والمستقبل هنا،
يبقى إيه بس اللي يخيلني هناك؟

السؤال الأهم: وليه هناك ما يقالوش نصيب من هنا؟

ثقافة المصريين في التكديس في أوضة واحدة، والتي بنطبقها
لقرون، بتمركز حياتنا كلها حوالين نهر النيل، بتطبق بشكل
أعنف على القاهرة. كل شيء في الوجود بيدولي أحيانا إنه مركزه
القاهرة. لكن الوضع ده مش وضع صحي ولا لطيف. بالعكس،
وضع مريض وفي قمة السخف. شعوري دائما شعور متضارب
تجاه المدينة وسكانها.. القاهرة هي المدينة اللي بيعتبر سكانها
نفسهم مختلفين، من طينة تانية غير سكان الصعيد والأقاليم،
رغم إن ٥٠-٦٠٪ منهم أو من أهاليهم أصلا جاءوا إليها من

الصعيد والأقاليم. القاهرة هي المدينة اللي بيعتقد سكانها إن الكل حاسدينهم عليها، رغم إن كثير منا بيركبه ٦٠٠ عفريت بوم ما يكتشف إنه عنده مشوار أو مشوارين لـ «مصر» ويشيل مهمم ليل ونهار قبلها. القاهرة هي المدينة اللي من غير ما نفصد تلاقى نفسك بتحاول بكل الطرق تتمي لها. القاهرة هي المدينة اللي باحمل تجاهها مزيج من الحب والخنقة. المدينة اللي رغم زهقي منها ما أقدرش أبعد عنها كثير. المدينة اللي دايمًا بتخجلها ست كانت في يوم طيبة، بس فضل كل يوم يتكاتر عليها الضيوف ويستغلوا كرمها وعطفها، ويسيوها آخر الليل مافهاش نفس ووشها ماليه التعب وبتزحف عليه التجاعيد، لحد ما تحولت لعجوز شمطاء كل متعتها في الحياة هي إنها تنكد على اللي جاي يزورها، وتخفق اللي ساكن في حضنها. المدينة اللي زهقت متنا أكثر ما احنا منها زهقانيين، وكل يوم احنا وهي نبص لبعض ونأل طب وإيه الحل!؟

شايقة بعين الخيال يوم في المستقبل البعيد.. هندي فرصة للقاهرة تشم نفسها.. وهندي نفنا هدنة منها. يوم لما محتاج ورقة رسمية من وزارة أو مصلحة فهروح أجيبها من الاسماعيلية. يوم ما أحب أحضر عرض أوبراها حضره في أوبرا الزقازيق. وقت ما أحب أشارك في مهرجان سينمائي، هيكون هو مهرجان أسيوط السينمائي الدولي. وأول يوم في مجلس الشعب الجديد هيعقد في مقره في المحلة. ويوم ما تجيني تأشيرة الحج هافر من مطار الفيوم.

مركزية القاهرة شيء موجه لنا وليها، وكان بقية أنحاء مصر

كيان مهمل خفي ما يتشافش غير تحت الميكروسكوب. وكان
قدر القاهرة تشيل ديانا كلها فوق دماغها لحد ما تنهار. ولحد
ما القاهرة تنهار، فعليا أو معنويا، ولحد ما حد ياخذ باله ويقرر
يتصرف بجد، هنفضل طول عمرنا مشدودين بخيوط من حديد
ليها، وهنفضل هي تنكد علينا واحنا نتكاتر عليها.. لحد ما
يجي الحل من عند ربنا.

الفيل في الغرفة

نعيش في دول الربيع العربي، اللي مش فاهمة لحد دلوقتي سر تسميتها، وإيه علاقة الربيع باللي بيجر الناده كله! - نعيش في وقت استثنائي، فيه الأزمة بتجري ورا الأزمة عايزة تطولها.. من أزمات سياسية ناتجة عن قلة الخبرة في التعامل مع الديمقراطية، وكأنها طفل وليد لأبوين فاقدَي الأهلية موتوه باستهتارهم.. لأزمات مجتمعية ناتجة عن اتنا عشنا لوقت طويل من حياتنا متخليين اتنا كلنا في مركب واحدة، وإذ فوجئنا أن كل فريق منا بيخرم المركب عشان يفرق التانيين وينجو هو لوحده.. وأزمات اقتصادية ونفسية وبيئية لا يعلم عددها إلا الله.

وطرق التعامل مع تلك الأزمات بتعدد وتختلف، علي حسب الوقت والأسباب والمسيطرين علي السلطة وقت الأزمة.. ومدى تعاطف الناس معاهم. عندك مثلا طريقة: طريقك محدود مسدود مسدود يا ولدي. ودي الطريقة اللي بتقولك دايسا إن مافيش حل، وما تتعبش نفسك وتدور على حل، ولا تتعبنا معاك وتسال إذا كان فيه حل، الأزمة دي هي نهاية العالم، وكل اللي نقدر نعمله دلوقت إننا ندور على سبونر يقى هو الراعي الرسمي لحفلة انتحار جماعي نشارك فيها كلنا. تاني طريقة هي طريقة: بص العصفورة، ودي طريقة يبرع أصحابها في التركيز علي أزمات مالهاش أساسا علاقة بيك، لحد ما تشغل فيها

وتنسى أزمته الرئيسية، وبالتالي مش هتلاقيها حل. الطريقة الثالثة هي طريقة «فين التعابين؟»، طب هو فين الظابط؟»، اللي تعتمد على التركيز على أزمة وهمية، وبعدين الكشف عن أنها وهمية، فتخيل سيادتك إن كل الأزمات برضه وهمية زي الأزمة المخترعة!

أما الطريقة الأكثر انتشارا وفاعلية، فهي طريقة التراب اللي تحت السجادة، محاولة إصاق التهم بأضعف حلقة في اللسلة. حادثة قطر يثيل مسئوليتها عامل المزلقان.. إهمال مستشفى ثيل مسئولته ممرضة.. ولا مساس بالكبار من مؤولين أو وزارات، وكان المشكلة اختفت أو انحلت خلاص.

أما أسلوب «الفيل في الغرفة»، فده بقى اللي المعسى، وده اللي أصحابه يبصروالك باستغراب ويقولواالك، مشكلة؟! هي فين المشكلة دي، انت شايف مشكلة؟! لأ كده ننصحك انك تعمل كشف نظر، مشكلة إيه يا راجل؟!

تعددت الأساليب، وفي النهاية الأزمات بتزيد، والحلول ليس لها أي وجود، ولا حتى بشاير في الأفق. تفكروا هفضل كده كثير؟ مش هنبدا بقى نواجه نفسنا بمشاكلنا بدون استهانة أو تهويل، ونؤمن إن ده أول طريق لحل المشاكل؛ بعيدا عن الطرق المبتكرة دي كلها؟.. في العالم، ما يتمش اتهام اللي بيصارحوا الناس بمشاكلهم ويسلطوا الضوء عليها بإنهم خاينين أو يبسبوا السمعة الوطن أو عملاء عمولين من الخارج.. تفكروا اليوم اللي نكون زيهم ده قريب والابعيد؟، أنا شخصيا مش شايفاله فجر، بس مين عارف، يقولوا أكثر اللحظات إظلاما هي اللي بتبق ميلاد النور..

عموما، ربنا كبيراً

أنا مهما كبرت صغير

الكبر في السن مآلة فعلا صعبة. مش بس على كبار السن من أصحاب الستين والسبعين والثمانين ربيعاً؛ لأكمان بتبقى أصعب على أرباب الثلاثينات والأربعينات. إنت بتضحك على نفسك كثير، ومتخيل إنك له عيل، وحكمتك المفضلة في الحياة هي (أنا مهما كبرت صغير)، وتصبر نفسك إن مآلة السن وأحكامه، مآلة نية بحتة، خاصة لما تعترف لنفسك إن فيه مواضيع كتيرة تفكيرك ما اتغيرش فيها عن أيام ما كنت عيل، وإنك بتفقد نفسك ساعات بتصرف زي ما كنت بتصرف وانت عندك ١٦ أو ١٧ سنة، أو عندك طاقة عيل عنده ١٠ سنين. لكن هل ده كلام يعني إنك له عيل؟، للأسف لا.

مهما حاولنا نشبث بالطفولة أو بالشباب بنكبر. ودلائل الكبر ده، انت ممكن بسهولة تكتشفه إذا كنت تصرفاتك اليومية بتضمن حاجة من الحاجات الجاية: ١

- بقيت بتتبع أكثر بجماع الموسيقى بصوت متوسط، حالة الصمم اللي بتصينا واحنا صغيرين وبتخلينا ما نعرفش تذوق أي أغنية إلا وأصدقاءنا في الفضاء الخارجي سامعين معانا، دي بتقل مع السن، فيوم ما تبقى في مكان وتمد إيدك توطي صوت

الكاسيت أو التلفزيون أو الديو في دي، إعرف أنك كبرت

٢- قلبك بيتدي يوجعك بسهولة، بتتدي تبعد عن أي شيء ممكن يوجع القلب، ألعاب الملاهي الخطيرة، فيديوهات الدبح في سوريا، فيديوهات التعذيب في الأقسام تبعد عنهم بالمشوار، لسنة فيديوهاتك المفضلة دلوقتي بتشمل أطفال بيضحكوا وحيوانات أليفة بتلعب مع بعضها وصور المناظر الطبيعية وقت الغروب، كل ما تلاقي نفسك ماعدتش مهتم تشوف منظر الدم، إعرف أنك كبرت

٣- الحماس الجارف والإيمان المطلق بأي أحاسيس هتلاقي نفسك ودعتها من زمان، هتلاقي على صفحة الفيسبوك بتاعتك ستياسات بتلوم على الثورة وتنتقد الجيش وتتهم الإخوان وتضيق بالناصرين، ماحدثش فاهملك اتجاه ولا انت كمان، وهذا الحماس الجارف والإيمان المطلق بزعيم أو مطرب أو كاتب أو حتى فرقة رياضية ماعدتش موجود داخل حدود حياتك، لدرجة إنك لو في قاعدة كلها أهلاوية وانت الزملكاوي الوحيد ممكن تظاهر معاهم إنك أهلاوي درء الوجع القلب والدماع وهو شيء كان بالنسبة لك جرم عظيم

٤- أصبح سهل جدا بالنسبة لك إنك تبيع ناس، أو تميمهم يضيعوا ويختفوا من حياتك وما تحاولش بكل قوتك أنك ما تخسرهمش زي ما كنت بتعمل زمان، الوقت والسن والسنين والتجارب علموك إن ماحدثش يتاهل تضغط على روحك عشانه أو تخاف إنك تخسره، وإن لما واحد بيروح عشرة غيره

بيجوا، الكرة الأرضية فوق ظهرها ناس كفاية لإنك تخسر
كل اللي تعرفهم وتعرف بداهم ناس جديدة عشرات المرات في
حياتك، فعلى إيه تعب الأعصاب.

كل دي دلائل على إنك كبرت. آه كبرت، انت ما بقتش
عيل زي ما انت فاكر، والكبر ده انت فقدت معاه حاجات
كثير، وللأسف اللي بتكبه أقل كبير من اللي بتخسره، بس ولا
يهمك، كلنا لها، سنة الحياة، يعني هتعمل إيه يعني غير أنك
تسلم وترضى بالأمر الواقع؟!،

خاصة ان الاستسلام برضه من صفات الكبار!

ماريونيت

س: ليه الراجل المصري بيسي مراته الحكومة؟

ج: لأنه عارف إنه مايقدرش يغيرها

قديمة، عارفة والله، بس مش كل أما بتسمع النكتة دي وتقعدها
تتمعن فيها كده شويه تحس إن اللي ألفها عبقرى الصفات
المميزة للزوجة المصرية والحكومة المصرية فعلا تكاد تكون
متطابقة. خذ عندك مثلا، غير إنك ما تقدرش تغيرها، فأنت
ما تقدرش تعترض على كلامها بصوت عالي، ولا تعارضها قدام
الناس (من وراها جايز، لكن قدام الناس ما أعتقدش)، اللي
في دماغها هو اللي هيمشي (حتى لو سكتت شوية وسمعتك
فغالبا بتسمعك بطريقة وذن من طين وودن من طين برضه)،
ما عندهاش أي استعداد للاعتراف بالخطأ، وعندها قدرة مدهشة
إنها تقنعك إن أي كارثة هي اللي اتسببت لك فيها مسئوليتك
إنت وإنت اللي تتاهل، لأنك مهمل وبالتالي كان لازم تدفع
التمن.

لو مالكش زوجة لأسباب تتعلق بإنك له صغير أو كنتيجة
من نتائج السياسة الاقتصادية الرشيدة للبلاد، أسأل حد كبير
وهو يقول لك، بلاش.

لو كلنا فكرنا في أيام طفولتنا البائسة، هنتكر جملة أمهاتنا الأثيرة «ما أسمعش صوتك» وهي بالصدفة البحتة نفس الجملة المفضلة لحكومتنا الغالية.

عندما قرأت تصريح وزير التعليم العالي، الذي سيكتبه التاريخ بحروف من ذهب صيني: «ماقطع لسان كل من يروج لشعارات ميامية في الجامعة»، كنت له راجعة من زيارة سريعة للجامعة «تكساس»، وكان له في ذهني أكثر من صورة شفتها هناك... لافتة معلقة على أحد الحوائط في فناء الجامعة، تحمل عبارة «كن ديمقراطيا تكون أمريكيا»، بجوارها لافتة أخرى تحمل عبارة «أن تكون جمهوريا ياراي أن تكون وطنيا»، على مقربة منهما لافتة خضراء تحمل عبارة «ماذا تعرف عن الإسلام؟ تعرف إليه عن قرب»، خلفها لوحة أخرى مرسوم عليها صليب كبير تحته عبارة «الرب ما زال يتحدث إلينا، استمع إليه». داخل هو الجامعة لوحة، معلق عليها العديد من الإعلانات عن مناقشات واجتماعات. منها ورقة بيضاء تحمل ألوان العلم الفلسطيني، وعبارة «فلسطين، صراع لاستعادة وطن»، تعلوها ورقة باللونين الأزرق والأبيض، تحمل عبارة «لماذا يجب علينا مساعدة إسرائيل؟»، وفي الجانب الأعلى من لوحة الإعلانات وورقتان متجاورتان، أحدهما يتحدث باسم «اتحاد الطلبة الليبراليين» والأخرى تدعو لحضور مناقشة ترعاها «مجموعة الطلبة المحافظين». خارج البهو، توجد العديد من الطاومات، يقف خلفها طلاب من كل الاتجاهات، يجمعون التوقيعات ويدعون زملاءهم للمشاركة في اجتماعات

ومسيرات ومناقشات ومناظرات.. مع اليمين، مع اليسار، مع دعم الجنود المشاركين في الحرب على أفغانستان، مع انسحاب القوات الأمريكية من العراق، مع حوار الأديان، مع عودة القيم المسيحية للسيطرة على البلاد، ضد إياحة الإجهاض، مع التامع ودعم الأقليات، مع أوباما، ضد أوباما.....

كل الاتجاهات، وكل التيارات، والكل يمارس حقه في التصريح بأرائه ومعتقداته، في هدوء ونظام واحترام متبادل، من غير حرس جامعة (يدي الطلبة بالشلوت) ولا خراطيم الماء فوق عربات قوات مكافحة الشغب، ولا تهديدات بقطع الألسن والرقاب. هناك يشجعون الشاب أن يكون له رأيه المستقل، وهنا يحثونه قبل ما يجيئ للجامعة أو الشغل أو النادي أو الجامع (بيهم في الكومودينو اللي جنب الرير). هناك يحتفون بالاختلاف ويشجعونه، وهنا يريدون كل واحد يمثي وراء بقية خراف القطيع. هناك يعتبرون طالب الجامعة شخصاً بالغاله مكان وتأثير في المجتمع، وهنا يصفونه - كما جاء على لسان سيادة الوزير - بالعروسة الماريونت، ولهذا، فالمجتمع كله لازم يحميه من نفسه ومن كل يد ممكن تشد خيوطه وتحركها لتحقيق أغراضها الدينية (اللي هي أكيد دنيئة لأنها تتعارض مع سياسات حكومتنا الغالية)!

ونرجع نال السؤال الأبدي.. البيضة والا الفرخة؟، هل الشباب عرائس ماريونيت، فمن حق المسئولين أن يخافوا من إعطائهم حق حرية التعبير؟، أم لغياب حرية التعبير فالتيجة كانت أن كلنا تحولنا لعرايس ماريونيت؟.

هناك قاعدة نفيه شهيرة ملخصها أنك إذا تعمدت مخاطبة شخص بالغ على أنه طفل لمدة طويلة، فلن تجد منه في المستقبل سوى ردود أفعال الأطفال، فلا تتظر منه أبدا أن يتحمل أية مسئولية، ولا تتوقع أنه يمكنك يوما الاعتماد عليه، فما بالك بأجيال متعاقبة يعاملون على أنهم أطفال أو خراف، أو عرائس ماريونيت؟

إذا المرأة يوماً أرادت أن تقود

«لأنني رجل»

يلقيها في وجهك كل من تحاورينه في أي موضوع كان، طالما
اختلفتما في الرأي..

«لماذا تظن أن رأيك فقط هو الصحيح؟»

«لأنني رجل»..

«لماذا تظن أنني فريسة سهلة للشيطان، بينما أنت منزّه عن
كل خطأ؟»

«لأنني رجل»..

«لماذا تظن دائماً أنك صاحب عقل لودعي جبار، بينما قد
خلق الله لي عقلاً خرباً ليس له وظيفة إلا حفظ توازن رأسي فوق
كتفي؟»

«لأنني رجل».

بينما أتابع النقاشات الدائرة على صفحات المواقع الاجتماعية،
بخصوص «معضلة» قيادة المرأة السعودية للسيارة، كنت أسمع
تلك العبارة واضحة جلية في طيات كل الردود المعترضة: «لأنني
رجل»!

هل يأتي علينا يوم نسمح للنساء بأن يتحركوا وفق ما يحلو لهم؟ .. يعلق أحدهم غاضبا. إذا ما المطلوب؟ هل نربط كل امرأة في طرف جبل، لنحرمها من التعلم ومن العمل ومن استخدام عقلها الذي خلقه الله تعالى لها؟! .. يتضامن آخر باللين: «نحن لا نريد أن نثقل على المرأة، بل نريدها أن تظل معرزة ونقوم نحن برعايتها». وهل ينطبق ذلك على إلقاء حملها على سائق أجنبي؟ أليس من الأفضل تركها لتعتمد على نفسها، بدلا من أن تعتمد على رجل غريب؟! ... ينبري آخر معترضا: «كذبت من تقول أنها تريد قيادة السيارة لتقضي حاجات بيتها وأولادها، إنما تريد أن تذهب لمقابلة صديقاتها». فرضنا ياسيدي! وما هي المشكلة؟ أم أنها محكوم عليها بالحبس الانفرادي؟ ألا تقابل أنت أيضا أصدقاءك؟، لماذا تحمل لنفسك إذا ما تحرمه عليها؟.. فيرد أخونا: «لأنني رجل!» وهكذا نعود مرة ثانية لنقطة الصفر.

اتفهم أن لكل مجتمع أعرافه وتقاليده، واتفهم غيرة البعض على ثوابت، ظنوا خطأ أنها دينية، بينما هي مجتمعية وثقافية لا غير. لكن بالله عليكم، كيف أصدق أن كل هؤلاء المعترضين يدافعون عن التقاليد وعن الدين، بينما هم يستخدمون هذا الكرم من اللعنات والسباب والألفاظ البذيئة على صفحات الإنترنت؟.. كيف وأنا أقرأ رميا للمسلمات المحصنات في شرفهن، فقط لأنهن طالبن بما لم يجرمه الله؟.. كيف وأنا أرى وأسمع التحقير المستمر للنساء جميعا؟.. ألم يسمع أحدهم قول الرسول أن المؤمن ليس بطعان ولا بلعان؟.. ألم يقابل أحدهم قوله «استوصوا بالنساء خيرا»؟، أهذا هو الخير؟ أم أن من

ضعفت حجته طال لسانه؟!

لا اعتراض على أن هناك اختلافات بين الرجل والمرأة، من الناحية التشريحية والنفسية. وهناك مبدأ القوامة الذي أقره الله في كتابه الكريم. وهناك العرف والتقاليد التي تؤكد على أن الرجل مسئول والمرأة من رعيته، وكلكم مسئول عن رعيته. ولكن اليس على المسئول أن يوفر سبل الراحة للرعية؟ اليس عليه ماعدتهم وماعدتهن في العيش الكريم بدون منغصات؟ اليس عليه الحفاظ على ودائع الله من الإيذاء بالقول أو الفعل؟ اليس عليه الاستماع لشكواهم وتلبية احتياجاتهم اليومية، طالما لا يخالف ذلك الشرع والقانون؟

في النهاية، كما خاضت المرأة حروباً كثيرة من أجل حقوق أنكرتها المجتمعات المختلفة، كالميراث والتصويت والترشح في الانتخابات وغيرها، متمضي المرأة قدما في تلك المعركة، التي منتهى بالتأكيد لمصلحتها، سواء اليوم أو غدا.. وإن غدا لناظره قريب..

«فإذا المرأة يوماً أرادت أن تقود، فلا بد أن يستجيب القدر».

الخرزة الزرقاء

خرزة زرقاء في سلسلة حول عنقها.. كف أزرق معلق فوق الباب.. سبحة زرقاء عملاقة تحتل أكبر جدار في قاعة الاستقبال. أصبحت أتوقع أن أقابلها يوماً ما، لأجدها وقد تحولت هي شخصياً لشخصية زرقاء خارجة من فيلم «أفاتار»، لتكتمل أيقونات حياتها الزرقاء، حين أقابلها تتمحور كل إجاباتها عن أسئلتني حول الرقم ٥... «تخيلي إمبراح الأسانسير عطل بيا في الدور الخامس»، «أصل محمد عنده باطنية ٥ أيام في الأسبوع»، «الولد بقى مستواه وحش قوي في المدرسة، تخيلي يطلع الخامس على الفصل ٢»، بل أنها حين تحب أن تدندن أو ترفع صوتها بالغناء، فإن أغنيها المفضلة هي «٥ الصبح» لحسين الجاسمي، التي غيرتها من «٦ الصبح ل٥» لزوم الحيطه والحذر، فصدقتني العزيزة هي المثال الواضح للنظرية القائلة (ربنا خلق كل شيء في الدنيا دي إلا الراحة)، فقد وصلت بالضبط لما طمحت إليه في حياتها الشخصية: بيت مستقر، زوج مفاهم، أطفال هم قرة عينها وعين أبيهم، وبينها يبدو كل ذلك مدعاة للفرح والسعادة، إلا أنك يجب أن تعرف أيضاً أنها لم تتزوج أية زيجة ولم تنجب أي أولاد، بل تزوجت من طيب ناجح مشهور ومسيم وسامة

نجوم المسلسلات التركية، وأنجبت أولادا تظنهم صور مقتطعة من مجلة متخصصة في نشر صور أجمل أطفال العالم.

وهنا بدأت المشكلة.. فيها يبدو كل هذا مدعاة للرضا وراحة البال. تحولت حياة صديقتي لصراع دائم ضد قوى خفية تود أن تقضي على مملكتها الصغيرة.. فهذه تريد أن تحسدها، وتلك تريد أن تشاغل زوجها، وهؤلاء لم يرزقهم الله بأطفال قد يفكرون في خطف طفلها الجميلين.. أراها أحيانا في نهاية يومها وقد خارت قواها نتيجة لحربها المستمرة ضد كل طوحين الهراء. وتبدولي المشكلة أحيانا أكثر من مجرد حرص زائد أو خوف من غبطة أو حسد. يبدو لي أحيانا أن المشكلة هي أن صديقتي تعتقد أن الحياة أعطتها أكثر مما تستحق. هذا الشعور الذي ألمه يستقر واثقا داخل عينيها بأنها لا تستحق.. لا زوجها الوسيم، ولا أطفالها المميزين، فقد كانت دائما بتا عادية تحلم أحلاما عادية، لم يكن فيها ما يميزها عن أخريات، أو يمنحها الحق في أن تحصل على أسرة لا ترقى أبدا لأن تكون عضوة فيها؛ أو هكذا كانت تظن، أو بالأحرى هكذا أورثها الجميع هذا الشعور. ربما بدأ الأمر من أول يوم في خطبة زوجها لها.. ربما نظرات المدعوين في ليلة فرحها.. ربما همسات الجيران، ربما أساتذة أولادها في المدرسة حين تساءلون، «حضرتك حقيقي والدة الطفلين دول؟»، فتسبب تلك المواقف في زعزعة ثقتها بنفسها، التي تزعزع بطبيعة الحال استقرار أسرتها، التي تعاني تحت قبضتها التي تثبت بهم وكأنهم معرضين في أية لحظة للضياع. لكنني وإن كنت ألوم عدم ثقتها بنفسها التي سمحت لنظرات وهمسات من حولها أن تؤثر فيها

وتنفس عليها حياتها. لا أستطيع إلا أن أصب الجزء الأكبر من لومي على زوجها. فوظيفة الزوج الرثيبة - في نظري - هي أن يشعر زوجته أنها أميرة متوجة.. ليست أميرة على قلبه فقط، بل أميرة العالم بأكمله. لا ترى أية امرأة صورتها في المرآة إلا عبر عيون من تحب.. لا تكفيها كل مساحيق التجميل في العالم، ولا تنفعها كل عمليات التجميل، إن نظر لها من يحب نظرة لا تشعرها بأنه لا يرى غيرها في هذا العالم.. ولا تؤثر فيها همسات الآخرين ولا نظراتهم المتعجبة إن شعرت أن من تحب يرفعها على عرش قلبه، ولا يمكن لقوة في الكون أن تنزلها من فوق هذا العرش مهما كان. وقتها متوقف عن الخوف الهستيرى والقلق المرضي، ومسترخي قبضتها التي تكاد تخنق أفراد عائلتها، وتودع الذعر من الزمن وتقلب الأقدار والرعب من الحقد والحسد، ولا تشعر بالحاجة للاستعانة برقم ٥ أو بأي خريزة زرقاء.

الطريق إلى بلوتو

أشارت إحصائية تم إجراؤها على شريحة كبيرة من مستخدمي خدمات ال

«internet dating» في أمريكا أن أكبر مخاوف أي ست بتعرف على رجل من خلال الإنترنت، إن الراجل ده يطلق «serial killer»، أما أكبر مخاوف أي راجل، إن الست تطلع تخينة!

وهكذا عزيزاتي، يتأكد لنا بما لا يدع أي مجال للشك، إن مش منطقنا العربية بس اللي رافعة شعار «الراجل ما يعيوش إلا جيبه، أو مجله الجنائي وقدرته على قطع الرقاب يعني».. دي الكرة الأرضية جمعاء.. فكل من تحمل تاء التأنيث على وجه البسيطة عارفة كويس إن فيه ٣ أشياء أساسية بتحكم تقيم المجتمع لأي ست:

١- عمرها

٢- وزنها

٣- فلوس جوزها أو أهلها؟

نمرة واحد واتنين لازم يبقوا أقل ما يمكن، بينما نمرة ثلاثة بترفع قيمة الست كلها ارتفعت. لكن المثير للاهتمام، إن حتى لو

معاكي فلوس كثير أو متجوزة جوازة تحدي عليها، أو شغالة في أعلى منصب ممكن تتولاه امرأة، ده لا يمنع الناس برضه من التريقة على وزنك وعلى عمرك بمتهى الأريحية. فعليل المثال، كل اللي شاغل جرايد التابلويد في هوليوود هو إن المثلة الفلانية تخت، والمثلة العلانية تخت، وجينيفر لاف هيويت بقت أد الدرفيل (جينيفر لاف هيويت مش عجاكم يا كفرة!؟) ما علينا، لكن لو ابتعدنا عن مجال الفن، اللي الشكل الخارجى له دور مهم فيه، مش هنفهم مثلاليه وسائل الإعلام الأجنبية مهتمة قوي بشكل جسم وبالتحديد حجم سمانة رجل هيلاري كليتون وقت ما كانت ناوية ترشح لرئاسة أمريكا! إنه الاهتمام المرضى بوضع الست في إطار جارية للمتعة، حتى لو كانت على بعد خطوتين اثنين من إنها تبقى قائدة العالم الحر زي ما يقولوا. وبينما هنا في عالمنا العربي كان لنا تاريخ طويل من الاحتفاء بزيادة وزن الستات، حيث كانت أي أنثى تعاني من التصاق الفخدين وتفجر حجم المؤخرة هي فتاة أحلام كل شاعر جاهلي، وبينما كان المجتمع متسامح في وقت من الأوقات القريبة مع زيادة وزن الست، حتى أصبحت ليلي علوي بكل ما تشمله من مرتفعات نجمة نجحات الفن في الثمانينات.. لكن زيادة الوزن حاليا بقت من أهم مميزات السخرية من الست، زينا زي العالم المتقدم، اللي ما أخذناش منه غير الحاجات اللي تفرح زي دي، بينما لا يزال كرش الرجل يمثل لنا دليل على العز والنغفة.

بنفس المنطق، يشارك الكل في السخرية في كثير من الأحيان

من تقدم الست في العمر. أكيد سمعتم نكتتين ثلاثين أو ألف حاصة بالفنانة صباح، اللي بتتفز البعض لأنها مش بس لسه عايشة، لا وكان بتتهم بنفسها، ولسه مصره تتدلع، وهو ما يعد في مجتمعاتنا جريمة عظيمة؛ بينما بيحتفي المجتمع بكل راجل مش عايش سنه ويتدلع، زي أحمد رمزي مثلا اللي فضل الشاب الشقي لحد آخر يوم في حياته، لدرجة إنه طلب يندفن في مارينا عشان يبقى محاط بالبنات الحلوين!

قد يبدو الموضوع تافه أو مش مستاهل. لكن تخيل عزيزي الرجل كده حياة تعيش فيها موصوم عشان مهمل في نفسك وبتخن، وموصوم برضه لو مهمت بنفسك مع تقدمك في العمر.. ده غير الكفاح اليومي ضد التحرش والعنصرية والتمييز. الخلاصة، إن الستات على هذا الكوكب حياتهم صعبة كفاية لدرجة المفروض تدفع ناس كثيرة لإنهم يجلوا عنهم شوية، ويسيوهم ياخذوا أنفسهم. والا هيصحا الكل في يوم يلاقينا هاجرنا أبعد كوكب ممكن عن الأرض، وأهو بلوتو رجع تاني للمجموعة الشمسية، وأكيد سكانه من الكائنات الفضائية هيقوا أحسن علينا من سكان هذا الكوكب بكثير!

ألوانك

تولد كل فتاة منا ومعها «كتالوج».. لائحة من الأشياء التي تجيد عملها، والتصرفات التي تميزها كفتاة ومن بعدها كامرأة. لا يعلمها أحد الدلال و«الدلع»، فتراها تمزح مع والديها بدلال محبب، حتى وإن كان عمرها شهورا معدودة. لا يلقنها أحد صفة العذوبة، فتجد ابتسامتها ترياقا للقلوب المكلومة، وصوتها الرقيق باعثا للابتسامة في الوجود. لا يزرع فيها أحد صفة الفيرة، فهي غيورة بطبعها، تُستفز خاصة في وجود صاحبها لتقارن تلقائيا بينهن وبينها، وتعمل جاهدة على أن تظل هي -دون غيرها- الأميرة المتوجة التي تحتل بذرة الضوء وتخطف أنظار الجميع. تخلق حبة لكل جميل، تبذل في سبيل أسيانها البراقة كل جهد ومال، عاشقة للصحبة والونس.. أعطها صديقا وساعة هاتف وقل على الدنيا السلام.

كلها أشياء تأتي في كتالوجها «الجيني». إن اهتم أحدنا بمتابعتها هي وملايين غيرها، لوجد فيهن الكثير والكثير من الصفات المشتركة، التي لا تعلمها مدرسة ولا تربيها أسرة ولا يزرعها مجتمع. إلا أن يد المجتمع لا تمتع كثيرا عن محاول تشكيل حياة كل فتاة كقطعة من الصلصال، ولا تتوانى عن وضع العلامات

الإرشادية لما يجب أن تكونه أو لا تكونه على مر حياتها. يمسك المجتمع بفرشاة عريضة، ويبدأ في إعادة رسم ما يظن أن الطبيعة قد غفلت عنه.. هنا بعض الحواجز.. هناك بعض السدود.. وتلك الألوان المختلفة المتنافرة يجب أن تكون لونا واحدا، فلا مكان في مجتمعاتنا للاختلاف. إن كان للفتاة ميول رياضية، رفع المجتمع حاجبا وأنزل الآخر محذرا إياها بصوت جهير: لا تليق الرياضة بأنوثتك، ما للبنات وتربية العضلات؟.. إن أبدت ميلا لمجال فني، رفع إصبعه محذرا، إياك والفن!، فما الفتاة إلا سمعة، والمجالات الفنية كلها تعج بالذئاب.. إن صدر عن الفتاة رأيا سياسيا وأدلت بدلوها فيما يحدث حولها من أحداث، ارتسم الأسف على وجه المجتمع، أمفا أنها تضع رأسها برأس الرجال، فما دخل الناء بالياسة وهن ناقصات عقل ودين؟ يضعك المجتمع دائما تحت نظارته المعظمة، ومع أي شبهة اختلاف يضع أمامك إشارات تحذير وصفارات إنذار وألغاما تفجر تحت قدميك، حتى تحولي طريقك لتتقي لبقية القطيع. هناك قالب معين يجب أن نتقي له جميعا، حتى يرفع المجتمع لنا يديه بالتصفيق. هناك قالب ما يجب أن يسع كل منا، فروع معينة من التعليم تناسب «طبيعتنا»، مجالات معينة في العمل تناسب «أنوثتنا».. حتى فيما يتعلق بهواياتنا في أوقات الفراغ، هناك من الهوايات ما يصطبغ باللون الوردي فينا، وهناك ما لا يناسبنا حتى وإن كان في داخلنا ميلا له. حتى وإن تميزنا فيه، يجاهد المجتمع دائما لأن يصبغنا بلون واحد، بينما سر جمال البشرية هو تعدد ألوانها.

إن فقدت ألوانك، فقدت شخصيتك، وهرت كأي قطعة
أثاث يجردها الجميع وفق ما يجلو لهم، ولا رأي لها ولا حيلة
ولا اختيار. دافعي عن اختيارك وتميزك، واملكي حق اختيار
ألوانك؛ فلكل من ألونها المفضل، وفي ظله تستحق كل من أن
نعيش الحياة.

أنا حرة

هناك مشكلة عويصة ذات جذور تاريخية متشابكة، تتعلق بتلك الجملة التي تراها ٩٩٪ من الشعوب التي تعيش في منطقتنا العربية المباركة - جملة مستغزاة، ولا تدل إلا على قلة حياء قائلتها. حتى شاشات السينما، عبرت جيدا عن صدمة رجالها حين تفوه نساؤها بتلك العبارة المحظورة. سمعها يوسف وهبي من مديحة يسري، فارتسمت ملامح الامتعاض عميقة على وجهه، متجاوزة جلد الوجه ولحمه لتتقر عميقا فوق العظام. بعدها بسنوات، قالتها نعيمة عاكف أمام رشدي أباطه، ففرت خصلة من شعره المصفف بالبريانتين من مكانها جنونا، وانطلق ليكسر أنف وفك أحد الأوغاد. تمر سنوات أخرى، وتقولها شادية لكمال الشناوي، فلا يفعل شيئا سوى أن يتسم ابتسامه الأيقونية الساخرة، لأنه يعلم جيدا أن لا أمل لها في الفكاك من قيود المجتمع أو من ذئاب الوسيمة التي يفخر بأنه واحد منها. بعدها تغير الوضع قليلا، إذ كان حين فهمي سعيدا للغاية بزوزو، عندما أخبرته سعاد حسني أنها حرة وتعشق حريتها. لكن الأمر عاد مرة أخرى الآن، ليشكل مشكلة عويصة حين تتجرأ إحداهن على قول عبارة «أنا حرة»، يتبعها في بعض

اليوت صفقة على وجه من قالتها، إذ يتعلق الأمر في الغالب
بنقاش أسري حاد، يتبعها في بيوت أخرى محاضرة طويلة عن
كيفية تنافي تلك الجملة مع أخلاقيات الفتاة المهذبة، يتبعها في
باقي البيوت شعور خفي بالفزع، لأن الفتاة بدأت تخرج عن
«طوع» الأسرة وقيودها!

هناك شعور دائم ينتشر في تلك المنطقة من العالم، أن النساء
كالخيول الهائجة، تحتاج لسرج ولجام، وإلا انطلقت على غير
هدى لتفقد طريقها في دروب الحياة.. لا بد لها من قائد، حاكم،
مروض، إذ أنها في انتظار لحظة يغفل فيها الجميع، حتى تنطلق
«على حل شعرها». يتجاهل الجميع أن الله سبحانه وتعالى
قد وضع عقلا وقلبا في تلك المخلوقة، التي يعتبرها البعض
«فضيحة» في انتظار فرصة مناسبة. يتجاهلون أيضا أن لها حاجها
يوم القيامة، وإن كان الغرض من وجودها هو أن تأتمر بأمر من
حولها فقط، فعلى ماذا تحاسب إذا؟ إن لم يكن لها كيان مستقل،
وكانت مجرد ملحق لكيان آخر، فلم خلق الله لها مشاعر؟ ما
الفائدة التي ترجى من أن يخلق لها ضميرا؟، وإن ظل البعض
مصرا على معاملتها كتابع، وليس كشخص مستقل، فماذا
تتظرون منها حين تغفلون عنها، إلا بولد الضغط الانفجار؟.

ألا يتحول شخص ما إلى شخص عديم المسؤولية أهوج،
إن أنت قضيت عمرك تزرع في رأسه أنه كذلك؟ لقد أتاحت
الدول الغربية لنسائها منذ عقود أن يتصرفن ويحيين كشخصيات
مستقلة، وكانت النتيجة أن نساءهن لم يسنن التصرف عن رجالهن.
ارتكبن نفس الأخطاء، ومررن بنفس التجارب. إذا فالمرأة

ليست لديها قابلية خاصة للوقوع في الخطأ. لا تتحين الفرص لتسقط في الرحل. فقط نحن من نظن أنها حين تطلب أن تكون «حررة»، فهي في الحقيقة لا تطلب إلا التسيب والانحلال. ثق في ابتك، طالما أنت واثق من تربيتهك لها.. ثق في زوجتك، طالما أنت واثق من عقليتها. وأنت يا عزيزتي، ثق بنفسك وتذكرى دائما أنك محاسبة مثلك مثله. لا تدعي القيد هو ما يجبرك على اختيار الطريق الصحيح. كونى «حررة»، ودعي عقلك وقلبك وضميرك يقودونك إلى الصواب .

جنس لطيف

هناك سر ما وراء تسمية النساء بـ«الجنس اللطيف». البحث عن سر هذه التسمية ليس بالأمر السهل، فقد حار فيها كثيرون، وضمحل في البحث عن أصولها آخرون، وتساءل الباقيون عن العبقرى مخترع هذه التسمية، التي أطلقها ليستعملها العالم بشكل نظري، بينما يرى الكل بعيونهم كل يوم أن النساء في الحقيقة جنس يعترز بالنكد اعتزازه بنور عينيه.

لكن إذا عرف السبب بطل العجب. فالمرأة كائن لطيف، يشبه سعاد جنني، حتى تضغط على زر باب مخزن النكد. عندها لن يكون أمامك مفر من مقابلة نسختها المعدلة من نكد أمينة رزق. عندها تنطلق في وجهك الرياح والأعاصير، لتقتلع جذور السعادة من حياتك حتى تمر العاصفة. فمن الأولى أن تتوخى الحذر، وتتعلم الأسرار، حتى لا تقع في المحذور. فالمرأة كائن حساس، صدق رسول الله حين قال للرجال عنها وعن أخواتها «رفقا بالقوارير». أية كلمة توجهها إليها دون أن تلقى إليها بالا، تترك أثرا عميقا في نفسها، حتى وإن اعتذرت عنها لاحقا.. حتى وإن ظنت أن كلمتك الطيبة محت أثر كلمتك القاسية السابقة؛ فتذكر، هل يختفي أثر المسار إن دققت في لوح خشب، حتى وإن خلعت المسار من مكانه لاحقا؟

الذاكرة القوية، أو كما نسميها بالتعبير الدارج «القلب الأسود» من أهم خواص الجنس «اللطيف»، فاحذر كلماتك التي تشبه المامير، فأنت من ستدفع ثمن دقها لاحقاً. هل تعلم أنك إن علقته يوماً على وزنها الزائد، لظلت سنوات طويلة تحاول جاهدة مع أدوية التخسيس وتمارين التعريف، حتى يصيبها الاكتئاب لأنك أفقدتها الثقة بنفسها؛ أما إن سمعتك تعلق يوماً على ملامح من ملامح وجهها، فتأكد أنها ستفق كل ما يقع في يدها (وكل ما في جيبيك) من مال لشراء مستحضرات تجميل لعلها ترضيك وترضي بقية الناس؟.. أما إن قارنتها بغيرها، فتفتح على نفسك باباً لن يفلق إلى الأبد، وحتى نهاية حياتكها سوياً، (إن لم تنه حياتك أنت أولاً، وهو الأرجح، بعد أن يصيبك مرض «التسمم بفعل جرعة نكد مركزة»)، وفي كل الحالات فإن سببت لها بملاحظاتك تلك أي قدر من التعاسة، لعاد أثره عليك أضعافاً مضاعفة، ووقتها تساءل عن المغفل الذي أطلق على هذا الجنس نعت «اللطيف».

لكن تخيل معي هذا السيناريو بالعكس. تخيل كل كلمة طيبة ستذكرها لك، كل لفظة رقيقة ستحتفظ بها بداخلها لتردها إليك أياماً من السعادة لاحقاً.. كل نظرة حب تشعرها بها أنها ملكة متوجة، فترفعك بيها ملكاً متربعاً على عرش قلبها. تذكر كل هذا، وتعلم أن المرأة كائن يتمي لجنس حقاً «لطيف» وأن مفاتيح هذا الكنز من اللطف والحب والسعادة في يدك وحدك، فأحسن استخدام المفاتيح.

ماجبي

لم تكن على قدر كبير من الجمال.. بشرتها الشاحبة، وشعرها الأحمر، وأسنانها الكبيرة البارزة لم تكن مؤهلة لها لتكون من فئات المدينة الصغيرة التي تقطنها. لكن كل ذلك لم يكن يهمها، فطموحها يتعدى كثيرا طموح قريناتها؛ فلا هي تحلم بالفارس الأبيض، ولا تلقي بالا للفتان الأبيض، فقط اهتمت ألا تكون صفحة أعمالها في الحياة بضاء.

كانت ابنة صاحب محل بقالة متواضع. لكن بساطة أصلها لم تشيها أبدا عن أن تعلق بأحلامها فوق الجميع. ولم تكن أحلامها تقتصر فقط على أن «تكون شخصا مهما»؛ بل أولوياتها كانت أن «تقوم بشيء مهم». لهذا، حين ترشحت للبرلمان في سن ٢٤ عاما، وعلى الرغم من خسارتها للانتخابات، لم تراجع «ماجبي» عن المضي قدما، والسعي مرة أخرى خلف طموحاتها. حتى حين تقدم لخطبتها رجل أعمال ثري شاب، أخبرته بكل وضوح أنها لن تكون أبدا من أولئك النساء اللاتي يخفن في المطبخ لتحضير العشاء، بينما يتناقش أزواجهن مع أصدقائهم في الأمور السياسية. لن تكون أبدا من أولئك اللاتي يلتزم الصمت والهدوء، دون أن يبدن رأيا فيها يدور حولهن. لن تواجه أبدا قرارا يستحق أن يتخذ أو عملا تستطيع القيام به دون أن تخوض فيه. لن تراجع أبدا لأنها امرأة، وستثبت للجميع أنها يمكنها أن تكون أنجح وأقوى من كثير وكثير من الرجال؛ وقد كان.

في حفل الأوسكار الأخير، وبينما تتسلم «ميريل ستريب» جائزة أحسن ممثلة عن دورها في فيلم «المرأة الحديدية» الذي جسدت فيه دور رئيسة الوزراء السابقة «مارجريت ثاتشر»، كانت فرصة للجميع ليتذكروا «مارجريت» (أو «ماجبي» كما كانوا يدعونها تديلا واختصارا)، والكثيرات من أمثالها. ربما لم يكن في مثل قوتها ولا شهرتها، لكنهن امتلكن طموحها وقدرتها على الموازنة بين جوانب عدة للحياة. فكما كانت رئيسة وزراء صلبة، كانت أيضا زوجة محبة، وأما لم تهمل أبناءها، أو تتخلي عن فكرة إنجابهم حتى تفرغ لطموحها العملي.

«ميريل ستريب» أيضا واحدة من أولئك النساء. فهي زوجة وأم، وحائزة على ١٧ ترشيح لجائزة الأوسكار، وحازت بالفعل على الجائزة ٣ مرات، لتثبت لنا «ماجبي» و«ميريل»، أن نجاح المرأة في عملها لا يعني أبدا بالضرورة الفشل في حياتها الأسرية، كما حاول أن يقنعنا الكثيرون والكثيرون في مجتمعاتنا العربية، وللأسف استطاعوا بالفعل أن يقنعونا بهذا الأمر، حتى صرنا نرده دون تفكير كاليغاوات، مع أن الأمثلة العملية تطالعنا كل يوم بالعكس.

أما أن لنا أن نتخلى عن أفكار بائدة تسبب في خسران مجتمعاتنا لنصف قوتها؟ أما أن لنا أن نرى الكثيرات من أشباه «ماجبي» في أماكن صنع القرار، التي لطالما رفعت لافتة «للذكور فقط»؟ هل تثق ناؤنا بأنفسهن، وهل يسمح رجالنا هن بأن يحررن قدراتهن من قيودها؟ هل يأتي يوم لنرى رئيس وزراء يدعى «فاطمة»، أو رئيس جمهورية يدعى «عائشة»، دون أن يكون ذلك جزءا من نكتة نتداولها لنضحك عليها عاليا ونحن نساء؟ له؟، فافكرة نفسها مارجريت تاتشر دي والا إيه؟ ١١٩.

أروح فين؟

«أنا مش بتاع فترات انتقالية، أنا بتاع استقرار يا جميل.
عايزين نعتمد على تقنا ونبي يتا زنجة زنجة. جمالك زي
الرصاص المطاطي، ضيعلي عينيا. الجميل من هنا، والامرترقة؟»
تطابرت التعليقات حولنا ونحن نسير في شوارع مصر
القديمة. كانت تبسم للمعلقين في أول الأمر، في سعادة تحولت
بعد قليل إلى قلق، ووصلت في النهاية إلى فزع. كانت «مكلبشة»
في ذراعي كالطفل الضال، وأنا بين نارين، أتظاهر بأنني أحياها،
لكنني في حاجة لمن يحميني أنا الأخرى.

«هم يعملوا كده ليه؟»

سألتي صديقتي الإيطالية بإنجليزيتها المتكررة..

«يرحبوا بيكي»

جاويتها باقتضاب وأنا أجذبها من رصيف إلى آخر، لتبعد
عن مجموعة من الرجال، ونقترب من مجموعة أخرى، يمد
لها أحدهم يده، فتمد يدها هي الأخرى، فأجذبها بعنف إلى
متصف الشارع..

«إنتي اتجنتي؟!»

«مش إنتي قولتي بيرحوا بيانا؟»

«وهي أي حاجة أقولها لك تصدفيها، إيه الخية دي؟»

«هو ده التحرش الجنسي اللي بيقلوا عليه؟»

أنفض في فزع المحافظ على سمعة البلد من شائعات الغزاة
الشقر المغرضين..

«تحرش جنسي إيه حرام عليك، جد فيهم مد إيده؟، دول
مجرد بيهزروا»

«أيوة بس إحنا مش عارفين نمشي في الشارع. إنتي شدتيني
من رصيف لرصيف. دلوقتي إحنا ماشين في نص الشارع
وقدامنا مجموعة جديدة من الرجالة المتحفظين، هنروح فين
بقي؟»

نظرت للرصيف إلى اليمين ومن يقفون عليه، ثم إلى الرصيف
إلى اليسار ومن يقفون عليه، ثم انتقل بصري لتلك المجموعة
التي تقف في منتصف الشارع على بعد خطوات منا، ثم ارتفع
بصري تلقائيا للأعلى بحثا عن مكان بديل، ثم غلب هماري،
فالتفت لها في غضب:

«هتصرف، الجيش يقول اتصرف»

وبينما قد لا تتكرر تلك الأحداث يوميا، فظرف خروجي
مع سائحة شقاء الشعر زرقاء العينين هو ظرف استثنائي
لا يتكرر كثيرا، إلا أنني كثيرا ما أسأل نفسي هذا السؤال
بشكل شبه يومي «أروح فين بقي؟». نعلنا مجتمعاتنا العربية

ان الإجابة على هذا السؤال هي مسئولية المرأة. هي من يقع عليها عائل البحث عن الأمان أثناء سيرها في الشارع. لا يُدعى الرجل أبدا لتحمل مسئولية احترام وجودها في الشارع، وتوفير الأمان لها، رغم أن ذلك ربما يقع تحت بند القوامة. يتسهل المجتمع مطالبتها (هي) بالاختفاء داخل منزلها وعدم النزول للشارع، بدلا من مطالبتة (هو) باحترام وجودها، أو بالأحرى احترام نفسه واحترام أخلاقيات مجتمعية ودينية، من المفترض أن يكون راعيها لا متهاكها.

تتهي جولتي مع صديقتي الإيطالية، بعد أن أفتتها أن ما واجهناه أثناء سيرنا في الشارع إنما هو مجرد ترحيب من الجميع بوجودها، واحتفالية نحتفلها أحيانا بضيوفنا، وهو شيء لا يتكرر أبدا في حياتنا اليومية العادية. ابتمت ابتمة متفهمة - أو هكذا ظنت - واتجهت إلى فندقها لتستعد للرحيل، والتفت أنا بعد توديعها للشارع، لأحدد لكمادتي - خطة المشي بين المرحبين بوجودي في الشارع، وفي داخلي سؤال يتردد «أروح فين بقى؟».

-

المرأة المصرية التايهة

في مجتمعنا الحائر بين المحافظة والتحضر، بين رغبتنا في التمسك بتقاليدنا وأحلامنا في اللحاق بقطار المستقبل، تقف المرأة دائما في قلب الصراع. يقولوا لما تحب تفهم طبيعة مجتمع ما، ركز مع المرأة.. ملابسها ممكن تكون مقياس، تصرفاتها في الأماكن العامة أكيد مقياس، نظرة المجتمع ليها مقياس أهم وأهم.

شوف ملابس المرأة الأمريكية مثلا، هتعرف إن البلد اللي بتتمي لها بلد عملي. شوفها وهي بتاكل سندويش هامتورجر على قطنتين، تعرف إن الثقافة اللي بتتمي ليها ثقافة استهلاكية. شوف التجامل التام بين المرأة والرجل في الأماكن العامة تعرف إن المساواة التامة بين الأفراد في المجتمع بتاعها على بعد خطوة أو خطوتين.

ركز مع ملابس المرأة الفرنسية، هتعرف إنها بتتمي لبلد يقدس الجمال. شوف الطريقة اللي بتاكل بيها أكلها تفهم إن الرقي صفة سايدة في ثقافتها، حتى في التفاصيل الصغيرة. شوف الابتسامات المتبادلة بينها وبين الرجل تحس إنه مجتمع فاتح ذراعيه للحب.

خش على المرأة المصرية بقى، المثال الحي للتوهان واللخفنة.
المرأة المصرية بتليس من فوق زي الخليجيات، ومن تحت
زي اللبنانيات.. بتكلم وقت الروقان زي السوريات، ووقت
العصية ربا ما يوريك، بتقلب زي العساكر الألمان. وبتاكل
زي الإيطاليات، وبتكسر أطباق زي اليونانيات لما بيرقصوا. المرأة
المصرية اللي طول ما هي بنت يقولوا لها عيب تكلمي أولاد،
وأول ما تكبر يقولوا عليها خايبة عشان ما عرفتش توقع عريس.
اللي طول ما هي في الجامعة يقولوها زميلك ذتب بشري، وأول
ما تتخرج يقولوا لها: ما كان كويس، ما كتي شنكليه. اللي
الناس والمجتمع وقناة الناس وعمرو خالد يقولوها اتعجبي،
وأصحابها والأفلام وأسامة منير يقولوها لازم تكوني دلوعة
ومغربة.

المرأة المصرية، اللي قالوها خليكي محترمة، فاحتشمت
اتعاكست، اتعجبت اتحرشوا بيها، اتقبت أغتصبت، فاكشفت
إنهم قالوها تحترم نفسها، ونسيوا يقولوها لنفسهم. المرأة
المصرية اللي يقولوها شيلي مسئولية نفسك وولادك وجوزك
وأبوكي وأمك لما يكبروا، وبعدين يألوها إنتي ليه مش
رقيقة، ليه مش بتدلعي؟!.. المرأة المصرية اللي مش عارفة هم
عايزين إيه منها بالظبط، وليه أصلا لازم تعمل اللي عايزينه،
وليه يعايروها لو ما عملتش اللي عايزينه، رغم إنهم عارفين
ومتأكدين إنهم مش هتعرف تعمله!

المرأة المصرية تايمة يا ولاد الحلال، حد ياخذ بإيدها ويدها،
أو ياريت تحلوا عن دماغها وهي هتوصل لوحدها.

حكاية كل يوم

في يوم من الأيام

* باقولك إيه؟، ما تسيبي الشغل ده!، إنتي يعني غاوية بهدلة؟

* بس انا خايفة أزهدق يا حبيبي

حد يزهدق مع جوزة حبيبه؟، طالما هيقي عندنا وقت براحتنا هتبقى

* حياتنا كلها خروج وفتح

يوم آخر:

* خرجني

* مش فاضي

* خرجني

* أنا راجع من الشغل تعبان

* خرجني

يا حبيبي احنا في وسط الأسبوع، هاخرجك يوم الجمعة ان شاء الله

*

يوم الجمعة :

* تخرجني

يعني يوم الأجازة الوحيد في الأسبوع مش من حقي أرتاح فيه ؟
* خروج إيه اللي يتخرج يوم الجمعة ده كمان؟

يوم آخر

شفت يا حبيبي الملسل التركي ده؟. فظييع، هو وهي بيحبوا بعض
* والظروف كلها ضدهم، طول النهار و

أنا باعيط جنبهم، اللي حصل بقى يا سيدي

تركي إيه وسوري إيه؟، هو ده اللي انتي فالحة فيه أصلا، القاعدة
* طول النهار قدام التليفزيون، يا بتي

اخرجي شوفي الدنيا بره فيها إيه

* ما انت مش بترضى تخرجني

* ما تخرجي لوحدهك هو انتي صغيرة؟

* رايحة فين؟

* خارجة

* لوحدهك؟ لا طبعاً، إنتي ناسبة إنك متجوزة راجل والا إيه؟

* إنت مش قلتلي اخرج وأشوف الدنيا؟

* يا ستي اقصد معنويا، ممكن تخرجي وانتي في مكانك على فكرة

* !!إزاي بعني؟

* !إقري كتاب

* حبيتي الأكل جاهز؟

* لسه يا بيبي معلى أصل كنت باقرا كتاب حلو

كتاب إيه وزفت إيه؟، ده استهتار، يعني الكتاب أهم والاحلة

* المحشي اللي ع النار؟

!!! *

....

* مال شكلك زهقان كده؟

من يوم ما بطلت قراية وفرجة ع التليفزيون مش لاقية حاجة أعملها

*

* ما تجربي تتصاحبي على حد من الجيران؟

ياقولك إيه؟، أنا مش باحب موضوع الاختلاط بالجيران ده، طالما

كل شوية هتقعدني تقولي لي دي قالت ودي * عملت، مافيش دماغ

للكلام ده، ما تكلميش حد من الجيران تاني، ويا جذالو تحافظي على

هدوء البيت شوية، بيجيلي صداع

* حيتي أنا جيت

* ...

* أنا جيت مش هنردي عليا؟

* ..

مش معقول كده على فكرة، المفروض إني متجوز واحدة ست مش
* حيطه

ع القهوة

زهقت منها يا وليد، طول النهار قاعده زي الصنم كده وما
بتعملش حاجة *

يا عم هم الستات كلهم كده، في الأول يبقى لطاف وبعد
كده بيقتوا مملين ممل السنين، أقولك، إتجوز عليها *

لا يا أخي لا ما يصحش *

* ...

بس تعلق ... فاكهة برضه *

عزيزتي الزوجة المخلصة، كوني نفسك، فليس كل ما يطلبه
الرجل حقا يريد!

فيلم والا علم؟

إحنا البنات، حياتنا في الدول العربية دايمًا ضيقة. حتى مع تطور العصر وسرعة الزمن، حياتنا اللي المفروض تكون متطورة ومفتوحة علي العالم، بنحاول نكوّن شوية خبرات في الحياة، بس الموضوع ده في أحيان كثيرة يبقى صعب، خاصة مع رأي المجتمع المعروف في البنت «الخبرة»، حتى لو كانت الخبرة دي بتنحصر في مجرد معرفة الناس ومحاولة فهمهم.

في العادة، وخاصة في البلدان المحافظة، بنتقى خبراتنا بالحياة من ٣ مصادر: حكايات الستات والبنات التانيين، ودي غالبًا بتبقى مليانة نكد ومش محايدة. والمصدر الثاني بيكون من بريد الجرايد والتطور بتاعه في جروبات المشاكل على الإنترنت، والتي هي برضه بتسود الدنيا في عينيكي. والمصدر الثالث هو الأفلام، اللي هي في الغالب علي العكس تمامًا بتقدم الصورة الرومانسية الوردية كما يجب أن تكون.

كثير منا بيهربوا من الواقع ومشاكلة للأفلام، وبيينوا تصوراتهم للمستقبل عليها، وهو السبب الأكبر لبوظان مفاهيم كثير في حياتنا. منها مثلاً كيفية مقابلة فارس الأحلام.. في الأفلام العربي الرومانسية، في طرق محددة بتقابلي بيها فارس أحلامك، كلها خيالية وكلها ما بتفعلش. وعلى الرغم من كده، له فيه بنات كثير يؤمنوا بيها ويفكروا أحيانًا يجربوها.

خدي عندك مثلاً، كل الأفلام اللي بتدور عن طلبة الجامعة
بيبقى فيها بنت بتطلع السلام وفي أيديها كتب، بتقع الكتب،
فيتطوع الشاب الوسيم إنه يلهم معاهما، ويرفع عينه فترفع
عينها، يصلها تبصله، تحصل الشرارة وتبدأ قصة الحب. مش
صحيح.. أولاً ما فيش حد بيثيل كتب دلوقتي، الكل بيثيل
فلاشات مليانة بي دي إف. فرضنا إنك أولد ستايل وشايلة كب،
هتقع منك ما حدش هيعبرك، هتقفي تلميهم وانتي مذلولة،
ومش بعيد ساعتها عيل رذل يمد رجليه يكعبلك فتاخدي
السلام كر وتموتي متكورة. نصيحة لو بتفكري تجربي الحيلة دي
في جامعتك بلاش.

اللقطة الثانية، إنتي تبقى ماشية في حالك في الشارع، وهو
راكب عربيته الحمراء المرسيدس الكويه، يمد إيدته بغير اللي دي
اللي في الكاسيت ما بياخدش باله منك وانتي بتعدي قدامه غير
في اللحظة الأخيرة، يضرب الفرامل بقوة وانتي بتلغتي تبصيله،
والهوا في اللحظة دي يبقى يلعب في شعرك فيصلك مدهول مع
خلفية موسيقية بتقول «أما النسيم يعدي بين شعرك حيي
باسمعه يقول أهات». العربية بتقف قبل ما تلمسك وينزل
يتظمن عليك، وبتبقى دي بداية قصة الحب بين البنت الفقيرة
والشاب الغني الوسيم. إنسي، أولاً الهوا في الحقيقة مش حنين
كده زي هوا الأفلام، في الغالب هينعكشك شعرك وهتقفي
شبه ميدوزا بتاعة الأساطير اليونانية اللي كانت تبص للراجل
من دول يتحول قالب طوب أحمرلاً. أما عن الحادثة، فإنسي
برضه، غالباً هيخطك ولو ما خطكيش هينزل يجرك من
شعرك ويسحلك في الشارع عشان اتجراتي وفكرتي تلوثي بدمك

عربيته الجديدة، أما عن قصة البنت الفقيرة والولد الغني، وأملك في إنه هيعملك فاتن حمامة في سيدة القصر، فانسبي، كان فيه وخلص، دلوقتي أي ولد غني بيحترم نفسه ناوي يتجوز بنت شريك أبوه، ويحطوا فلوسهم على فلوس بعض عشان يوسعوا شركات أهاليهم. إنتي بقى ممكن تبقي تاخدي كورسات إنجليزي وكمبيوتر وإن شاء الله ربنا يكرمك وتشتغلي في البورصة، غير كده ما تنتظرينش فرص رومانية مختلطة بفرص للفتى السريع.

أما عن ابن الجيران فهو للأسف مش دايمًا شاب وسيم، غالبًا ده بيقي راجل في الخمسينات واقف طول النهار في البلكونة بالفانلة اليضا أم حالات

زميلك في الشغل ييفطر كل يوم طعمية وأمه أحيانًا بتعمل له سندوتشات مسقعة.. مافيش أي قصة حب ممكن تبدأ في مكان فيه ريحة مسقعة.

أصحاب أخوكي كلهم صبع وفاقدين، وانتي عارفة، ولاد أعمامك كلهم مادين وجلدة، مش أنا اللي هاقولك.

يعني من الآخر عزيزي المؤمنة بالأفلام اللي في انتظار مقابلة شريك حياتها عن طريق طريقة من المحفوظين غيبًا وعن ظهر قلب دول، ما تحاوليش. نصيبك هصيبك وربنا راسم لك فيلم ثاني خالص، هتكوني فيه إنتي البطلة، فسلمي أمورك لله وإنسي كل هذه الكليشيات.. وربنا يرزقك ابن الحلال اللي يستاهلك يا بنت حوا وأدم.

دليل التعامل مع العربية المعاصرة

أجلس أنا وصديقتي في منزلها، نتجاذب أطراف الحديث،
فيتطرق الحديث للأخبار الأخيرة من حوادث الحجاج، فتدلي
صديقتي برأيها الخبير: «دول اتحسدوا»، الناس اللي ما راحتش
الحج يا بتي أكيد قعدوا يحسدوا فيهم لحد ما جرافهم كل ده»
ما ناقشتهاش كثير، لأنني عارفة إن صديقتي وأفكارها بيعتبروا
(تريند) قوي جدا في عالم النساء العربيات اليومين دول. فبرغم
التعليم والشهادات الجامعية، تنحصر أسباب الظواهر الطبيعية
والغير طبيعية في عرف كثير من السيدات العربيات المعاصرات
وخاصة المتزوجات منهن في ٣ أسباب: «سحر، حقد، أو حسد».
فيه إحساس ما عند السات اللي عايشين في منطقتنا العامرة
بالخيرات إن العالم كله يتآمر عليهم، أفراد ومجموعات.. زي ما
هي مؤمنة ان الشيعة يتآمروا عالسنة، أمريكا بتآمر عالعرب،
العالم بيتآمر عالمسلمين، هي كمان مؤمنة إن البنات اللي فاتهم
قطار الزواج والسات اللي اتطلقوا أو اترملوا أو لحقوا قطار
الزواج لكن دون إنجاب يتآمروا على أي واحدة منهم متزوجة
ومخلفة!

الظاهرة دي خلتنى وخلت غيري كثير ناخذ بالنا جدا من تصرفاتنا في أي تجمع نسائي متعدد لتفسير كل تصرفاتنا المريية ووضعها في إطار التفسيرات الثلاثة، لأن أي من تصرفاتنا اللي قد تكون طبيعية بالنسبة لنا، لكنها بالنسبة لهم تعتبر أدلة على سوء نيتنا وتأمرونا ضدهم.

وخلتنى أجمع وأحط اقتراحاتي للتعامل مع المعاصرات المتميات للتريند ده، وتمت عنوان:

دليل تعامل الأنسات/ المطلقات/ الأراامل/ المتزوجات دون أولاد مع زوجة وأم عربية معاصرة:

١- ما تكشريتش، أيا كان اللي يحصل في حياتك، لأن تفسيرها لتكشيرتك هيكون كالتالي:

- كانت قاعدة معايا وضاربه بوز قد كده، طب ياستي حتى داري النفسنة دي كلها والحسد، هو أنا السبب مثلا في إنك ما اتجوزتيش لحد دلوقت؟، مش كده!

٢- ما تضحكيش كثير، أيا كان سبب ضحكك، عشان تفسيرها لضحكك هيكون كالتالي:

- قاعدة عمالة تضحك تضحك بشكل مبالغ فيه كده، بتداري نفستها وحدها!

٣- ما تباركيلهاش على أي حاجة، هتلاقيها بتلفت حواليتها بذعر وبتكلم عن الخمس آلاف جنيه ممن الأنتريه الجديد والخمس شيفتات اللي جوزها ياخذهم في شغل. المهم هتلاقي

وخوات كثير بتلددق من بزها وقت ما بتتكلم وتأكدي إنها في
فترات الصمت بتقرا قل أعوذ برب الفلق ٥ مرات!

٤- لو زعلانة من أي حاجة، مبيها مع نفسها، عشان هتقولي
لها معلش هتقول عليك بتمثلي وفرحانة فيها من جواكي، هي
أصلا مؤمنة إن حسدك أو حقدك هو السبب في النكد اللي هي
فيه، فابعدي في هدوء واسكتي

٥- ما تسألهاش عن حاجة، هتكذب!

- هو انتي حامل؟، لأ ده انتفاخا

- أنا شوفتك خارجة مع جوزك فرحانين امبارح، أبدا اذا
احنا امبارح متخانقين ا

٦- أي انتقاد منك لتصرفات عيالها هر نفنة وواضحة
وضوح الشمس، فتعاملي مع عيالها ككائنات شفافة إنتي أصلا
مش شايفاهم عشان تريحها وترتاحي، عيل واقف على سور
البلكونة، عيلة بتلعب بالكبريت جنب الستارة، ولادها وهي
حرة فيهم، عشان لو أي حد فيهم خبط صباعه في أي تراييزة
بعد كده هتؤمن فورا إن انتي السبب ا

احذري دايمًا عزيزتي اللي مش واخدة بالك ومش منضمة
للتريند ده، إنتي دايمًا تحت المراقبة، وما تحاوليش تدخلي مع
صديقتك اللي من النوعية دي في أي مناقشات عشان هي عندها
إجابة واحدة لكل مشاكل الحياة:

أزمة اللاجئين السوريين حد، سقوط رافعة الحرم عمل،

حادثة التدافع سحر من الإيرانيين والشيعة، ودرجة الحرارة
العالية في شهر أغسطس غضب من ربنا!

أقعدني إسمعي بهدوء وارسمي على وشك ابتسامة واسعة
وهزي رأسك في إيجاب متفهمة وكفى الله المؤمنين شر القتال!

الحكومة

في أعرافنا العربية وتقاليدنا الشرقية، فيه العديد من العديد من القواعد غير المنطقية واللاعقلانية والمحرجة والبايخة. ومن أشهر هذه القواعد إنك ما تقولش أبدا اسم أيا من نساء عائلتك أمام أصدقائك أو معارفك أو حتى الأستاذ جورج فرداحي، ولو كان ده هو سؤال المليون. التقليد ده مزيج من الذكورية والسلطوية، واحتقار المرأة، وقلّة العقل المتوفرة بكثرة في عالمنا العربي الجميل. لكن لأن قواعد زي دي بقاها ماثبات السنين، مش سهل تتغير بين يوم وليلة، ففي الغالب مش هتلاقى أذان صاغية للدعوة لتغيرها. بس خلينا على الأقل نرصدها..

الرجل الشرقي صحيح ما يبجش يتخدم اسم مراته، لكنه ما يببهاش ما تتبهاش كده. بيحاول جاهدا يلاقيها مسمى يعبر بشكل ما عن مكانتها عنده ومدى قربها إليه. تتشوع المسميات بقى، فيكون نصيب أمك أن تسميها بال«حاجة»، حتى لو رجليها ما عبتش أرض الحجاز. ويكون نصيب أختك تسميتها بـ«أختي»، وهي حاجة بديهية وما تزعلش حد. لكن غالباً المتزوجتك يكون ليها نصيب الأسد من المسميات، اللي يتجلى فيها الحس الإبداعي بتاع زوجها.

لو راجعت أسامي زوجات أصحابك على تليفوناتهم المحمولة، ستقابل بكم غير محدود من الأسامي والألقاب. الحس الإبداعي التقليدي يدفع البعض إنهم يطلقوا على زوجاتهم أسامي تقليدية زي: «البيت»، «الجماعة».. أما أبناء جيل الثمانينات فهتلاقيهم يميلون ناحية الأسامي اللي بتمثل تراثهم الثقافي زي، «مازنجر»، «جريندايزر». البعض الآخر بتلاقيه فخور بلغته العربية وقدرتها على التعبير على مكونات صدره ومشاعره المكبوتة، فهتلاقيه يسميها أسامي زي «بركان الغضب»، «الزلازل المدمر»، «المتقم الجبار».. والبعض الآخر الفخور بقيمة الدينية هتلاقيه يسميها أسامي زي «سلام قولا من رب رحيم»، «يمهل ولا يمهمل»، «وعسى أن تكرهوا شيئا»، «واستعينوا بالصبر والصلاة»، وأخيرا «حبنا الله ونعم الوكيل».

«حبنا الله ونعم الوكيل» يتصل بك.. آه بتحصل والله.

أما الناس اللي ليها وعي سياسي على اختلاف درجاته، فيسموا زوجاتهم باسم «الحكومة»، ولا يمكن في يوم من الأيام يخطر في بالهم يقفوا في نص البيت ويصرخوا «من النهارده ما فيش حكومة، أنا الحكومة». ما بيحصلش ومش هيجصل، وما حدش منهم يتمنى انه يجصل، بالتحديد لأن أوجه التشابه بين زوجتك والحكومة مش قليلة. يعني صحيح ممكن تتخيل إن الحكومة بتعمل دايمًا من منطلق مصلحتك أولا، لكن في معظم الأحيان هتلاقي طلبات تانية هي اللي بتنفذ، وأهداف تانية هي اللي بتحقق، والحكومة في الحالتين تحاول تقنعك وبتقنعك فعلا إنك انت اللي كنت طالب ده، بس انت بس اللي مش فاكِر.

في كلا الحالتين موارد الحكومة المالية المفروض إنها منك وإليك، بتأخذ منك فلوس وتقدم لك خدمات، لكن مش مستغرب أبدا إنك تلاقى الفلوس اللي بتدفعها أضعاف أضعاف الخدمة اللي بتلقاها. الحكومة بتسن القوانين، حتى لو انت متخيل إنك انت اللي بتحاسبها؛ لا يا حلو، كل المصادر التشريعية وسلطة سن القوانين في أيديها هي ويس، وهي عارفة وانت عارف، مش هنضحك على بعض. كلا الحكومتين عندها قدرة فائقة إنها تورطك في مشاكل مع جيرانك بتعليق غير مدروس هنا أو تحرك عشوائي هناك أو غيل بينقطع أو خناقة عيال، الأسباب كبير ما تعدش.

على أي حال، فالعلاقة بين الرجال الشرقيين وزوجاتهم علاقات معقدة، لا يمكن اختصارها في مجرد اسم على شاشة الموبايل. لكن الأكيد، إن لو أي حد وقع في شر أعماله وتصادف إن زوجته عرفت هو مسميها إيه على موبايله وبين أصحابه، أكيد هيلعن اليوم اللي فكر فيه ما يناديهاش باسمها. ماله «أمل» ولا «دعاء» ولا حتى «نفيسة» يعني يا أخي؟! ، ، ، ،

علبة من البسكويت

في مطار دولي كبير، جلست سيدة شابة، في انتظار موعد قيام رحلتها. ولطول مدة الانتظار، اشترت كتابا لتقرأه، وعلبة من البسكويت لتسد بها جوعها. جلست في قاعة الانتظار تقرأ كتابها، وكان يجلس بالقرب منها رجل يقرأ هو أيضا في كتابه. وعندما مدت يدها لتناول قطعة من علبة البسكويت الموضوعه على الكرسي بينها وبين الرجل، وبدأت في قضمها، فرجعت به بمد يده ليتناول هو الآخر قطعة من نفس العلبة التي تأكل هي منها. نظرت له في استنكار، فتجاهل نظرتها. مدت يدها وتناولت قطعة أخرى، وبدأت في تناولها، فمد يده وتناول هو الآخر قطعة ليتناولها، متجاهلا نظراتها التي كادت أن تحترقه. بدأت هي في التفكير بعصبيته، وكادت أن تقدم على لكمة في وجهه لقله ذوقه.. كل قطعة كانت تناولها هي، كان يتناول هو أيضا قطعة مثلها. زادت عصيتها، لكنها كمت في نفسها، حتى لم يبق في العلبة سوى قطعة بسكويت واحدة. عندها، نظرت له وقالت لنفسها «ماذا سيفعل هذا الرجل قليل الذوق الآن؟».

لدهشتها، مد الرجل يده ليقسم القطعة الأخيرة إلى نصفين، ليتناول هو النصف، ويترك لها النصف الآخر. قالت لنفسها:

«هذا لا يخطر على بالي». وقبل أن تشور في وجهه، سمعت نداء الصعود للطائرة. كتمت غيظها، وأخذت كتابها، وصعدت للطائرة. عندما جلست في مقعدها، فتحت حقيبتها لتناول نظارتها، ففوجئت بعلبة البسكويت الخاصة بها داخل الحقيبة كاملة ومغلقة!

صدمت، وشعرت بالخجل الشديد. أدركت متأخرة كم كان الرجل كريما معها.. أدركت أنها طوال هذا الوقت كانت تأكل من علبته هرا، وأنه سمح لها بمشاركته دون شكوى أو تذمر. شعرت بالخجل الشديد، لكنها كانت تعلم بأن لا فرصة الآن للاعتذار عن سوء ظنها، أو لشكر الرجل على كرمه معها.

هكذا تحكي لنا القصة، التي انتشرت على صفحات مواقع التواصل الاجتماعي، وهكذا تعلمنا الحياة. تلك الحياة، التي لا وقت فيها أحيانا للفرص الثانية، ويسود قرارنا فيها الكثير من سوء الظن. دعني أشدد على نقطة مهمة.. وهي أننا كناء- لنا ألف مبرر ومبرر للتمسك بسوء الظن، مصداقا للحكمة الخالدة «اللي يتلمع من الشورية ينفخ في الزبادي». كم من حكاية سمعناها من صديقاتنا، أو شاهدناها في أفلام، أو قرأناها في بريد القارئ مذيبة بتوقيع «المعذبة ش.ك» أو «البائسة ن.ص»، تختم كل من نقابله في طريقنا بختم «نذل حتى يثبت العكس»، ونجعلنا نرفع راية مكتوب عليها «يا مآمنة للرجال يا مآمنة للمايه في الغربال». وقد تجرد من الرجال من يتحمس أيضا لرفع راية «يا مآمن للحريم يا مآمن للمعزة وسط البرسيم». في النهاية، كل هذا المناخ المحيط بنا، والمشحون دائما بسوء

الظن، قد يمنع الكثيرين منا عن التوقف للحظة للتفكير
واستيضاح حقيقة الأمور. قد يغشي أعتنا عن رؤية المعدن
الحقيقي لأشخاص جديرين بالاحترام. قد يؤدي بالكثيرين
منا لاتخاذ قرارات خاطئة، عند مقابلة من يستحقون اهتمامنا
ونستحق اهتمامهم. قد يمنعنا من السماح لهم بالتواجد في
حياتنا. قد يجعلنا نحرم أنفسنا من فرصة سانحة للعادة،
مع من يتمنى صادقاً أن نشاركه الحياة. وقد يجعلنا أيضاً نغفل
أشياء بسيطة، كحسن الظن بمن يقدم لنا يد المساعدة، أو شكر
من يسمح لنا بمشاركته علة من البكويت.

عن «القدرة»، «وفمها»

«إكفي القدرة على فمها تطلع البنت لامها»، المثل الشعبي العابر للأزمنة والقارات، الذي يحتفظ به الجميع لوقت الحاجة، ليشير به لفعل فتاة أخطأت خطأ ما، يشابه ما ارتكبه أمها في زمن آخر وظروف أخرى. لكنه بالإضافة لذلك، يصدر عليها أحكاما مطلقة، ويشير لأن الكل كان يتظر خطأها منذ وقت طويل، وأنها كانت مجرد مسألة وقت لا أكثر. ينظر لها بشماتة الرجال والنساء؛ لكن نظرات النساء أحيانا ما تكون الأقسى والأكثر لوما وتجريما لها. منذ فجر التاريخ، يعد الآباء لولادة الأبناء، وتشعر النساء بالحزن إذا رزقها الله بابنة في أول حياتها، إذ تعتبر في العرف قد فشلت في مهمتها المقدسة.

في صعيد مصر على سبيل المثال، هناك تلك القرينة التي تغنيها الأمهات: «لما قالولي دي «بنة»، إتهد سقف البيت عليا، وأما قالولي إنه ولد، إتشد ضهري واتسند». تولد الأنثى منا وتوقع الخطأ نبوءة تحوم حول رأسها. ينظر لها الكل بحذر، وكأنها تلك القبلة المرقوتة التي تصدر صوتها الخافت في انتظار أن يتوقف العد، فتفجر في أوجه الجميع. تتشعر منذ نعومة أظافرها بخوف الجميع منها، على الرغم من محاولاتهم المضنية

لإقناعها بهشاشتها المفرطة. يزين البعض الأمر بكلمات تشرح الأمر، وكأنه خوف عليها ورغبة في الحفاظ عليها وعلى سعادتها وسلامتها وراحة بالها، بينما يصرح البعض الآخر لها بالحقيقة المرة: أنها فضيحة في انتظار الوقوع، وجرسة في إطار التحضير، وخيبة أمل متوقعة ومنتظرة، وطريدة يتبعها الذئاب.

تعايش معظمنا مع ما يحيطها به المجتمع من أسلاك شائكة، فتظل تدور في الماحة التي سمح لها بها المجتمع، فتحوز على رضا المجتمع وموافقته ومباركته لأفعالها. بينما تختار قليلات منا أن يغامرنا باقتحام الأسلاك وعبورها، غير عابثات بما قد يصيبهن من جراح وآلام أثناء عبورهن لعالم أرحب مما يقربه لمن المجتمع، ليختبرن حقيقة عزيزة من حقائق الحياة، وهي أن محاولة المرأة لتحقيق ما يهاثل أو يقارب ما يحققه الرجل في الحياة، لا بد أن يصحبها الكثير من الألم.

أما الحقيقة الأكثر إثارة للحزن، فهي أن معظم تلك الآلام والجراح تسبب فيها لمن نساء أخريات، ظنن أنهن حليفات لمن. تقوم النساء في مجتمعاتنا أحيانا بدور القاضي والجلاد. ينصحن ويلمن ويحذرن ويمنعن بناتهن وأخواتهن وصديقاتهن بحماس وقوة، وأحيانا قسوة تفوق ما قد يقوم به الرجال أو تسبب به قواعد وأحكام المجتمع. ربما يكون السبب أحيانا هو الشعور بالغيرة. ربما يكون نوعا من غسيل المخ والتعاطف مع الجلاد وقواعده، وهي هنا القواعد المجحفة للمرأة التي يقرها المجتمع. وقد تكون طبيعة المرأة نفسها. فعند قديم الزمان، النساء هن دائما الأكثر مقاومة للتغيير والأكثر محافظة على القيم

والتقاليد، حتى وإن كانت تقاليد بالية وأحكام خاطئة. تمنى
النساء حقاً أن يعشن جميعاً في ثوب أمهاتهن. أن تتحقق النبوءة
القديمة. أن تشابه كل ابنة مع أمها، فلا تختلف إحداها عن
الأخرى ولا تميز، فلا ينهار هذا المعبد الذي يتعبدن فيه جميعاً،
والذي تعتبر بعضهن نفسها كبرى كاهناته. هذا المعبد المسمى
بالأصول والمقبول والمفترض. لهذا، فمن نختار منا أن نتمرد
وتنطلق إلى آفاق جديدة ودنيا مختلفة واسعة، وتقرر ألا تشابه أو
تتطابق حياتها مع حياة أمها، فيجب عليها أن تتبه جيداً لمن
تظنهن في صفها، فمنهن تأتي أحياناً الضربة القاصمة.

عيد سعيد، أحيانا

وقت الاحتفال بالأعياد، يكون فيه مظاهر متشابهة كثير بين كل أنواع الأعياد في كل حنة في العالم.. ملابس جديدة أو العباب، خروج، أكل تقليدي مخصص للمناسبة أو العيد، ستات كل عيلة غالبا يطلع عينهم في تجهيزه. لكن مع كل التعب ده، الأعياد في كل مكان بتكون وقت للفرحة والسعادة وراحة البال. أما في الأعياد عندنا، فتلاقي ارتباط شرطي بينها وبين التحرش اعارفة إننا بتكلم عن التحرش كثير. وكل مرة بتكلم، يكون الرد المجتمعي المكرر الروتيني البذل من عينة، الرجالة معذورين، ما تشرفوا البنات لابة إيه، أو وهم إيه اللي يخرجهم من بيوتهم، إيه اللي يودهم هناك؟،

وكان البنية اللي يطلع عينها في نقش كحك وتضيف لحمة وغيل ستاير وأرضيات ومسجاد ماهاش نفس تخرج وتشم شوية هوا، تعويضاً عن إستغلالها كعماله منزلية مجانية.. وكان الشوارع دي جزء من أجزاء ملهى ليلي مفتوح، مثل المقروض أي بنى آدم محترم بخطيه برجليه.. وكان المشي في الشوارع امتياز، يجب أن تحمل على وجهك شنب لتفوز به وتستحقه وتستعمله في أمان!

اللوم المجتمعي للبنات، وتحميلهم كل المسئولية، نتيجة لعجز المجتمع عن التعامل مع المشكلة، شيء مفهوم. نفس منطق «اضرب صاحبك، لو هم كثير». مجرد هروب من مواجهة واقع أكبر منك، ما تقدرش تتعامل معاه لأنك جبان وضعيف. لكن كمان فيه جزء تاني من المشكلة بدأ يظهر مؤخرًا.. في لحظة من اللحظات اللي تخيلنا فيها إن بقى فيه هامش من الوعي في المجتمع بموضوع التحرش، وأصوات بترتفع لإدائته، والدعوات إلى الله على الجاني.. لقينا نفسنا بنسمع دعوات زي: «إلهي يا رب يشوفه في مراته وبناته»، «يا رب يفتصبوا أمه قدامه عشان يعرف إن الله حق!» وينسمع إقتراحات لتبع المعتدي والوصول ليته والتحرش ببناء بيته، وتصويرهم ونشر الصور، وبكده نأخذ منه حق التحرش بهن من ضحاياها.

بتدقيق النظر لكل تلك الدعوات والاقتراحات، هنلاقي إن الكل يفضّل لا شعوريا إن التحرش يطلع من الموضوع زي الشعرة من العجين.. زيهم زي الناس اللي يهربوه بعيد، لو البنت اللي اتحرش بيها حبت تأخذ منه حقها أو تجره على قسم الشرطة. ماحدثش يفكر إن أم التحرش ده ممكن تكون ست محترمة، وكذلك أخيه؟.. مجرد عيلة عادية طلعلها ولد عاق. ما فكرتش إن مراته وبناته ممكن يكونوا بمعزل عن جرائمه وما يعرفوش عنها حاجة وإنه عايش بوشين؟.. والأهم، وانت بتفكر توجعه، ليه ما بتفكرش في أنك هتوجع قرياته؟ وكأنهن جهاد لا يبحس ولا بيتوجع، وكان وجعهم شيء خاص به وشرفهم يخصه هو ما يخصهمش هم في شيء! مش غريبة شوية

إن حتى في مواقف زي دي، ما يفكرش المجتمع غير في الحفاظ
على الذكر بعيد عن الأذى الجسدي، بينما أمهل شيء بالنسبة
لهم - حتى اللي بيدعوا الوعي منهم - هو استهداف الستات؟
عزيزي المتحرش.. يا بختك! إنت عايش في أفضل مكان
ممكن تعيش فيه على وجه الأرض. عزيزي المتحرش بها..
مالكيش غير ربنا، والسيلف ديفينس والمطواة الصغيرة. اللي
يقول لك هنجيلك حقا ما تصدقهاوش. عزيزي المجتمع
المتدين الخلق، يا ريت نشغل عقلنا شوية، والله ربنا مديرونا
عشان يشتغل، مش تلف تروسه عال هوا. أعزائي المحتفلين
بالعيد، كل عيد وانتم طيبين، وربنا ما يقطعلكم عادة. بس لو
استمر الوضع على ما هو عليه، وفضلتم ترازوا فينا كده كبير،
يا هنكتب يا هنموت يا هناجر ونبيها لكم مخضرة. إبقوا
شوفوا مين اللي هيعمل لكم كحك بقى العيد اللي جاي

فوت علينا بكرة

أسأل نهي بحماس: «تيجي نخرج سوا النهارده؟»، ترد نهي بتعجب: «النهارده إزاي؟»، ما النهارده خلص خلاص! أرد بتعجب أكبر: «خلص إيه يا بتي؟»، الساعة له ٦! فترد فوراً «آخري معاهم في البيت الساعة ٥، بعدها ما حدش يسمحلي أخرج من باب الشقة» أسألها سؤال أعرف إجابته: «قوليلي يا نهي، إنتي عندك كام سنة دلوقت؟».

نهي - وهو مش اسمها الحقيقي بالمناسبة - عمرها ٣٦ سنة. لكن، ولأنها له بنت، أي لم تزوج بعد، أي أن طرف الجبل اللي مكتفة به ما زال بين إيدين أهلها وما انتقلش له لإيد جوزها، فمن حق - بل وواجب - أهلها من وجهة نظر المجتمع إنهم يشدوا الجبل ويحكموا ثيته فرق جسمها، فلا تقدر تتحرك ولا حتى تنفس، وده من وجهة نظرهم فيه حماية لها، فالأكسجين هو أكثر الأسلحة فتكا على وجه الأرض، زي ما انت عارف.

مشكلة صديقتي مش مشكلة فردية، بل مشكلة عامة. وفي حين إن النساء هم الأكثر تعرض لها في مجتمعات ترفع شعار «ناقصات عقل ودين»، إلا إن الرجال مش بعداد عنها بأي

حال. هناك نوع من أنواع التثبث من الأهل بأبنائهم الصغار، والإصرار على إنهم يفضلوا صغار. مش بس حماية لهم أو عدم ثقة فيهم، لكن يمكن لأن معظم الناس اللي عايشين في منطقتنا ما بيثوفوش أي إنجاز أهم من إنهم يربوا أولادهم كويس. فيه في كل شارع بيتين تلاتة فيهم بنات وشباب، مهما كبروا أهاليهم بيطبقوا قبضة إيديهم عليهم بينختارولهم الشغل والزوج واللبس والأصدقاء، وتمتد قبضات أيديهم في الغالب أيضا لجيل الأحفاد.

وكما يحدث على الصعيد الاجتماعي، يحدث على الصعيد السياسي. كام مرة سمعنا رئيس أو حاكم دولة بيقول في خطابه الموجه للشباب: انتم الأمل في بكرة انتم اللي هتقودوا البلد في المستقبل. ولما تبقي شاب، ويقولولك هتقود في المستقبل، ده يعني إنك مش هتقود غير لما تبقي في سنهم. بما يعني -عزيزي الشاب، عزيزتي الشابة- إن هذا المجتمع بكل من فيه، قادة ومواطنين، شايف إننا لازم نعيش في وضع طفولة مستمر.. نسمع الكلام ونشرب اللبن، ولا نفكر ولا ناخذ قرارات. وفي حين إن كل دول العالم المتقدم يقودها شباب في الثلاثينات، وأحياننا في أواخر العشرينات، إن ما كانش في منصب ملط عليه الأضواء، فبالأكيد في مطايخ صنع القرار.. يضحوا في مجتمعاتهم دماء جديدة ورؤية مختلفة ونشاط وحماس.. هنا إحنا أدمتنا الدماء المتجلطة والعظام المتكلسة والشعور اليضاء اللي بتخلي سرعة تطور مجتمعاتنا أقل من سرعة اللحفاة.

الاستفاده من خبرة الأجيال المتعاقبة بالتأكيد عنصر أساسي

من عناصر بناء المجتمعات السوية. لكن الاعتماد فقط عليها،
والرد على كل شاب عايز ياعد بأفكاره وحماسه في تغيير واقعه
ومستقبله بالجملة الشهيرة: «قوت علينا بكرة»، هيخلىنا شعوب
وبلدان ماشيين ورقابهم ملووحة بتبص لورا، بينما الدنيا كلها
ماشية بتبص على أبعد نقطة في مرمى بصرهم قدام!

كلنا في الهم هند

في عام ٢٠١٢، هزت أرجاء الهند حادثة اغتصاب لفتاة هندية شابة، كانت راجعة هي وصديق لها من عرض سينما. ولما ركبوا أتوبيس، كان فيه ٦ أشخاص بها فيهم السواق. انقض ال ٦ أشخاص علي البنت وتناوبوا اغتصابها وقتلوها. يقال إن الحادثة غيرت وجه الهند، وادت القوة الكافية للمنظمات النسائية هناك عشان تطالب بحماية أكثر للمرأة ضد عنف المجتمع، اللي لا يزال معظم أفراده - نتيجة لجهل وفقر وشعور بالعجز وعدم تحقق - ينظروا للمرأة هناك نظرة دونية، باتت واضحة في تصريحات أحد المجرمين ال ٦ اللي تم الحكم عليه بالإعدام للإعلام عن الحادثة. تصريحاته تضمنت آراء صادمة، وافتقار للحد الأدنى من الإنسانية بشكل مرعب. مثلاً، هو مؤمن إن اللي حصل للبنت مسئوليتها تماماً. يكفي قوي إنها كانت راجعة بيتهم الساعة ٩ مساء. ده طبعاً شيء يدل إنها دايرة على حل شعرها. من رأيه إن البنت المحترمة مكانها بيت أهلها، ما تخرجش ترمح بقى في الشوارع وتخرج علي مينيات وتدخل مسارح. ده طبعاً انحراف وقلّة حياء. كان معترض تماماً على فكرة مساواة الرجل بالست، ويستغرب جداً من أي حد يحمله هو

وزملاءه مسئولية الاغتصاب، لأن من وجهة نظره أي حادثة اغتصاب هي مسئولية البنت أولاً.. لبسها، حركاتها، ظهورها في الشارع نفسه، أي حاجة من دول تعني إنها هي التي جابته لنفسها.

أما عن نقطة القتل.. لما اتسأل طب ليه قتلتم البنت بعد ما اغتصبتموها، كانت إجابته إنها هي برضه السبب. لو كانت تقبلت فكرة إنها تفتصب بهدوء من غير ما تعمل نفسها رجالاً في بعض وتقاومهم، كان زمانهم اغتصبوها وبعدين رموها في أمان على أي ناصية، وكان الموضوع انتهى.

وقبل ما تشمز وتعترض وتستغفر ربنا، فكر لو سمحت. احنا هنا في شرقنا العربي الجميل نظرنا بتختلف بمقدار قد إيه عن فكر الأخ الهندي المغتصب؟.. «الست ما لهاش غير بيتها»، جملة شرقية عربية معتمدة، وأحياناً بنزينها ونزخرفها ونحط عليها شوية جليتر ونقول «البيت مملكة المرأة»، الرجل لا يساوي الست، ترجمتها في مصر مثلاً بتكون جملة، «أنا راجل يا هانم، إنتي هتعملي راسك براسي والايه؟». أما فكرة إن الست بتواجدها في مكان ما أو ظرف معين تستحق الاعتداء الجنسي أو القتل، فحدث ولا حرج. حصلت مع البنت اللي اتسحلت في التحرير، والستات اللي اغتصبوا وسط مظاهرات بعد كده. حصلت مع شياء الصباغ اللي انضربت بالرصاص عشان كانت شايلة بوكيه ورد احتفالاً بالثورة البائدة. وبتحصل كل يوم، من كل الناس اللي بتبرر التحرش بجمل زي إن الشباب تعبان وشوف البنات لابسه إيه. حصلت مع كليب دعائي

لتشيط الياحة، عمم مشاهدينه العرب تهمة العهر والدعارة
علي أي أنثى بتتسم فيه، لأن من رأيهم إن طبعاً أي أنثى بتتسم
في مكان عام فهي بالطبع عامرة!

كل المجتمعات بلا استثناء بتطلب متاكها كان يطالب الأخ
الهندي المغتصب إننا نسكت ونتقبل كل ده بهدوء، وإلا نبقى
تمردات وقلالات الحيا. تجمع الدول المتخلفة والمجتمعات
المریضة صفات مشتركة، أهمها اضطهادهم للأقليات، وعدم
تقبلهم للرأي الآخر، وعدم اهتمامهم بقيمة العلم، وامتثالهم
لدور المرأة ووضعها. أظن واضح، حتى لو كان عالماً العربي
مليان فلوس وبترول وتاريخ وحضارات سابقة، إحنا مكاننا
دلوقتي فين بالطبط ومط الأمم. كلنا في المهم شرق.. كلنا في
المهم هند!

و ثالثهما التيطان

يحكي أحد أصدقائي على الفيسوك عن فتانين تعبران الطريق، فتسقط إحداهن مفسيا عليها، فتقف صديقتها في وسط الطريق العامر بالسيارات، دون أن تدري ما تفعله. يقف شاب، ويعرض إنه يحاول يساعد البنت المغمى عليها بإنه يفوقها، فتصرخ صاحبها وتحذره إنه يقرب منها. يعرض إنه يحاول يثيلها ويوصلها للجانب الآخر من الطريق، فتصرخ البنت أكثر وتحذره إنه يلمسها أو يتحرش بيها. فيحاول الشاب إنه يلاقي حل وسط، فيوقف تاكسي ويعرض إنه يوصلهم لأقرب مستشفى، فتطلق الصرخات من فم البنت تلف أنحاء الكرة الأرضية خوفا من إنه يكون متفق مع سواق التاكسي عشان يخطفهم ويتاوربوا اغتصابهم زي ما بنقرا في الأخبار؛ فما كان من الشاب المهذب إلا إنه قال لها: الله يحرقك إنتي وصاحبك وأنضرب بالجزيمة القديمة لو حاولت أساعد واحدة ست في الشارع مرة ثانية.

وفي هذه اللحظة بالتحديد، أعلنت وفاة بواقى الشهامة اللي كانت عايشة مستخية داخل آخر شاب مصري هربان من وباء الندالة اللي ضرب في البلد.

أما عن شعور البنت في الموقف ده، وتصرفها اللي قد يبدو غريب. خليني أفكر كم بقواعد التعامل مع المجتمعات العربية، اللي بتزل محتومة على جفن كل بنت بتولد في هذا الركن المحافظ الخلبوص من العالم، عشان تفضل دايمًا قدام عينيها فتيجة للانتهاكات اليومية اللي بتعرض لها البنات، والمدعومة دايمًا بتصفيق المجتمع للجاني، تحت شعار ما هي اللي تتاهل، وبناء على الشعور بالهشاشة اللي بترينا مجتمعاتنا على إننا نحس به دايمًا، بل والمبالغة في مدح الضعيفات مكسورات الجناح منا، ووصف القوية بإنها مترجلة أو خارجة عن طوع الأهل.. نتيجة لكل هذه المعطيات، فللازم أي بنت تلاقى نفسها في مكان لو حدها مع رجل ما، يحتمل شعور الترقب والحذر وأحيانًا الرعب جسمها كله، وتبقى عايشة كأنها جندي مقاومة في ساحة حرب.

كام بنت اتعلمت من نعومة أظافرها تنط من رصيف لرصيف، بعيدا عن شاب أو شلة شباب؟ كام بنت بتعيش تلتفت حواليتها كل مرة بتقرر فيها تتركب مواصلات؟ كام بنت منعها خوفها من إنها تستغل قدراتها والفرص اللي قدامها في مجال الدراسة أو العمل لما لقت نفسها هي الوحيدة البنت بين مجموعة من الرجال؟

بل إن المجتمع كمان بيعت رسالة للشاب، مفادها إن كون إنه يبقى حيوان فهو ده الشيء الطبيعي، بما إنه لو اتحطت في طريقة بنت وما استغلش الفرصة واتصرف بدناءة يقابل بتهليل، وكان

ده الشيء النادر اللي ما حدش فينا متيه، وبالتالي أصبح كل مارجل عندنا يشوف واحدة ست، فيه لبة خضرا جواه بتنور وتقول.: إنطلق، كل ما تفعل مباح. بينما جوة كل واحدة ست لبة حمرا بتقول.: خطر، إبعدي فيه راجل في المكان.

إزاي مطلوب منا بنبي مجتمعات صحية، بينما الطرفين بينهم هذا القدر من عدم الثقة والعداء؟

إزاي المفروض نكون عائلات سوية من طرفين، واحد فيهم طول حياته شايف الطرف التاني هدف مستباح كتر خيره إنه ما استغلوش، والتاني عاش حياته خايف ومتوتر ومحمل بالمشاعر السلية والشعور بالقهر؟

إزاي طيب مطلوب منا إننا نكمل في بناء مجتمع صالح، بينما المجتمع مكتفي -دون تفكير- برفع شعار «وئالهما الشيطان»؟

إزاي مش قادرين نوصل لنقطة إن حتى لو الشيطان موجود، فالطرفين لو أقويا وعندهم ثقة في أنفسهم، ويفكروا بشكل عاقل وسوي، فهما قادرين تماما على سحق هذا الشيطان..

الخطأ مش خطأ الشيطان يا سادة. خطأ من يسيء التربية ويفسد النفوس ويخرب العقول، ويجعلها تربة خصبة، فيستوطن فيها ألف شيطان.

بابا

«وراء كل رجل عظيم امرأة، ووراء كل بنت أو امرأة حققت
أي حاجة في حياتها رجل.. هو في الغالب أبوها»

يظن المتابعين لأي انثى بتكتب معترضة على ظاهرة التحرش،
إنها تعاني من التحرش كل دقيقة. لو بتكتب عن نظرة المجتمع
للمطلقات، فهي بالتأكيد مطلقة أو ابنة مطلقة أو أخت مطلقة.
لو بتكتب عن حقوق الستات اللي بتضيع وقت تقسيم الميراث،
يقى أكيد حد أخذ ميراثها. لو بتكتب اعتراضا على النعرة
الذكورية في المجتمع، فهي بالتأكيد عندها مشاكل مع أبوها. أنا
باكتب بشكل مستمر معترضة على السيطرة الذكورية الغاشمة
على أجواء مجتمعاتنا الموبوءة بالتمييز ضد المرأة، لكن عمر ما
كان عندي مشاكل مع أبويا، اللهم إلا إننا كنا دايمًا مش فاهمين
بعض!

بابا الله يرحمه كان مثال لآباء كثير في المجتمع المصري؛ أو
هكذا كنت متخيلة. الآباء اللي من كتر ما الأولاد شايفين إن كل
مقاليد البيت في إيدين ماما، لو بنذاكر فماما معانا، لو بنخرج
بناخد فلوس من ماما، لو رايحين رحلة بناخد إذن ماما، لو
بنشترى لبس العيد أكيد هيقي ذوق ماما، لو عينا بنلاقي

نايمة جنب الرير ماما، لوجنا درجات وحشة العقاب يبقى
غالبا زعيق ماما، ففي لحظة كده بتلفت حوالينا ونسال نفسنا،
أمال بابا ده بيشتغل إيه في البيت بالظبط؟

في بيوت كبير، كانت وظيفة بابا بتقتصر على التمويل، أو
يبقى مدير عام إدارة قفل باب الشقة بالفتح، أو رئيس مجلس
إدارة المؤسسة العقابية المختصة بالحبس والتكيل وقطع المصروف
ومنع الخروج. بينما في بيتنا المتواضع، بابا كانت وظيفته الأولى
إنه يبقى أب فخور!

بابا اللي عمرنا ما قعدنا مع بعض واتكلمنا كلام من القلب،
وعمرنا ما صارحنا بعض بشعورنا ناحية بعضنا البعض، عمره
ما قاللي إنه بيحبني، ولحد قبل النهاية ما قلتهاش أنا كمان.
كان فيه دايم بيتا خلاف، يجوز إن كان مبيه هو الفجوة بين
الأجيال. أبويا إتجوز أمي وهو ٢٨ سنة وهي سنها كان ٢٤.
عدد السنين الكبير -نوعا- بينه وبين أمي، واختلاف اهتماماتهم
كان قامم البيت نصين.. إحنا وأمي في جهة، وهو في جهة. كان
فيه خلافات يومية، لكنها بسيطة حوالين حاجات معادة، زي
عايزين نتفرج على إيه في التليفزيون، وناسرفين في الأجازة،
ونخرج فين أو إمتى أوليه. كلها أشياء بسيطة، بس كانت بتبين
إن فيه فجوة ما، وإن قنوات الاتصال بينا كان فيها مشكلة،
والفجوة دي كانت بتسع كل ما أعمارنا بتزيد.

لكن كمان، كل ما عمرنا زاد، كل ما كنت باكتشف إن أسباب
الفجوة اللي بينا وبين بابا كانت بسبب محترم.. بابا اللي كان
ابن عامل بسيط و خريج مدرسة صنايع، وفضل يكافح لحد

ما تفوق ودخل كلية هندسة، صمم إنه يسند كل إخواته لحد
ما الكل يتخرج من كليات محترمة، فساهم في إنهم يتخرجوا ٣
دكاترة واثنين مدرسين، وكان بيرفض أي فرصة للسفر للخارج أو
إنه يحوش فلومه عشان يرسم بيها مستقبله، بس عشان يدعم
إخواته اللي واحدة منهم على سبيل المثال لما احتاجت هيكل
عظمي راح جابوها بنفسه وغسله بإيده وورنشيه. صحيح بعد
كده الدنيا أخذت كل واحد من إخواته في جهة، لكن ظل أبويا
هذا الإنسان المتفاني اللي بيخدم اللي حوالبه حتى لو ما ظهرش
في الصورة بشكل واضح وصريح. وعدم الوضوح ده كان من
أهم أسباب إني -للأسف- في أوقات كثير ما كتش مقدره للي
يعمله

وأنا باكير، كانت أفعال بابا ليها فضل كبير عليا وعلى
نشأتي، على الرغم من إني ما أخذتشي بالي منها غير متأخر
قوي! كثير من الوقت من كتر اعتيادك على حد أو حاجة
بتأخذهم كأمر مسلم به، كنت فاكرة إن كل الأباء كده.. كلهم
يشجعوا بناتهم وأولادهم عشان يلاقوا الحاجات اللي بيحبوها.
صحيح أمي كانت أول واحدة تحبيني في القراءة، ولكن أبويا
هو اللي كان كل ما يلاقي في طريقه قصة أو مجلة أو كتاب يتياله
إني هاجبه كان يجيهولي. واحنا صغيرين، كانوا بتوع الجرايد
بينادوه في الشارع بحماس عشان يقولوله إن مجلة «ماجد» أو
العربي الصغير، خلاص وصلت، من كتر ما كان بيأل عليهم
عشان يجيهم لي أول ما يصدروا. كنت فاكرة إن هوده الطبيعي
وكل أصحاب كده!

لما كبرت شوية، وبدأت أطلب إني أروح معرض الكتاب،
كان بياخذني يوديني ويفضل قاعد على أي كرسي أسمتي هناك
بالساعات، متيني لما آخذ جولتي وأرجع بعشرات الكتب،
وكنت أرجع ألقه قاعد متيني زي ما هو من غير زهق،
وياخذني وترجع سوا. ما أفكرش إني كنت باشكره أو باقدر
صبره، لأنني كالعادة برضه كنت فاكرة إن كل الآباء كده!

لما جاتلي فرصة أدرس سيناريو في القاهرة، وكانت أول مرة
أنزل فيها للمدينة المخيفة دي، اللي كنت باخاف منها حتى
من ورا إزاز أتوبيس رحلات المدرسة، كان يسافر معايا عشان
يعرفني الطريق، وكان بيستاني لما أخلص الكورس اللي مدته ٣
ساعات، واللي ما كانش فاهم هو ممكن يفيدني بإيه، ولا كنت
أنا حتى أعرف وقتها، بس المهم بالنسبة له إني كنت بانبط.
برضه ما أدركش إنه بيعمل حاجة مش هيعملها آباء كبير،
عشان كنت متخيلة إن كل الآباء كده!

لما اتشرت مدونتي «عايزة أنجوز» في كتاب، كان بياخذ نسخ
ويجيها في هدومه وهو نازل عشان يوريها لصحابه بفخر، رغم
إني اتخانقت معاه عشان ما يوريهاش لحد، عشان عارفة إن عقول
الناس في بلدنا الصغيرة مش هتتوعب اللي باكتبه، وياما وقف
يتناقش مع صحابه في الجامع اللي كان بيقرأهم مقالاتي، وكانوا
بيعرضوا على أفكار بتة المتمردة

بابا اللي كان بيهون عليا مغامراتي الفاشلة مع جواز
الصالونات. لما كنت أسأله عن انطباعه عن أي عريس، وكان

يقولي ببساطة: «اللي يربحك»، واللي لما مرة زهقت وقلت له
أنا حاسة من كتر التجارب الفاشلة دي إن أنا اللي فيا مشكلة،
قاللي: «مشكلة إيه؟»، أنا لو عليا أصلا أقعدك من غير جواز،
ما فيش أي بأف في البلد دي يستحقك! إنتي ضفرك برقتهم
كلهم!

بابا اللي لما وريته كلمتين حلوين مكتوبين عني في جرنال،
لقيت عينه اتملت بالدموع، وصوته اتخفق وقاللي بفخر كده:
«أنا اللي عملتك». حقيقة صدمتني وقتها، عشان كنت أول مرة
أدركها.. أدرك إن رغم إنه دايمًا كان واقف ورا الستارة، بس هو
دايمًا اللي كان يفتحي الطريق عشان أقف تحت نور الشمس.
هو دايمًا اللي كان يبصلي وأنا مش واخدة بالي بعيون ماليها
الفخر. ويمكن ما حشش وأنا صغيرة إنه عمل لي جناحات
أطير بيها، في وقت كانوا بقية الأباء متخصصين في تقصيص
جناحات البنات حواليا!

بابا اللي ما شوفتوش بيعيط غير مرتين.. مرة يوم وفاة أمي،
ومرة يوم ما كان راجع من عمرة بعد ما اتسرقت فلوسه فيها،
وصمم يدور على حد من أصحابه هناك عشان يتلف منه
فلوس ويحبلنا كل الحاجات اللي طلبناها. يومها أخذني بالحضن
وعيط، وبعدين التفت وراه ورجع وهو مادد إيديه بكاسيت
يبابين كنت طالبا منه، وقاللي كلمة واحدة بس «اجتهولك»

بابا، اللي وفاته حصلت وأنا بعيد عنه، كرتني أكثر من
وفاة أمي اللي كانت هي صديقتي المفضلة وسندي في الدنيا

وقدوتي.. مش بس لأنى ما لحتش أودعه، لكن كمان عشان ما
عرفتش أعبه له أبدا فى حياته عن قد إيه أنا مقدره ومقدرة دوره
فى حياتى، وانى كان لا يمكن أوصل لى وصلت له ده أو أكون
الإنسانة اللى أنا هي دلوقتى، من غير ما يبقى هو بالذات بابا
ومش أى حد تانى غيره، وانى أخيرا فهمت قد إيه هو كان أب
مميز، وإن مش كل الأباء كانوا كده!

بحثا عن الزتولة

في بداية حياتك، وحتى سنوات عشرينياتك الأولى، يتأخذ رحلتك في الحياة غالبا شكل الاختبار. وأهم اختبارات حياتك هو اختبارك لنفسك ومبادئك ومعدنك. ممكن تخيل إنك قوي، وعند أول اختبار تكشف إن جواك ضعف ما كتش واخذ بالك منه. ممكن تخيل إنك رحيم، وموقف ما يكشف لك إن عندك قدر من القوة ما كتش تعرف إنه موجود جواك. أما مبادئك، فدي اللي بتتخط في اختبار ورا اختبار على مدار سنين طويلة، لحد ما في لحظة معينة تتبدى قدامك حقايق كبير عن نفسك، وتتبدى تفهم جزء كبير منها، وتبقى قادر إنك تمحط لسته ترد فيها فكرة -حتى لو مش كاملة- عن إيه هي مبادئك، وإيه هي أكثر حاجات إنت ملتزم بيها في الحياة.

من وقت بداية نزولي للقاهرة بانتظام مثلا، ونتيجة لإن الحياة هناك أكثر زخما، والمجالات اللي بدأت أدخلها عرفتنى على ناس من مختلف الخلفيات الاجتماعية والنفسية، ابتديت أتحمط في مواقف اختبار كبيرة، عرفتنى حاجات كبير عن نفسي، يمكن ما كتش أعرفها أو ما كتش متأكدة إنى أعرفها عن نفسي قبل كده!

على سبيل المثال، عرفت عندي قاعدة مهمة جدا، ملتزمة
بيها من أول ما بدأت أتفاعل مع ناس مختلفين عني، من غير
ما آخذ بالي.. وهي إني عمري ما أخبي حقايقني عن حد طمعنا
في الوصول لأي حاجة. عمري ما أخبي أنا منين وساكنة فين
مثلا، عشان أحوز على احترام حد طبقي بيصنف الناس حسب
المكان اللي اتولدوا فيه. أنا اتولدت في الأقاليم، الفلاحين زي
ما يسموها، رغم إني اتولدت في منطقة صناعية مالمش علاقة
بالزراعة. لكن وماله يا سيدي، فلاحين فلاحين، بس لا هي
خية ولا هي شطارة، مافيش حد يختار المكان اللي يتولد فيه.
في النهاية، الحكم المفروض يبقى موجه ناحيتك إنت كشخص.
قمة البلاهة إنك تصنف حد علي أساس رقمه البريدي، مش
على أساس إنه إنسان له أفكار ومبادئ ورحلة ببعافر فيها في
الحياة!

عمري ما هاخبي حاجة أنا مؤمنة بيها عشان أصحاب
حد مؤمن بحاجة عكسها. أحترم رأيه حتى لو كنت بارفضه،
وأطالب باحترامه لرأيي اللي رافضه، وأدور على مساحات
مشتركة نقدر نتواجد فيها ونتصاحب في ظلها.. لكن أخبي
وأداري وأغلوش وأدعي! أبقى باخدع نفسي قبل ما باخدع اللي
قدامي، وبالبس لبس مش بتاعي، هيفضل طول الوقت مكثني
ومحسني بالضيق!

عمري ما أتكف من حالتي المادية أيا كانت الحالة المادية
اللي أنا فيها وقتها. لو معايا فلوس ندخل أعظمها مطعم
أو محل أو مكتبة ونصرف مبلغ وقدره، مافيش مشاكل. أما

لو الأمور مازمة واتحطيت في موقف غير مناسب لعدد ورق
البنكنوت في شنطتي حاليا، أعتذر ببساطة، ولو اتألت عن
السبب ما عنديش مشكلة إني أقول حاليا ما عنديش فلوس
تسمحلي أخوض التجربة دي دلوقتي معلش ا

عمري ما أنكف من سني، أنا عندي كذا وتلاتين
-أربعين- خمين سنة، أيا كان الرقم وقتها بعيدا عن جو الستات
ما تقولش سنها، وبالذات لمر كانوا غير متزوجات. إيه علاقة
قيمتك أو مدى جاذبيتك كإنسان بعدد من الأرقام ما بتحكيش
تجاربك ولا خبراتك، ولا كام مرة وقعت وقمت تاني، ولا قد
إيه إنت جدع، أو موهوب، أو متحمس، أو قد إيه مقدار حبك
للحياة؟، ولو في يوم مر بذهني شك إن اللي قدامي ممكن
يعاملني بطريقة مختلفة عشان عدد سنين عمري، بافتكر ناس
عمر ما سنهم شكل لنا فارق. بافتكر شباب كلامهم بيوزن
بلد، في مقابل الناس اللي أعمارهم تؤهلهم إنهم يبقوا طنط
الحكيمة وعمو اللي يفهم وهم عقولهم أتفه من عقل ناموسة
رايحه تاخد شعلة بوتاجاز بالحضن. أو على الجانب الآخر،
بافتكر مثلا إن نيلي في خمسيناتها كانت قادرة بخفتها وجمالها
وحبها للحياة على منافسة شباب وعنفوان شريمان ا

عمري ما أنكف من تغير آرائي مع الوقت، ولا اعمل
بلوك من محيطي لواحد فكرني بسكرين شوت من يوم سابق
من أيام حياتي. إحنا بنعيش عشان نتعلم ونتغير ونختبر
أفكارنا ونعيد اختبار أفكارنا للأبد. فيه ناس بنفتكرهم عظماء،
وبنكشف إنهم أحقر ما يمكن. فيه حاجات بنظن إنها منزهة

عن النقاش، وعند أول نقاش جاد بتاريخ قدامنا زي بيت مبني
من ورق الكوتشينة. الآراء ممكن تختلف، المهم إن المبادي، هي
اللي ما تتغيرش!


اكتشفت برضه مع الوقت، وبعد اختبارات كثيرة، إن عندي
شوية مبادي، الناس ممكن تسميها خيالات. منها مثلا إني ما
باحبش أخط نفسي تحت ضغط عصبي شديد، وبالتالي مش
متوقع إني في فترة قريبة هانقل إقامتي للقاهرة، لأن القاهرة
والضغط العصبي زي التوأم الملتصق. ومش متوقع برضه
إني أقدر أعمل مسلسل كل سنة لرمضان، حتى لو اتوفرت لي
الفرصة باستمرار. واكتشفت كمان إني ما أقدرش أعيش أبدا
تبع القاعدة الأخ سيف جوبز الذهبية: «خليك جعان.. خليك
مجنون»، عشان توصل للي انت عايزه. أنا كل طموحي في الحياة
إني أعمل حاجات بتسطني، بعيدا عن إنها توصلني للشهرة
أو للفلوس أو حتى لأقصى درجات التفوق، عشان كده مش
متوقع إني أبقي أحسن واحدة بتعمل حاجة معينة، لكن غالبا
هاموت وأنا لسه باحاول أعمل حاجات بتسطني وترضيني!
إكتشفت إني بالاقبي في الوحدة دفا، بيزيد مع مرور السنين،
رغم إني باشتكي منها أحيانا.. وإني إنسانة ملولة مش متوقع
إنها تستمتع بأداء نفس الحاجة أو العيشة مع نفس الناس لسنين
طويلة!

المهم، إني في رحلة بحث مستمرة عن نفسي، وكل يوم
باكتشف جديد. باحاول أنصح كل اللي حواليا إنهم يقضوا كل
شوية مع نفهم ويعملوا «تايم أوت» من ماتش الحياة، عشان

يصوا جواهرهم ويتعرفوا على مبادئهم التي عايشين بها، مع إنهم
مش واخذين بالهم منها.. يمكن فيه حاجات محتاجة إعادة
نظر، أو حاجات محتاجة تقويم، أو حاجات تالفة محتاجة دعم
وتركيز. لكن كلنا محتاجين نقف ونطلع رحلة جوه نفسنا..
سميها لحظة التوير، أو رحلة فكرية، أو مصارحة مع النفس
أو بحثا عن الزتونة، المهم إنى بعد عمر طويل وسنين، صحيح
مش كتيرة قوي بس برضه مش قليلة، اكتشفت أهمية الرحلة
دي، اللي هتساعدك تفضل تتعلم عن نفسك وتكتشف فيها،
وتفاجأك وتفاجئها وتظبطها وتظبطك، عشان يمكن توصل
لإنك في آخر يوم نغمض عينك فيه، وقبل آخر نبضة هينبضها
قلبك، تكون فهمت إنت مين!

3abbeth.blogspot.com

مكتبة
عابث

 @3abbeth

 @mjanen23

دليل الأرنب

عارف إنت الكلام اللي دايمها بيكدرك عن الفرص الضائعة
اللي بتعدي في حياتك وبالأسف ما بتقاش مستعد لها؟

عارف تقيب المواجه اللي بيمارسه البعض على الفيسبوك أو في
محاضرات التنمية البشرية لما بيقتعدوا يفكروك بفشلك في اللحاق
بفرصة ما، عشان ما كتش متبه، واللي بيخليك تقعد تضرب
نفسك بالجزمة ضمينا أو فعليا لما يقولولك إن الفرصة اللي
بتضيعها إبقى قابلني لو لقيتها في حياتك تاني يا حلو؟

عارف أغنية محمد منير الفرصة بنت جميلة راكبة عجلة
بيدال، بس أكيد في أي حنة تانية غير مصر، لأن ركوب العجل
في مصر مبرر وطني وشرعي للتحرش بالبنت دي، اللي كمان
شعرها بيظير قدامها بدون خشا ولا أدب؟

إذا كنت عارف كل الحاجات دي، فالمقال ده أساس جيد
لدعم ثقتك بنفسك ورحمتك من البكاء المتواصل على اللبن
المكروب!

عارف عزيزي المواطن أنا ضيقت كام فرصة من أيدي؟ ..
كثير .. عارف نجحت في اقتناص كام فرصة بين أيديا؟ ..

كثير برضه.. عارف المدة اللي بأنب نفسي قد إيه على الفرص الضايعة؟.. اعمم.. غالبا ما يحصلش، لأن عندي اقتناع بنظرية أصحابي المقربين المقتنعين بيها يسموها «نظرية هوليوود» لأنني أنص فيها على إن: «كل واحد له القيلم بتاعه ومش بالضرورة أي فيلم بتاع حد نعرفه يكون مناسب لينا عشان نعيد إنتاجه من بطولتنا».. بينما أصحابي المقربين يسموا نفس ذات النظرية بإسم «نظرية ديل الأرنب»، وهي طريقة العطف من إنهم يقولولي في وشي بالجملة المصرية قاهرة الأجيال: «ده قصر ديل يا أذعر!»

على سبيل المثال، أنا ما باشوفش فرصة شغل ضاغت منك عشان وقت التقديم بتاعها ما كانش معاك المتطلبات اللازمة للتقدم ليها. ما باشوفهاش فرصة ضايعة، لأنك ما تعرفش تحديدًا إنت كنت هتبقى قد الشغلانة دي والالآ، أو كنت هتقنها أو هتفوق فيها والالآ، أو ياترى هل كانت هتعدك؟.. أنا قابلت في طريقي فرص شايعة كثير من النوعية دي.. فنان أو فنانة كنت على وشك الاتفاق معاهم على شغل والموضوع اتفركش على آخر لحظة، ثم لما أعيد التفكير بعد ضياع الفرصة بشكل أكثر موضوعية فيها، الأقتني كنت هاضطر أقدم عشانها تنازلات كثير، وبالتالي الفرصة دي ما كانتش هتبقى مناسبة ليا أصلا، ولا تحققها كان هبعدين ولا هضيفلي غير شوية فلوس وربح مادي، أنا قررت من زمان إنه مش من أولوياتي في الحياة!

فرصة ضياع عريس لقطة من بين إيديكي، اللي بيلومك

عليها اللي حواليكى بعد ما بيثوفوا سعادته مع زوجته الحالية،
اللي اتجوزها بعد ما انتي رفضتية مش حاجة لازم تبكي عشانها
أيام وليالي. حصلتلي برضه كثير، ولما فكرت شوية لقيت إنه
سعيد مع مراته حاليا، عشان هي لايقه عليه، بينهم اهتمامات
وأفكار مشتركة ما كانتش هتبقى بيني وبينه، وبالتالي حلم
السعادة الضائعة ده ما كانتش هتحقق أصلا لو أنا بقيت بطلة
فيلمه أو هو أخذ البطولة المطلقة في الفيلم بتاعي!

فرصة هجرة للخارج مش بالضرورة كانت هتبقى خير..
مش بالضرورة والله. أنا عارفة إنك صعب تصدق الكلام
ده اليومين دول، بس الغربة مش لأي حد. يمكن ربنا يكون
بيديك فرصة ثانية إنك تدور على معادتك في حاجة ثانية غير
تغيير مكانك الجغرافي اللي ممكن ما يكونش هو الحل الأمثل
لمحو المرارة اللي جواك! وال٣، ٤ من أصحابك اللي هاجروا
ومبوطين، قد تكون الحياة هناك فعلا مناسبة ليهم، لكن
مش بالضرورة لو انت مكانهم هتكون سعيد زيم ربنا وحده
يعلم كل مرة باخذ قرار السفر وبالاتي فيه عقدة تعطلني، قد
إيه كنت باهمده وأقول أكيد فيه حكمة، وبالاتي فعلا الحكمة
واضحة وضوح الشمس فوق راسي بعدها!

لكن في كل الأحوال، أي فرصة ضاعت من أيديا صحيح
ما كتش باقعد أبكي عليها، لكن كنت باقف للحظة وأتكر
كل أحداث الفيلم، وأحاول أتعلم منها. أحيانا باتعلم إنني لو
عايزة أفوز بفرصة زيها تاني يبقى لازم أبدأ أستعد لها. وأحيانا
إن فرصة زي دي أصلا ما تناسبش، ولازم ما أكررش سعي

نحوها. أحيانا بتعلمني التجربة المريرة لضياح الفرصة أنا
باحب إيه أو باكره إيه، أو بتعرفني حاجة عن نفسي ما كنتش
واخدة بالي منها، وأحيانا بيكون ضياح الفرصة والأحداث
اللي بتحصل بعدها حاجة بتفكرني أكثر بقدر إيه أنا صغيرة،
وإن مش كل حاجة في إيدي، وإن فيه قوة أعلى ممكن في لحظة
تحركني من مكان لمكان بدون ما يكون ليا قرار أو إرادة. أحيانا
لازم تضيع منك فرصة أو تقع في مطب أو تقع زرع بصل، عشان
تفقد شوية من غرورك، وتيقن إن فيه حاجات لازم تعلم بيها
وتسيها على ربنا، وإنك في كثير من الأحيان بتبقي محظوظ إن
كل ده بيحصل لك عشان تفكر!

ب ١٠٠ راجل

يعيش على أرض هذا البلد الحزين فئة من البنات اللي عدوا
التلاتين بدون زواج، ومع ذلك ما ظهرتش عليهم أعراض
الاضطراب النفسي الكامن في أي شخصية لعبتها «زينات صدقي»
في السينما، ولا متلازمة الأمراض الاجتماعية اللي كانت واضحة
على أي شخصية لعبتها «عائشة الكيلاني» في التلفزيون، ولا
وصلوا المستوى تنازلات الشخصيات اللي لعبتها «صبا مبارك»
و«زينة» في المساة الإغريقية المسماة بفيلم: «بتين من مصر»

على أرض هذا الوطن العامر بالمآسي بنات زيي قررروا إنهم
بساطة هيعيشوا!

بعد ما عديت عتبة التلاتين، اللي كان الكل بيصورها لي على
إنها عتبة بعدها بير غويط بتقع فيه البنت الثلاثينية، وبتضيع
في غياهب عالم من العذاب والمرار اللي يتهي إلى إنها توصل
للبيبل اللاشيء، وتبقى ضيقت عمرها وحياتها للأبد بدون
عائد وبلا فائدة، إتلفت حواليا أستى حاجة من دي تحصل، ما
حصلتشر!

عدى يوم عيد ميلادي في الواحد وعشرين من ديسمبر،
وجه وراه يوم ٢٢، وعادي!

الشمس طلعت وغربت، وفطرنا واتغدينا واتعشنا وحلينا
ببقية تورته عيد الميلاد، ما فيش زلازل حصلت ولا براكين
انفجرت، ولا كان فيه ساعة كبيرة بأرقام حمراء متعلقة بين السما
والأرض عدت عد تنازلي لحد الزيروة وبعدين انفجرت الكرة
الأرضية لأشلاء!

يوم عادي وشهر عادي وسنة عادية.. ما فيش تجا عيد جديدة
ظهرت في وشي ولا ركبت طقم منان ولا شعري فجأة اتقلب
أبيض، اتباعا لمثال «توفيق الدقن» في فيلم «البحث عن فضيحة»،
ولا حتى حيت بدافع لا يقاوم إني أتقمص دور زميلته في نفس
الفيلم «نبيلة السيد» وأنزل أخطف واحد شبه «سمير صبري»
وأنا باصرخ بعلو صوتي بالإفيه الأشهر: «عريس يا أبوي،
طخه بس ماتموتوش!»

أنا فضلت أنا، وأفكاري فضلت هي أفكار، ي وتحفظاتي
فضلت هي تحفظاتي، وما حيتش إني ندمت على حاجة فاتني،
ولا إن الزمن لو رجع بيا كنت أخذت قرارات تختلف بكثير - في
موضوع الجواز - عن اللي أخذتها!

أنا وبنات كثير زيي قابلتهم وقريت كلماتهم اللي بعتهالي،
بنشكل صورة مختلفة جدا عن الصورة اللي طول فترة عشريناتي
كنت بانتميلها. كنت بانتميل، زي ما السينما والتلفزيون وغمز
ولمز المجتمع حواليا كانوا بيصورولي، إن أنبات التلاتين دول
بانبات، حزينات، فاقدرات للأمل، منفرات، مرميين زي شوال
البطاطس في بيتهم كل اللي يعدي جنبه يعايره ويرميه بكلمتين

بايخين، فيجري شوال البطاطس على ركن خفي ويملا الدنيا
عياط!

في المقابل، قابلت وعرفت وشوفت بنات يمكن آه أحيانا
بتقرصهم الوحدة، وبتوجعهم فكرة إنهم إلى الآن مالمقوش حد
يشاركوه حياتهم بحلوها ومرها، لكن في نفس الوقت رافعين
راسهم لفوق ومش حاسين إنهم معيوبين أو إنهم بطلات لمأسة
بنات يشغلوا ويوصلوا لأعلى المناصب، ويكبوا فلوسهم
بنفسهم. حققوا اكفاء مادي ومعنوي مش مخليهم محتاجين حد
عشان يكملهم.. يشاركهم جايز، لكن يكملهم ليه وهم مش
ناقصين!؟

المجتمع محتاج بعيد نظرتة لينا، وإحنا كمان لازم نشيل من
جوانا أي رواسب للصور القديمة اللي عفا عليها الزمن اللي
لسه بتوجعنا ولو على مستوى اللاوعي، ونعرف إن كان من
حقنا ولسه من حقنا نتنى لحد ما نلاقي حد يستحق يشاركنا
رحلتنا اللي قطعنا فيها شوط كبير لوحدنا، ومش مستعدين
دلوقتي نضيع كل اللي عملناه عشان ما نسمعش كلمة بايخة
عن العمر اللي عدى والقطر اللي فات

إذا كنت عضو من المجتمع اللي لسه يفكر بالطريقة القديمة،
أدعوك إنك تعيد تفكيرك وتصحح الصورة البايخة اللي مطبوعة
في ذاكرتك عن بنات الثلاثينات البائسات المهرجات، اللي مش
لايين راجل، اللي ما هيصدقوا يتقدم لهم عريس و اللي بيشتوا
ينادق آباءهم العرسان . أما لو كتتي من البنات اللي عدوا

عنة الثلاثين ومث متأكدة إنك من فئة البنات اللي باتكلم
عنهم، وخايفة تكوني لسه حابسة نفسك في الصورة القديمة،
إسألني نفسك الكام سؤال دول واتني هتعرفي إنتي مكانك فين
بالظبط على خريطة مملكة بنات الثلاثينات:

١- بتعملي اللي انتي عايزاه في الوقت اللي انتي عايزاه من
غير ما تضطري تتأذني أو تألفي كدبة تخليكي تقدرني تعملي
اللي انتي عايزاه؟

٢- بتشتغلي وبتصرفي على نفسك وبقالك سنين ما أخذتيش
من أي كائن مليم أحمر ولا مديتي إيدك لحد وقوليله هات؟

٣- كلمة «جايبالك عريس» بقت بتشكل عبء نفسي أكثر
منها حاجة مفرحة

٤- بتشيلي هم اللي جاي وأكيد ما فيهوش الرمتق لأن فكرة
الناس عن عريس «مناسب» ليكي بقت غير فكرتك تماما مع
مرور السنين؟

٥- بتشيلي هم اللي هتسمعه بعد ما تقولي لأ من باب هي
بتأمر على إيه والعمر بييجري ولازم تتنازلي وما فيش حد كامل
ولا يميها بقى يا بنت الناس؟

٦- بتشيلي هم إنه يطلع كويس وتقبلي عشان ما عاdash ليه
في منظومة حياتك الجديدة مكان؟

٧- من كتر ما أهلك علموكي نعتمدي على نفسك بقى
صعب قوي بالنسبة لك تقبل فكرة «راجل» نعتمدي عليه؟

٨- اتقدم لك على الأقل ١٠ أشخاص حتي إنك أرجل منهم؟

٩- ليكي مكان مؤثر في مكان شغلك الي بتشغلي فيه بجد ومث معتبراه مجرد فاترينة واقفة فيها لحد ما يجي إبن الحلال؟.. ولو في يوم غيتي غيابك أثره ع الشغل بيان؟

١٠- بتخافي من الوحدة؟

١١- بتحبي الوحدة؟

١٢- ماعدتيش بتلاقي نفسك أحيانا غير في الوحدة؟

١٣- لما بتزعلي بتصالحني نفسك؟، لما بتبكي بتمسحي دموعك بإيدك؟، لما بتقعي بتقومي لوحدك وتنضفي هدومك ترفعي راسك وتكملي مشوارك لوحدك من غير ماتتني إيد ماعدة من أي حد؟

١٤- بتدوري كل يوم الصبح على شعراية بيضا جديدة مصممة تطلع في راسك وتشديها

وتحطيتها قدام عينيكي وبعدين تطلعي لها لسانك وتضحكي؟

لو إجابتك ع الأسئلة دي كلها بالإيجاب إذا أنت من فصيلة بنات مصر الثلاثينيات المختومات بختم «ب» ١٠٠ راجل» الي المجتمع رباهم عثمان يقواب ١٠٠ راجل وبعدين يعاقبوهم على اللي ربوهم عليه.

نيسكافيهك في محك. أفلامك في لاب توبك. كتبك في مكتبك.

اللي كنت باتحرك جواها كشيخ لا شايف حد ولا حد شايفه،
وخرجت من قبوها المظلم لنور الشمس. لكن برضه مافهمتش
المفروض أعمل إيه دلوقت؟.. أنا بقيت صيدلانية، ها وبعدين؟

أما الحدث الثاني، فكان مترتب على الحدث الأول ونتج
عنه، حيث إني بعد ما اتخرجت وأيقنت بعد تجربة مريرة لمدة
٥ سنين كادوا إنهم يبقوا ٦ إن دراسة الصيدلة ما كانتش من
الأصل مناسبة ليا، فبدأت أدعس على طريق تاني أمشي فيه،
ولهذا ففي نفس السنة رحلت أخذت دورة إنترنت، أيون،
الإنترنت كان له دورة، والويندوز كمان، ما كناش بتولد وفي
إيدينا تابلت جالاكسي أو آيپاد زي أطفال دلوقتي، بل إن وقتها
كانوا كل زمايلي يضحكوا على هبلي من ورا ضهيري، ويسألوني
في وشي والإنترنت ده هتعملي بيه إيه إن شاء الله؟، وهو كان سؤال
وجيه، حيث إني وقتها ما كانتش عندي كمبيوتر من الأساس ا

بعدها بشوية دخل جهاز الكمبيوتر بيتنا، وكان جهاز
بالقسط، وبعدها بدأت رحلاتي الأسبوعية لزيارة العالم عن
طريق شبكة الإنترنت، اللي كان الوصول ليها لمدة ساعة مرتين
أسبوعيا يتطلب توصيل الجهاز بلك التليفون وسماح سيمفونية
من الأصوات العجيبة وكأنها شفرة مبعوتة من كائنات عايشة
في كوكب تاني بترحب بدخولك لمجرتهم عبر شاشة المونيتور
اللي قدامك. من أول لحظة انبهرت وتعلقت بالعالم الغريب ده،
وكنت باقضي ساعات أقنع زمايلي في الشغل إني أقدر وأنا هنا
أكلم واحد في الهند أو واحدة في كندا، وكانت ردود أفعالهم دايا
غير مصدقة متبوعة بعوجة شفايفهم على جنب. وبعد تجربة

قصيرة بين جوانب عالم الياهو شات والآي سي كيو، وأخواتهم،
اكتشفت شباك على دنيا جديدة، حسني إني مش لوحدني في
الكون، وإن اهتماماتي اللي كانوا زمايلي بتريقوا دايبا عليها مش
حاجات شاذة تستدعي التوبة عنها، ولا إن الواحد يجبي اهتمامه
بيها عشان صورته ما تبوظش قدام الناس. الشباك ده كان اسمه
«المدونات»!

و «المدونة» لو ما كتش سمعت عنها قبل كده، هي صفحة
شخصية من حقلك تختار لها اسم وموضوع وتكتب فيها عن
اهتماماتك، وتكتب على صفحاتها مشاعرك وأفكارك اللي
بتلاقي دايبا تجاوب من ناس معاك وناس ضدك يعلقوا عليها
عندك، أو يدخلوا معاك في نقاشات طويلة كل على مدونته، بينما
يستمع باقي أعضاء نادي المدونات الذهبي بالنقاش الراقى
وتبادل الآراء!

المدونات ما كانتش عالم واحد، كانت عوالم متداخلة. كانت
بوابات على حيوات ملونة وجيلة وعاقلة ورزينة ومليانة إبداع
وتفرد. بعد سنين وسنين من التوهان، حسيت إني لقيت المرسي
اللي هربط فيه سفيتي.. حسيت إني وصلت لبر. وبدأت أتكلم
والآقي اللي يسمعي، وبدأت أنتظط من مدونة للتانية، أقرأ في
سياسة واجتماع ودين وفن وأدب. ما كانتش الفكرة مجرد تضيع
وقت زي هدف مواقع التواصل الاجتماعي دلوقتي من فيس بوك
وتويتر، وما كانتش تضخم الذات هو المبرز زي أكاونتات
الإنستجرام. كان فيه مجموعة من الناس يحاولوا يلاقوا بعض
وسط الظلمة، ويسمعوا صوتهم لبعض، ويختبروا أفكارهم

وناقشوا معتقداتهم وعبّدوا التفكير في مسلماتهم، عثمان في النهاية يلاقوا أنفسهم.. وكثير منهم فعلا لقوا أنفسهم!

من قلب المدونات خرج صحفيين بتقرّاهم بشكل يومي دلوقتي، خرج محامين ونشطاء مهتمين بحقوق الإنسان، خرج كتاب وشعراء كان شعب المدونات هو أول جمهورهم، خرج أصحاب دور نشر وأصحاب مواقع إلكترونية ومواقع إخبارية، خرج فنانيين، كاريكاتير ورسامين ونحاتين ومطربين وملحنين.

من قلب المدونات خرجت أنا، واحدة من الأقاليم ما تعرفش حد ولا حد يعرفها، ولا ليها في القاهرة قراب مهمين، ولا بنت فلان ولا حفيدة علان من المشاهير اللي اسمهم العائلي ممكن يفتح قدامك سكك كثيرة!

المدونات قلبت لي حياتي، من تعليقات وتشجيعات لواحدة منطوية بتخليها كل يوم بتعيش حياة جديدة وتشجعها يطلع لها جناحات وتخرج من شرنقتها لعالم أوسع وأحلى، لفرص نادتنسني، لأبواب اتفتحت قدامي. أول مرة اسمي طلع فيها في جريدة كان بسبب المدونة.. عرض نشر كتابي الأول جاني على إيميل المدونة.. عرض تحويل المدونة لمسلسل جالي عن طريق المدونة.. أول مرة خطت رجلي فيها أرض القاهرة بعيدا عن رحلات المدرسة كانت برضه بسبب المدونة!

المدونات كانت فعلا شباك على دنيا جميلة، كانت منبع لفرص تعارف وفرص تكوين حياة جديدة وكارير مختلف لكثير من الناس. ورغم إن شعب المدونات حاليا اختفى في

غياهب السوشيال ميديا ودهاليزها، إلا إننا له بنظن برومنا بين وقت والتاني ونقول إحنا هنا، ونحلم بيحي يوم ونرجع تاني للأرض اللي جمعنا كلنا، للأرض اللي كانت منجم مواهب وعقول وأفكار، خرجت ودلوقتي بتحاول تقوم بأدوار كبيرة في المجتمع، أرض مختلفة عن أراضي السوشيال ميديا اللي بتدي فرص أقل للمواهب وأكثر للهري وللغباء والمخرة، وتشهر التباع وسعيد الهوا وإخوانهم، وتستخدم كميدان لمعارك لفظية وتنكيل أكثر من كونها ساحة لتبادل الآراء أو التعارف أو التواصل بشكل محترم!

آه السوشيال ميديا وصلت الناس ببعضها بشكل أسهل، وخلت أي كلمة ممكن توصل في ليلة لملايين، وساعدت على رجوع حقوق وقيام ثورات.. وموتها.. لكن لا يزال قلبي وقلوب ناس كثير من رواد العصر الذهبي للمدونات متعلق بيها ومتمن لها، ومدين ليها بكثير، ويتمنى من كل قلبه نرجع لها

إحنا فعلا كنا جيل محظوظ، لأننا عاصرنا اللحظة التاريخية لميلاد ثورة الإنترنت في مصر، ولأننا عايشين دلوقتي في عصر، الكرة الأرضية فيه فعلا قرية صغيرة، والناس كلها قادرة توصل لبعضها، لكنني دايمًا حاسة إن أكثر حاجة إحنا-جيل المدونات- كنا محظوظين فيها، إننا لقينا فرصة عن طريقها عرفنا كثير عن نفسنا!

الفهرس

٥	دلع عيني دلع
٧	اللعبة
١١	في مسألة (النش) ١
١٥	أحفاد رفاعة وبيرم
١٩	ابن موت
٢٣	أقلية
٢٧	قضاء وقدر
٣١	الجيل القديم
٣٥	الأغيار
٣٩	«برجل حمار»
٤٣	صورة للقضية
٤٧	عيش، حرية، طبق مهلية
٤٩	فضول القطة
٥٣	في مدرسة سايكو
٥٧	الزعيم
٦١	إعادة تصنيع
٦٥	الحب في أرض الفرنجة
٦٩	العاصمة
٧٣	الفيل في الغرفة
٧٥	أنا مهما كبرت صغير
٧٩	ماريونيت

٨٣	إذا المرأة يوماً أرادت أن تقود
٨٧	الخرزة الزرقاء
٩١	الطريق إلى بلوتو
٩٥	ألوانك
٩٩	أنا حرة
١٠٣	جنس لطيف
١٠٥	ماجى
١٠٧	أروح فين؟
١١١	المرأة المصرية التامة
١١٣	حكاية كل يوم
١١٧	فيلم والاعلم؟
١٢١	دليل التعامل مع العربية المعاصرة
١٢٥	الحكومة
١٢٩	علبة من البكويت
١٣٣	عن «القدرة»، «وفمها»
١٣٧	عيد سعيد، أحياناً
١٤١	فوت علينا بكرة
١٤٥	كلنا في أهم هند
١٤٩	وثالثها الشيطان
١٥٣	بابا
١٥٩	بحثاً عن الزيتون
١٦٥	دليل الأرنب
١٦٩	بـ ١٠٠ راجل
١٧٥	شباك عالدينا

فضول القطة

سمعها يوسف وهبي من مديحة يسري فارتسمت ملامح الامتعاض عميقة على وجهه متجاوزة جلده ولحمه لتستقر عميقا فوق العظام، بعدها بسنوات قالتها نعيمة عاكف أمام رشدي أباطة ففرت خصلة من شعره المصفف بالبريانتين من مكانها جنونا وانطلق ليكسر أنف وفك أحد الأوغاد، تمر سنوات أخرى وتقولها شادية لكمال الشناوي فلا يفعل شيئا سوى أن يتسم ابتسامته الأيقونية الساخرة لأنه يعلم جيدا أن لا أمل لها في الفكك من قيود المجتمع أو من ذئاب الوسيمة الذي يفخر بأنه واحد منهم، بعدها تغير الوضع قليلا إذ كان حسين فهمي سعيدا للغاية بزوزو عندما أخبرته سعاد حسني أنها حرة وتعشق حريتها، لكن الأمر عاد مرة أخرى الآن ليشكل مشكلة عويصة حين تتجرا إحداهن على قول عبارة "أنا حرة".

غادة عبد العال

مدونة وكاتبة مقال وسيناريست، تُرجم كتابها الأول (عايزة أتجوز) إلى خمس لغات أجنبية (الإنجليزية، والفرنسية، والإيطالية، والألمانية، والهولندية)، وفازت بجائزة الهرم الذهبي لأحسن سيناريو لمسلسل كوميدي عن عملها المأخوذ عن نفس الكتاب عام 2010، كما حصلت عام 2012 على جائزة (بوير) الإيطالية كأحدى الكاتبات الواعدات اللاتي تساعد كتاباتهن على التقريب بين الشرق والغرب. في عام 2014 كتبت سيناريو مسلسل (إمبراطورية مين؟) الذي ناقش الآثار الاجتماعية لثورة 25 يناير في إطار كوميدي ساخر. لها عشرات المقالات المنشورة في جريدة الشروق، ومجلة نصف الدنيا، ومجلة روتانا، وموقع إرم، وجريدة اليوم الجديد، ولها حاليًا مقال أسبوعي مكتوب ومسموع في إذاعة مونت كارلو الدولية



DIWAN BOOKSTORE

فضول القطة

9789777700412



A Modern Fiction

L.E 25.00

DIWAN

تصميم الغلاف : سيمون سمير

الهرم
للنشر
والتوزيع